





la meilleure portion de ce Spicilège, et surtout celle qui comprend les XXXVIII inscriptions tirées des manuscrits de Pighius (p. 75-116). Tout ce que dit Hagenbuch du faible commentaire dont Roger l'ava accompagné:  
"Inscriptiones Pighianas numero XXXVIII publicavit cum suis in eadem commentariis; in lectis autem manibus, rei epigraphicae imperitiorum ad sacra hinc Pighii foras data accepisse. Rogerum passim deprehendi. Hinc gravem aetiam certarum Tabularum, Vossingeri, impressis. Guarnieri invenisse; vel sic tamen laudando, quod Pighii monumenta a eleganti modo prodita ab interitu vindicavit, quamvis eis replicationes impiorum fuerint."  
On trouve dans une lettre de Cuper à l'abbé Pignat une note curieuse relative aux deux frères

Pighius, et qui mérite d'être citée:

"Vos convenisse, Monsieur, les deux Pighii, et vous sçavez qu'ils étoient nés à Campon (Tays-Bas, prov. d'Ober-  
"Xbel); leur maison subsistait encore, le fronton étoit en pierre de taille, et assez riche pour le temps où les savants hom-  
"mes ont vécu; leurs armoiries, la queue d'un marquis, qu'ils étoient d'une famille distinguée, le commun n'étant pas  
"accoutumé alors d'avoir des armoiries. Enfin on y voit une belle inscription prise de Cicéron: Virtus philosophia  
"dux, virtutis indagatrix, expulatrix vitiorum, presidium ad omnia. 1566. Vous voyez par là, Monsieur, com-  
"bien les deux frères ont été purs à l'étude, comme leurs écrits le témoignent aussi. Ici, ou par cette portion  
"de la loi, toutes petites qu'elle est, me vous déplairait pas. Le nom de leur famille étoit Pighius; elle est tout à-  
"fait éteinte (Antiquité, vol. p. 286)."

P. Pignat



Lib O. No 227

22/159

200

£350

5 full-page plates and numerous engravings in the text

*Begerus*



SPICILEGIUM  
ANTIQUITATIS.



⊕

ANTIOCHITATIS.  
MUSEUM



SPICILEGIUM  
ANTIQUITATIS  
*SIVE*  
VARIARUM  
Ex Antiquitate  
ELEGANTIARUM

vel  
Novis luminibus Illustratarum

vel  
Recens etiam editarum

FASCICULI,

*Exhibente*

L. BEGERO,

Serenissimi Electoris Brandenburgici Confiliario ab Anti-  
quitatibus & Bibliotheca.



*Alto L. B. a Schwern*

COLONIAE BRANDENBURGICÆ,  
Typis ULRICI LIEBPERTI, Electoralis Typographi.  
Anno M DC XCII.



SPECIAL  
LIBRARY

1872

LIBRARY

EX LIBRIS

ELIZABETH

1872

1872

1872

1872

1872

1872

1872

1872

1872

1872

1872

1872

1872

1872

1872

1872

1872

1872

1872





PER-ILLUSTRI ET GENEROSISSIMO,  
 DOMINO  
**EBERHARDO**  
**CHRISTOPH. BALTHASARO**  
 à  
**DANCKELMAN,**  
 Serenissimi Electoris Brandenburgici,  
 MINISTRO INTIMO  
 à CONSILIIS  
**STATUS, FEUDALIBUS ET BEL-**  
 LICIS &c. &c.

*Domino meo, omni devotæ mentis cultu*  
*Devenerando.*

PER-ILLUSTRIS ET GENEROSISSIMÆ,  
 DOMINE ET PATRONE GRATIOSISSIMÆ



*I præcellens Tuorum meritorum*  
*jubar tanta mihi facultas foret*  
*describendi, tanta Tibi patien-*  
*tia contemplandi, quanta est*  
*Tua Dignitas & gloria, quan-*  
*tusque animi mei ardor, in laudes Tuas, PER-*  
 ILLU-



ILLUSTRIS DOMINE, plena Panegyri assurgerem.  
*Ferit oculos non unius tantum Regionis, sed  
totius politioris Terrarum Orbis, indefessa illa  
Providentia, qua Marchiæ Brandenburgicæ,  
Provinciarumque Electoralium felicitati consu-  
lis, Teutonici Imperii gloriam curas, Pacis  
Bellique negotia promoves. Admirationi est in-  
victa illa Fides, qua SOLIUM ELECTO-  
RALE, ACHILLEMQUE BRANDEN-  
BURGICUM, AUGUSTUM inquam  
MARCHICI SCEPTRI MODERA-  
TOREM, non Domi tantum, inter sanctioris  
Iustitiæ fasces, sed etiam in bello, inter turbidos  
furibundi Martis clangores, quibus DIVINUS  
ILLE HEROS, pro securitate publica, glo-  
rioso ausu, sese immittere solet, amplecteris.*

*Quis crederet ex tanto fastigio, inter tot, tan-  
tosque virtutum tuarum labores, gratiosum bene-  
volentiae radium, in tenobrosas gementium Exu-  
lum speluncas, in obscura trepidantium Musarum  
antra penetrare posse? At defluit in utrosque, Te  
& procurante, & dispensante, continuus Electo-  
ralium beneficiorum imber. Te Gallus Religionis  
Zelo fugitivus, post inclytum illum AETO-  
PHON, Patronum suum veneratur! Te  
Palatinus, Bellonæ furiis patria pulsus, Præsi-  
dium*



*dium suum adorat! Te Artium scientiarumque  
Mysta, dulce Decus suum, suspicit.*

*Quid ego, qui duplici nomine Tibi obstrictus  
sum? Quod Palatinos gratioso favore reficis,  
ipse Palatinus quidni gratias Tibi referam? Quod  
Musis, inter bellicos Populorum fremitus, securita-  
tem præstas, largâque manu subsidia affundis, ipse  
Musarum sacerdos quidni holocaustum Tibi ac-  
cendam? Adeſt victima, si non tuis condigna me-  
ritis, attamen devoti Tibi, pro immenso benefi-  
ciorum agmine, animi mei index.*

*Africa mittit Ebur, mittunt sua Thura Sabæi,  
Electrum Præſus, pretioſas India baccas.*

*Mibi nec Pæctolus, nec Hermes divitias ſuppeditat:  
Opes Heliconis curæ ſunt, quem & APOLLO  
NOSTER Auguſto jubare irradiat, & Tu,  
GENEROSISSIME MÆCENAS, Herculis Muſage-  
tæ inſtar, ſollicitè tueris. Hic non tantum Heſpe-  
ridum hortos, non tantum hortos Alcinoi, aut biſeri  
Pæſti roſaria carpo; Tota Græcia, quam latè  
olim diffuſxit, ſinum ſuum mihi patefecit: Ter-  
rarum Gentiumque dominatrix Roma ambitum  
ſuum aperuit, ut dignos Tua magnitudine floſcu-  
los colligere, arisque Tuis imponere poſſem. Ex his  
accipe, quicquid hoc eſt, ſubmiſſi calami mei hoſti-  
mentum!*

mentum! Accipe hostiam, non quæ nitidis igni-  
bus, sed quæ calidis pro Salute & felicitate Tua  
Votis ardet. Deus felicitatis summus arbiter,  
Te felicitatis nostræ, post inclytam BRENNI  
dextram, Statorem indefessum, omni felicitate  
coronet! Vitæ fons, Vitam Longam Tibi largia-  
tur! Gloriæ author, gloria perenni per ora Po-  
steritatis Tua merita ferat! Sic feliciter agent,  
non Helicon tantum, sed & solium Electorale! non  
Marchia tantum, sed & Orbis Brandenburgicus;  
imò & ejectæ sedibus suis & Pietas & Innocen-  
tia! Ita vovet,

PER-ILLUSTRIS ET GENEROSISSIME DOMINE!

GLORIOSISSIMI TUI NOMINIS

Cultor obsequentissimus

LAURENTIUS BEGER.





quædam colligere, & in publicum efferre sustineam. Primastinent Numismata. Proccedit

Um innocenti Libertate per  
amœnissima nobilioris Antiquitatis Vi-  
ridaria ambulo, id mihi accidit, quod etiam  
in hortis solet. Diffusus undique variantium  
flosculorum decor non tantum sui in con-  
templationem me trahit, sed & eò audaciæ  
propellit, ut ex immensâ segete elegantiora

# I.

## HPΩΣ ET MENHΣ



**D**Uas hoc in nummo figuras cernimus. Altera certa est, altera ha-  
ctenus incerta. Illam Apollinis esse, ex radiis discimus: Hanc es-  
se Ηρώς, Ευμενής Herois Mansueti & Benevoli, conjecturâ af-  
sequimur, eâ potissimum ratione, quòd nec Deum insignia determi-  
nent, nec Heroem hastile neget: Chiorum autem, quorum Numisma  
est, historiam versantibus non alius occurrat, cui potius ea figura tribui

A

pos-

possit. Audiamus Nymphodorum apud Athenæum lib. 6. p. 265. & quidem, cum locus prolixior sit, ex Dalechampii interpretatione; ita ille: *Parum ante nostram ætatem, Chii narrant, servum quendam profugum in montibus consedis, illicque fuisse commoratum, animi quidem virilis hominem ac bellicosum, & qui, velut exercitus Rex, fugitivorum ductor ac Imperator esset. Adversus illum Chii cum expeditionem sepius fecissent, ac irrito conatu nihil profecissent; ut eos perire frustra videt DRIMACUS, (sic enim fugitivus ille nominabatur) his verbis ipsos est allocutus: Quod negotium vobis, ò Chii Dominique nostri, servi face sunt, nunquam cessabit. Quo enim pacto desinere possit, cum Oraculo, id eveniturum, Deus prædixerit? At mihi, si vos obtemperetis, & quiescere nobis per vos liceat, multorum ego vobis bonorum Author futurus sum. Fœdus ergo Chii cum invissent, ac inducias in aliquot tempus essent pacti, mensuras, pondera & sigilla peculiaria sibi fabricatus, ea Chius ostendit ac dixit, quicquid id daturi essent, eo se accepturum pondere & mensura: acceptis verò, quæ satis sint, pretium relicturum notatum impresso eo signo: De fugitivis postea illorum servis se inquisiturum & fugæ causam examinaturum: si quid atrocissimum & inexpiabile passi fuisse videantur, eos se habiturum: si justam suæ fugæ causam non dicant, ad heros se remissurum.*

*Eas fœderis & pacis leges reliqui servi cum viderent Chiis acceptas esse, multò minus aufugiebant, illius iudicium metuentes; Ejus autem comites fugitivi, magis ab eo sibi timebant, quam à Dominis, & quæ sui muneris essent, omnia illius, ut Imperatoris, jussu, obediens exequiebantur. Protervos enim & extra suum ordinem palantes is puniebat, agrumque populari nemini concedebat, aut se nolente injustè patrare quippiam. Diebus verò festis ex montibus in agrum descendens, vinum opimasque hostias auferebat, & si quid aliud Domini largirentur; Si quem autem sentiret, insidiantem sibi, aut exitium molientem, ab eo pœnas exigebat. Cum verò Civitas per præconem denunciasset, magnam se pecuniæ vim daturam, si quis eum caperet, aut abscissum ejus caput afferret, Drimacus jam natu grandior Amasium suum in secretum locum abduxit, & sic affatus est: Ego quidem omnium hominum te maxime dilexi. Tu porro mihi puer es, filius, & alia omnia, Jam temporis satis virxi. Tu verò Juvenis es. Etatis est iste vigor ac flos. Quorsum hac?*

*Stre-*



*Sirenum te esse, ac fortem virum oportet. Quandoquidem Chiorum civitas, si quis me interficiat, percussori plurimam cum libertate pecuniam pollicetur, volo te amputatum mihi caput Chium perferre, receptaque à civitate pecunia Te posthac beatam vitam degere. Abnuenti negantique, se id facturum, Juveni, morem sibi ut gereret, tandem persuasit: Excetum illius caput ad Chios Juvenis desert. Chii, quos praeo nummos promiserat solvunt. Corpore fugitivi sepulto, in patriam is remeat. Verum, cum ab insectis servus, Chii adhuc multis Injuriis afficerentur & diriperentur, memores aequitatis ac lenitatis mortui, in agro suo HEROUM illi exstruxerunt, appellaruntque ΗΡΩΟC. ΕΥΜΕΝΟΥΣ, HEROIS MANSUETI AC BENEVOLI, cui etiamnum fugitivi decimas omnium, qua depradantur, offerunt. Illum quoque, ajunt, in somnis Chiorum multis apparere, & significare, quid insidiarum servi machinentur: ac eos quibus noctu visus est, in Heroi locum profectos illi sacrificare.*

Hæc à Nymphodoro apud Athenæum relata, & de sacrificio testantur, quod in numismate per aram exprimitur, & causam simul aperiunt, cur *Heros* hic *mansuetus* Apollini junctus sit; Primò enim ejus Dei cultorem fuisse, inde patet, quod Oraculo, Chiis servorum insultus denunciante, credidit: deinde eosdem cum Deo fatidico honores meritum, inde constat, quod Chiis per somnum apparuit & servorum machinationes detexit. Hæc duo, qui probe considerat, quin Heroem mansuetum in numismate Chiorum simul cum Apolline mecum facturus sit, nullus dubito.

## II. PHINTIAS REX.



**D**E hoc nummo, an ad Phintiam Regem, an ad urbem Φιντιάδα referendus sit, anceps apud auctores disquisitio prostat. Ad rem decidendam, Diodorum Siculum adducimus, qui non tantum de Phintiade Urbe, sed etiam de Phintia Rege, Phintiadis Urbis conditore, docet. Ita ille in Ecclōgis ex libro XXII. Κατὰ δὲ Σικελίαν ἦσαν τέτταρτοι Ἰκέτας ἐν Συρακυσσῇ, ΦΙΝΤΙΑΣ ἐν Λιχόρα, καὶ Τυνδαρίων ἐν Ταυρομενίῳ, καὶ ἕτεροι τῶν ἐλαττόνων πόλεων. Φιντίας δὲ καὶ Ἰκέτας πρὸς ἀλλήλους πόλεμον ἐνεργάμενοι ὤζοντο, καὶ πῶς ἐβλαίων, καὶ τὴν Νίκην Ἰκέτας ἀπηνέγκασκεν. & paulo post: Κτίσει δὲ Φιντίας πόλιν, ὀνομάσας αὐτὴν Φιντιάδα, γελώας ἀναστὰς ἐν αὐτῇ, ἐπὶ δὲ αὐτῇ ὤζοντο. Κατὰ τούτων, ὅτι τὰ τέτταρτα καὶ τὰς οἰκίας, καὶ τὰς λαῖας τῆς γέλας εἰς τὴν Φιντιάδα μετήνεγκε, καὶ τὰς τέτταρτα καὶ ἀγορὰν ἀξιόλογον, καὶ ναυσταθίον. hoc est: In Sicilia Tyranni erant, Hicetas Syracusis, PHINTIAS Agrigenti, Tyndarion Tauromenii, urbiumque minorum alii. Phintias autem & Hicetas conflato inter se bello, ad Hybleum acie instructa concurrerunt, victoriamque retulit Hicetas. & mox. PHINTIAS urbem condidit Phintiadam, Gelenesque de Patria submotos in ea collocat. Sita autem hac est ad mare. Muris enim domibusque Gela destructis, populum Phintiadem transtulit, postquam mentia forumque insigne ac Templum Deorum condiderat.

Hæc cum ita sint, consequens est, primò: Ut Caput in numismate laureatum, non Gelonis, sed ipsius Phintiae statuamus. Secundo: Siquid vetustate detritum in Numismate fuit, quod equidem ne dubium sit, per quam vereor, ut non nomen id Regis esse, sed loci fortassis arbitremur, & quid si AKPATANTINON? eodem modo, quo in nummis Nicomedis, aliisque quibusdam Nomina Regis & Urbis conjuncta cernimus. Tertio: Ut corrupta Authorum Nomina apud Ptolemæum, cui Φιντία, & Antoninum in Itinerario, cui Plintis Urbs Phintiae dicitur, cum Doctis corrigamus, & illic Φιντία hic Φιντίας restituvamus; ut taceam Plinium, ubi Phintiensēs & Phintia de fonte Siciliae, ubi Codex Chiffletianus Pinthia, alii Pythia legunt, cum tamen aperte Phintiensēs & Phintia legi debeat. Quarto: Ut Damonis amicum, qui vulgo Pythias dicitur, rectè à Plutarcho περὶ πολυφιλίας PHINTIAN credamus dici, quo nomine etiam Jamblichus memoratur, qualiter etiam in Veteribus Ciceronis libris se reperiisse Turnebus testatur. Quinto: ut adversæ canem non ad Pyrrhum Gelonis referamus,



mus, quod Golzius non improbabili conjectura sibi videtur facere, sed ad Phintiae venandi studium, quod ex aliis Regis Phintiae apud Parutam numismatibus, Aprum & Dianam exhibentibus, abunde patet, quorum huc ectypa transferimus.



Addatur in rei fidem & lucem idem Diodorus Siculus, quo teste etiam somnium, Phintiae funestum, venationem adumbravit. Φιντίας ὁ Φιντιάδης κτιστὴς, Ἀρεόγανι πύργῳ εἶδεν ἕναρ δηλὴν τὴν πρὸ βίᾳ καταστροφὴν. Ὡς ἄρτιον κυνηγῆναι ὁρμήσας καὶ αὐτὰ τὴν ὕν, καὶ τὴν πλευρὰν αὐτῆς τοῖς ὀδῶσι ποτιέξαι, καὶ διελαίεσθαι τὴν πωληγὴν κλέιναι. *Phintias, Conditor Phintiadis ἔς Agrigentī Tyrannus, somnium vidit, exitum illi vita representans: Dum Aprum venatur, sus in eum ruere, latus ejus ferire dentibus ἔς transadactō vulnere, ipsum perimere visus.* Non caruit somnium eventu: Phintias, eodem Authore, ob Geleneses excisos, reus cædis factus, urbium cunctarum illi subditarum odiis flagavit, quæ & præsidia expulerunt, inter quos primi fuere Agyrinæi.

### III. ΑΕΤΩΜΑΤΑ Ædificiorum.



**Q**uid sub vocabulis *αἰτὶς καὶ Ἀετώματα*, ubi de ædificiis & Templis sermo est, intelligi debeat, anceps apud Autores Sententia prostat. SUIDAS Tecta ipsa ita vocata arbitratur sub voce Ἀετώματα. Τὰ τῶν ἱερῶν τεγύσματα, inquit, μέγας καὶ αἰτὶς καὶ λῆσιν. Templorum tecta alas & aquilas vocant, allegatque hæc ARISTOPHANIS.

Τὰς οἰκίας ἐρέσμεν πρὸς αἰτὸν.  
*domos tegemas ad Aquilam.*

additque ita dicta *αἰτὶς καὶ τεγύσματα*, pro voce *tegemus*. Sed videtur ipse SUIDAS hujus suæ opinionis firmus non fuisse, cum paulò ante Ἀετὸν οἰκοδομημάτων non τεγύσμα tectum, sed τὴν πρὸς τὸν ἑρῶν eam partem, dixerit, *qua in tecto est*, quamque quidam Ἀετώματα vocant. HESYCHIUS ita dici scribit, τὸ κυματὸν τὸ ἐν τοῖς γείσις *Cymatium in Suggrundis*. Suggrundæ sunt tecti exstans inferior pars, parietes à pluvia defendens, & Cymatium iis supposita linea, fluctuum in speciem efformata: Proindeque αἰτὶς & αἰετώματα secundum hunc effect in lateribus domuum aut Templorum. GALENO in *Lexico Hippocrato* est αἰετώματα, τὸ εἰς ὕψος ἀνατεταμένον τῆς ὀρεφῆς, ὥσπερ τετράγωνον, illa pars tecti, *qua triangulari forma in sublime elevata est*. Hæc apud Antiquos. Recentiores & ipsi opinionibus in diversum abeunt. COELIUS RHODIGINUS Suidæ assentitur: *Legimus, inquit in Templis nominari αἰτὶς. Id non aliud indicat, quam tecta, quæ item μέγας vocant, sed & αἰετώματα.*

HENRICUS STEPHANUS Ἀετώματα, id quod αἰτὶς peculiariter dicitur, de fastigio adificiorum aquila volantis speciem repræsentan-



rante. Ex quibus simul & vocis ratio redditur, quamvis ad illud Pindari Olymp. Od. XIII.

Τῆς Θεῶν ναοῖσιν οἰωνῶν βασιλῆα διδυμον ἔθηκε.

aliam, & quidem numismatibus nostris apprimè convenientem, suggerat Smidius. *Intelliguntur*, inquit, μετεπεπνῶς αἰτώματα vel αἰεῖ. id est *Aquilarum signa Metallica, quae fastigiis Templorum & aliorum aedificiorum imponi solent.*

Hæc sententia, cūm, non tantūm rationi consentanea sit, sed & allatis venerandæ Antiquitatis monumentis confirmetur, consequens est *Primò*: Ut rejecto Suida & Hesychio, Ἀετώματα non in tecto, sed in fastigio & culmine ædificii quæramus. *Secundo*: Ut propriè aquilas ipsas fastigiis templorum vel impositas, vel appositas, impropriè autem & μετεπεπνῶς, fastigium ipsum, ut Galenus ait, trigoni in formam effigiatum intelligamus. *Tertio*: Ut rationem, ab Aquilis illis impositis approbantes, eam frivolam pronunciemus, quam EUSTATHIUS profert, his verbis: Μέρϥ τὸ τῶν ναῶν ἔ μόνον αἰέτωμα ἐλέγετο, ἀλλὰ καὶ αἰετοὶ διὰ τὸ εἰκένειν Φασὶ πέρυξιν ὤπτων. *Quartò*: Quando apud Comicum dicitur.

Τοὺς γὰρ ὑμῶν οἰκίας ἐρέψομεν πρὸς αἰτύν.

*Vestras enim domos tegemus ad Aquilam.*

non idem esse, ac στεγάζομεν, ut SUIDAS, nec idem, quod *ad Aquilinarum alarum similitudinem* tectum eorum in summo fastigio faciemus; Sed quod στεγάζομεν πρὸς αἰετώματα, tegemus ad Aquilas, ut Schol. Græc. id est, ad culmen usque.

Ad Pindarum adhuc subjiçienda veniunt Scholiastis verba, ex quibus non tantūm patet, aquilas Templis impositas, sed & gemina fuisse αἰετώματα: οἰωνῶν βασιλῆα, τὸν αἰετὸν Φησι. λέγει δὲ τὸ κῆρ πρὸς ναὺς τῶν Θεῶν αἰέτωμα. πῆς ἔν Φησιν ἐν τοῖς ναοῖς τῶν Θεῶν τὸν βασιλῆα τῶν ὀρνέθων ἐπέθηκε τὸ λεγόμενον αἰέτωμα. Δίδυμϥ δὲ Φησιν, ἔτι διπλᾶ πᾶ αἰετώματα, ἔπιθεν καὶ ἔμπερθεον. Διὰ τὸ ἐξ ἀμφοτέρων τῶν μερῶν κατασκευάζεσθαι αὐτὰ. Ἀλλως. οἰωνῶν βασιλῆα. ὁ αἰετὸς οἰωνῶν βασιλεὺς ἐστὶν ὁ ἐπὶ τῶν ἱερῶν πτέρμενϥ. Ἰνὲς δὲ τὸ αἰέτωμα, ὡς Φησι Δίδυμϥ, πτερπτεμένϥ Τίμαρον λέγοντα. καὶ τὸ ἐν οἰκίᾳ οἰκοδομίας ὧν. εὐρημα καὶ λαὸς ἐξῆς.

IV.  
SYRI  
Sub Ariete.



**A** Nimal supra caput turratum in Nummis ab Antiochensibus percusso. Tristanus *Leonem* putat, Cybeles capiti impositum, Alii *Orvem* interpretantur, alii & quidem rectè arietem, quem cum stella solitum quidem faciunt Antiochensium symbolum, cur autem in eorum nummis fulgeat, hæcenus, quod sciam, nemo aperuit. Mihi sub Ariete *Signum cæleste* latere videtur, idque non tantum, quod Stella & Luna, in quibusdam arieti jungantur, sed etiam, quod aries capiti turrato, imò & templis ut plurimum impositus sit, quod utique contra artis præcepta foret, si animal terrestre sub eo lateret. Favet asserto MANILIUS, qui sub ariete cælesti signo Syros ponit, quorum Metropolis Antiochia fuit.

*Laniger in medio sortitus sidera mundo  
Adserit invires Pontum, quem vicerat ipse,  
Illum etiam venerata colit vicina Propontis  
Et SYRIÆ Gentes. &c.*



Ex his Manilii constat, eandem rationem etiam esse arietis, in nummo Κυρρῆων, templo Jovis καὶ αὐτῷ ἰμpositi;



Neque enim soli Antiochiæ Arietem tribuit Manilius, sed *Gentibus Syria*, quarum civitas etiam Cyrrhus erat. Quanquam Sidus in Numismate, utpote cum luna conjunctum, non tam stellam aliquam putarem, quam Solem siderum principem. De Luna apposite succurrit ARATUS in Phœnomenis, v. 225.

αὐτὸς δὲ κρείττοιο δυνάμει εἶσι κέλευσι,  
αὐτὸς μὲν νωθὴς καὶ ἀνείσερτος οἷα σελήνη  
σκέψασθαι.

*Illic etiam arietis celerrimi sunt cursus.  
Ipse quidem languidus & obscurus, utpote Lunam  
Observando.*

De Sole & Luna audiatur COEL. RHODIGINUS, cujus hæc sunt: *Ajunt, quum primum in ordinem hunc & nitidissimam claritatem facta, expurgata, compositaque Elementa sunt, quem diem mundi esse natalem prædicant, ARIETEM signum media cæli tenuisse, qui locus ceu quidam mundi vertex intelligitur; proindeque factum, ut PRINCIPEM in signorum duodecim limbo LOCUM ARIES habere credatur, quippe in genituris omnibus cælum medium principem habet locum. Nam & ex hoc totius genitura fundamenta colligunt. Inde concinne admodum ex hoc signo reliquis omnibus initium factum, præsertim cum stellarum pars maxima, sed & Lumina utraque, SOL & LUNA, radios suos in hoc collimant.*

En Solem & Lunam radios suos in Arietis signum collimantes! Solem & Lunam, quæ in nummo Arieti junguntur! En Arietem Signorum duodecim principem! Principem, qualem Antiochiam

B

si non

si non mundi, tamen Orientis dictam (quæ alias post Romam & Constantinopolim, aut Carthaginem aut Alexandriam, quibus tamen interdum & præponitur, tertia fuit] Per Ill. SPANHEMIUS docet ad Cæsares Juliani, pag. 402.

THEON Autor est, ab Ariete ordiri Ægyptios, quod signa omnia cum membris analogon habeant; esse autem Caput arietem, conjectant, quia in capite sit animæ principatus, & ovium Dux Aries sit. Hæc mecum si considero, facile mihi persuaferim, urbem fastigii principalis æmulam, imò & citerioris Asiæ non semel Dominam, ideò arietem hunc numismatibus suis expressisse, ut primam sibi gloriam non ambitione humana, sed divino naturæ consilio testaretur adjudicatam.

V.

AMORGINI  
Samiorum Colonia.



Cur in Amorginorum nummis expressus sit Apollo cum Sphæra & circino, an ob excellentes aliquos Astrologos, quos haberit hæc Insula? inquirendum Lectori NONNIUS relinquit. Alii



Alii id factum arbitrantur ob receptum fortè in Civium numerum Pythagoram Samium, Oenipodemve Chium, aut quempiam alium è priscis illis Astrologiæ Magistris: adduntque, in nummis Samiorum Pythagoram baculo Sphæram monstrare. Exstat numismatis illius Eclypon in *Specimine Morelliano*, ex quo & hic denuo ut proponam, quid prohibet?



Multum certe facit, & ad confirmandam de Pythagora opinionem, & ad rejiciendam de Oenipode; non equidem, ut in civium numerum ab Amorginis receptum Pythagoram credamus, sed ut *Amorginos ex Samo* Pythagoræ patria discamus oriundos. Pythagoras non tantum Samius fuit, præter alios & Ovidio canente Met. 15.

*Vir fuit hic ortu Samius.*

Sed & Astrologiam, imo & Geometriam, quæ sub Circino adumbratur, & integram Mathesin in tantum calluit, ut non abs re idem Author cecinerit:

Cæli regione remotos  
Mente Deos adiit, & qua natura negavit  
Visibus humanis, oculis ea pectoris hausit.


Pythagoras in nummo Samiorum Sphæram tangit, qualis & in numismate priore Amorginon visitur. Quis ex hac convenientia non aliquam utriusque Insulæ cognationem præsumat? Eam apertis verbis edocet Suidas, quem & Nonnio citatum videmus, quanquam rei basin assecutus non sit. Itaille.

Σιμμία. Ρόδιος. γραμματικός. ἔγραψε γλώσσας βιβλία γ'. ποιήματα ἀέφορα βιβλία δ'. ἦν δὲ τὸ ἐξαρχῆς σάμιος. ἐν δὲ τῷ λαπομισμῷ τῷ Ἀμοργῷ, ἐστάλη καὶ αὐτὸς ἡγεμὼν διὰ σιμίων. ἐλήσθη δὲ Ἀμοργὸν εἰς γ' πόλιν. μινώαν. Ἀγιάλόν. δεκεσίμην.

VI.  
CHIUS  
Cretenſium Colonia.



**G**oltzius hoc Numisma proponit. Interpres Nonnius de a-  
versa tacet. Tacent & alii, quosunque de Chiorum Numi-  
smatibus inspexi. Mihi *Labyrinthus* videtur, idque ob per-  
plexos parietes, continuosque anfractus, cœcasque viarum ambages,  
quibus labyrinthus apud Authores describitur, & hodiènum in Nu-  
mismatibus Gnoſſiorum occurrit. En Exemplum ex Gaza Electo-  
rali Brandenburgica!



Sed de Labyrintho Cretico constat. Constat & de Ægyptio, &  
de Italico, & de Lemnio. Quis autem unquam in Chio Labyrin-  
thum posuit? Et si non fuit, quæ ratio ejus in numismate Chiorum  
expressi?

Dicam quod sentio. Ratio duplex esse potest: Minois po-  
tentia & Oenopionis in Insulam transitus. Minos, qui Labyrinthum  
in Creta exstruxit, potentia navali imperium maris & Insulas obti-  
nuit: Quidni igitur & Chium, occurrente famosissima Labyrinthi  
structura in Chiorum nummo? Oenopion ex Ariadna Minois filia  
genitus, à Rhadamanto, justissimo sub Minoe Cretenſium Judice, Chi-  
um



um possidendam accepit, Vinique confectionem, quam à Patre Baccho didicerat, proculdubio primus intulit. Diodorum audiamus. Τὸν δὲ Ραδάμανθον Οἰνοπίωνι τῇ Ἀριάδνης τῆς Μίνω Χίον ἐγχει-  
εῖσαι Φαίειν. ὃν ἐνιοὶ μυθολογεῖσι Διονύσου γρόμενον, μαθεῖν πῶς τῇ  
πατρὸς τὴν οἰνοποιίαν. *Rhadamanthum autem Oenopioni, ex Mi-  
nois Ariadna, genito Chium possidendam tradidisse, eumque è Bac-  
cho natum, vini confectionem a patre didicisse, memorant.*

VII.  
COI  
ab Argis oriundi.



**L**Udovicus Nonnius in hoc nummo quidem Junonem & duo  
Conopea agnoscit, sed nullum Authorem, qui lucem affunde-  
ret, memorat. Simili modo & HARDUINUS, magnum nobilioris  
Antiquitatis lumen, nummum ex Cimelio Regio producit, Antonini  
Pii dicatum gloriæ, in cujus averla Juno fit in curru juncto pavonibus,  
nulla tamen ex autoribus adjecta rei causâ. Mihi dum Athenæum  
lustrarem, commodè occurrit, quod pag. 639. Macario referente legi-  
tur. *Coos sc. dum JUNONI sacrificant, servilia prohibere ad  
Epulas accedere.* Ex eo sane Junonis cultus apud Coos indubita-  
to apparet, cujus si originem desideres, Tacitum audi, lib. XII.  
Annal. *Retulit dein de immunitate COIS tribuenda, multaque  
super antiquitate eorum memoravit. ARGIVOS, vel cum La-  
tona parente, vetustissimos Insula cultores. &c.* En Argivos vetu-  
stissimos Insulæ cultores! Argivos apud quos, Strabone lib. IX. teste,  
Juno nata ferebatur, quique *Ἡγεῖα* seu *Junonis sacra* solenniissime  
celebrabant, id quod pluribus apud idoneos Authores docetur. Quis  
ex his non colligat, Junonis cultum simul cum Argivis in Insulam in-

troductum fuisse, idque Vetustatis suæ monumentum Posteris in numismatibus suis consecrassè? Tantus scilicet Argis Junonis cultus fuit, ut & inde cognomen Deæ imponeretur: *Ἡ Ἀργείη* memoratur HOMERO: *Ἡ ἔξ Ἀργεία* numismati Neronis in specimine Morelliano: & apud Gruterum pag. XXIV. legitur. JUNONI ARGIVÆ: ut taceam *Ἡ ὅς Ἀργείας ναόν*, Junonis argivæ templum, cujus Pausanias in Laconicis meminit, adeò ut non abs re Horatius cecinerit:

*Plurimus in JUNONIS honorem  
Aptum dicit Equis ARGOS.*

De duobus Conopeis quod dicam, nondum habeo, nisi quod ob tenuia quibus obteguntur, telarum umbracula in mentem venit *tela bombycina* & *Coa*, cujus prima inventrix fuit, quæque tanta subtilitate texebatur, ut corpus non tegeret, sed denudaret. De qua Plinius lib. XI. cap. 23. & Tibullus

*Illagerit TENUES VESTES, quas FOEMINA COA  
Texuit.*

Credendum scilicet, quâ toto orbe celebrabantur, artis specimen etiam Deæ Coos consecrassè, quam non Vetustatis tantum suæ testem habebant, sed & inter præfides suos venerabatur.

Quòd autem duo Canopea supervolante velo quasi juncta cernamus, forsitan idè factum, quòd non tantum Junoni, sed & Junonis marito Jovi honorem haberent, quem & ipsum Argivos variis sub cognominibus coluisse, ex Pausania patet.



VIII.  
COLCHORUM.  
apud Goltzium nummi  
An ad Golgos Cypri pertineant ?



UT nummos, etiam si aliorum calamo jam explicatos, rursus in Theatrum adducere necesse habeamus, diversitas opinionum facit, quibus jam dilucidata interdum aliò detorquentur, eoque, dum iusta Sententiarum fulcra latent, nihil aliud, quam luci tenebræ inferuntur. Idem & propositis videtur accidisse. Nonnius in prior Minervam agnoscit, casside armatam, quam ramus Oleæ coronat: idque ideo, quod in Colchide *Minerva Asia* fuerit culta, in cuius memoriam, teste PAUSANIA, à Castore & Polluce post reditum ab expeditione Colchica, etiam Templum *Minerva Asia* conditum fuerit in Laconia. In posteriore agnoscit Apollinem, capite laurea coronato, denuo ob cultum Solis, tanquam Regum suorum Authoris, apud Colchos plane peculiarem, cum Diodorus referat, Solem duos procreasse filios, Æeten scilicet & Persen, quorum ille Colchidos, hic Tauricæ regnum tenuerit. Quare Valerio Flacco hac de causa & in Templo Apollinis jus dicere consuevisse, libro 5. memoretur.

Phæ-

Phæbi genitoris adaras  
Ventum, ait. huc adytis jam se de more parentis  
Rex feret, Hic proceros audit, populosque precantes  
Alloquiis facilis præsens pater admonet æquis.

Quis post tam claram interpretationem, aliam adhuc orituram credidisset? Sed orta est, & quidem calamo ejus, cujus Eruditio multum lucis deliciis nostris attulit. Rev. Harduinum dico, cujus æquitas haud opinor mihi succensēbit, si hoc loco opinionem suam clarius deducendi occasionem ei exhibeam. Ita ille: Κολχων. apud Goltzium in Asia Tab. 1. sed dubie Κολχων ab eo legi oportuit, qui nummos inspexit. Nam in his Venus insculpta, seu armata seu laureata, & ex parte aversa Veneris seu Luciferi stella, quam leogradiens respicit, nomenque Prætoris adjectum ΔΩΡΟΘΕΟΣ, quæ sunt omnia a Colchorum lingua & moribus aliena. At Golti in Cypro sacrum Veneri oppiaum Catullus in Epithal.

Queque regis Golgos, quæque Idalium frondosum

Γόλγοι πόλις κύπερ Stephano. Unde & ΑΦεσδὶν Γολγία. Hactenus HARDUINUS, cujus sententia, si nummis indubitæ antiquitatis fulciatur, procul dubio assensum meruerit; sin ad cætypon Goltzianum inclinet, vereor ut subsistere possit. Dubium movet duplex nummus, in quo difficilius fuit errare, & loco Γ. literam K. substituere. Deinde utriusque nummi Effigies, quæ neutiquam Venerem referunt, sed omnino altera Minervam casside & jubata & oleæ ramo redimitâ, altera Apollinem laureatum: Utrumque qualiter Centenis in Numismatibus prostant.

Quod de Stella Veneris adfertur, nihilo firmitus est, quis enim nescit stellæ figura in numismatibus Solem præfigurari solere? Quis nescit Regii hunc, quod jam supra diximus, generis fuisse progenitorem? Quid ex vocabulo ΔΩΡΟΘΕΟΣ contra Nonnium, quid ex Leone exsurgat, non video. Leo solare animal quidni ad Solem respiciat? Dorotheus quid potius ad Cyprum, quam ad Colchos? An lingua differunt? At omnia ejus tractus urbium numismata Græca sunt, quidni & Colchorum? fateor me rationem, cur à Nonnii sententia recedendum sit, non assequi, & gratissimum foret, si de veritate opinionis contrariæ, rationibus firmis edocerer.



IX.

BOVES.

Larini & Cestrini.



**G**enerosa Epirum armenta producere, & Tauros præcipue, ex  
OVIDIO notat Goltzii interpres NONNIUS:

*Quanto MAJORES herbida TAUROS  
Non habet EPIRUS.*

Rev. Harduinus addit Plin. I. VIII. Sect. LXX. *In nostro orbe bubus Epi-  
roticis laus maxima, à Pyrrhi, ut ferunt, jam inde Regis cura.* Et A-  
ristotelem L. III. hist. animal. c. XVI. p. 361. Ἡπειρωτικὰ βόες αἱ με-  
γάλα. Sufficiens hæc bovis in Epirotarum Numismatibus causâ fo-  
ret, nisi & argumentum peculiare vetustissimæ Originis aliunde afful-  
geret. Cognomine *Larini* dicebantur. Originem ab Hercule re-  
petebant, nequicquam Pyrrhi curam laudante Plinio: nisi explosa  
Lyci Rhegini, aut Proxeni autoritate Apollodorum sequaris. Suidas  
audiatur, libero statuendi arbitrio: Λαεινοὶ βόες. οἱ ἐν Ἡπείρῳ, διὰ  
λαεῖνα βεκνὸς, κλέψαντες ἡρακλέους βῆς ὡς λύνει ὁ Πηγιῶν,  
ὅτε πὰς γηγόνος βῆς ἤλαυνε. πρῶτον δὲ αὐτὸν τὸν ἡρακλέα ἀνέ-  
νοι πιναι πρὸ δωδωναῖω δῖι. Ἀπολλόδορος δὲ αὐτὰς Ἐυτρεφῆς, λα-  
εινὰς. λαεινεύειν γὰρ τὸ σιτεῖν. Ἀεισοφάνης ὕμνισι, ζήτω ἢ λαει-  
νὸν ἔω, ὁ τὴν τέτων θερίσει ψυχὴν. ἀντὶ τοῦ μέγα, διὰ μεταφο-  
ρᾶς πῶν βοῶν, διὰ λαεῖνα πνέει βεκνὸς ταύτην τὴν προσηγορίαν  
ἐξηγέσθαι. ἔστι δὲ πνεύς, οἱ πρὸς τὸ λαρεῖν ἀξιοῦσιν αὐτὰς ἔττω καλεῖσθαι.  
οἱ δὲ τὴν ΠΙ συλλαβὴν δασύνουσιν. ἢ ἢ λαεινὰς, τὰς μεγαλοεῖνας.  
*Larini boves, qui sunt in Epiro, (sic dicti) à Larino bubulco, qui boves  
Herculus furatus fuerat, (ut scribit) Lycus Rheginus, quum Geryo-  
nis boves abigebat. Proxenus vero dicit ipsum Herculem, quos-  
dam boves Jovi Dodoneo dicasse. Contra vero Apollodorus ait,*

boves *larinos* vocari pingues & bene nutritos ac saginatos. Nam λαίνειν significat saginare. Aristophanes in *avibus* pag. 386. v. 18. & 19. Dicere quero (vehementer cupio) aliquod jampridem magnum & pingue, splendidum ac amplum verbum aliquod, quod istorum frangat animum, (& spiritus contundet.) Pro magnum per translationem à bobus. (Aristophanes in pace pag. 470. v. 3. λαίνω *Boi* Schol. annot. 4. unde Suid. *Lycus Rheginus* dicit, ipsos) à *Larino* quodam bubulco hanc appellationem accepisse. Sunt autem quidam, qui censent, ipsos vocatos τῶν λαρῶν. (*Larus* vero genus avis marina, de qua *lexica*. Si legas τῶν λαρῶν dices ab eo quod est dulce, tenerum jucundum, gratum.) Quidam vero syllabam εἰ aspero notant, ut sit λαεινός idem ac μεγαλοεινός sive μεγάλωφός, eos qui magnos nares habent.

Hæc apud Suidam leguntur, ubi notandum, quòd Aristophanis interpretes & ipse τὸ λαεινόν pro pingui positum per metaphoram à bobus *Larinis* à *Larino* pastore ita dictis agnoscat. Ab iisdem bobus etiam *Sues Larinos* dictos author est *Eratosthenes*, apud *Athenæum*, ubi & varia vocis *Etyma* conjunguntur, οἱ ἔτως ἐκλήθησαν, ἢ διὰ τὸ λαίνειν (ὅπερ ἐστὶ σίλινθον) ἢ διὰ τὸ ἰνός κώμης ἡπειρεφικῆς λαεινός, ἢ διὰ τὸ βουκόλῃ ὡπεί. λαεινὸς δ' ἔτι ἐκαλεῖτο. Hos sc. boves διὰ τὸ λαίνειν nuncupant, nimirum quod uberiore pabulo pingues sint, vel à *Larine* *Epiri* pago, vel à bubulco, cui nomen *Larinus* fuit.

Antequam digrediamur, paucis adhuc mentio habenda *bouum Cestrinorum in Chaonia*, præcipua *Epiri* regione. De iis *SUIDAS* eodem loco: Ἐν δὲ τῇ χαονίᾳ Φασὶ τοιάτῃς εἶναι βῆς, ἃς καὶ κερεινὰς καλεῖσιν. Rationem addit *Hefychius*: Κερεινοὶ βόες, οἱ ἐν χαονίᾳ. ἢ γὰρ χαονία πλείονος κερεινῆς πρὸς ἀσπληνέως, ἐστὶ δὲ μοῖρα τῆς ἡπείρου ἀσπληνέως ἔχουσα βῆς.



X.

UVA

NICOSTRATIA ET HIPPONIA.



**U**vam apud Rhodios *Rhodia* cognomen habuisse in Thefauro Palatino ad propositum numisma ex Plinio dictum lib. 14. c. 3. Hic adjicimus cognomentum *Hipponia* ex Athenæo lib. 14. p. 654. Ex cujus loco simul & de *Nicostratia*, quæ in Attica nascebatur, clarum fit. Ita ille: Λυγνέως δὲν τῇ ἐπιστολῇ πρὸς Διαγόραν ἐπαινῶν τὸν κτλ τὴν Ἀττικὴν γρόμενον ΝΙΚΟΣΤΡΑΤΕΙΟΝ ΒΟΤΡΥΝ, καὶ ἀνέλεσθαι ἀπὸ τῶν ΡΟΔΙΑΚΟΥΣ Φησιν. τῷ δ' ἐκεῖ καλεμένῳ βότρυϊ ΝΙΚΟΣΤΡΑΤΙΩ ΤΟΝ ΠΙΠΩΝΙΟΝ ἀντιτετρῆσαι βότρυον. ὅς δ' αὖ ἐκατομβυῶν μὲνός, ὥσπερ ἀγαθὸς οἰκέτης λαμβάνει τὴν αὐτὴν ἔχων εὐνοίαν. *Lyncæus in Epistola ad Diagoram, Uvas NICOSTRATIAS Laudans, quæ in Attica proveniunt, & comparans ex adverso cum illis RHODIACAS ait: UVÆ quam illic NICOSTRATIAM vocant, bonitate parem alunt UVAM HIPPONIAM, quæ veluti frugis famulus, à Junio mense eandem semper benevolentiam erga herum suum retinet.*

XI.

OLLULA RHODIACA.



**N**umisma hoc, cum in Thefauro Palatino publice contemplandum proponerem, vasculum, quod ei præter rosam impressum


sum est, Cantharum arbitrabar, & ex vino, de quo mox dicturi sumus, interpretationem recipere, nunc alia subiit opinio. Cum nulla ansa vasculum hoc exornet, non Cantharum crediderim, sed *ollam*, & quidem ex eorum genere, quas *Rhodiacas* dictas & ex Myrrha, odorati junci flore, Croco, Balsamo, Cinnamomo simul coctis fieri, ebrietatemque & Venerem arcere & extinguere, ex Aristotele Athenæus docet. Verba subjicere placet. Ἀριστοτέλης ἐν τῷ περὶ μέθης. αἱ Ροδιακαὶ Φησὶ πρῶτον γινόμεναι χυτρίδες, διὰ τε τὴν ἡδονὴν εἰς τοὺς μέθας παρεισφύρονται, καὶ διὰ τὸ θερμαινόμεναι τὸν οἶνον, ἥπιον ποιεῖν μεθύσκειν. Σμύρνης γὰρ καὶ χίνης, καὶ τῶν τοιούτων εἰς τὸ ὄρωε ἐμβληθέντων ἐψοῦται. Καὶ ὡς γὰρ χεόντων εἰς τὸν οἶνον, ἥπιον μεθύσκεισιν. Καὶ ἄλλα δὲ μέρεα Φησὶν, αἱ Ροδιακαὶ χυτρίδες γίνονται, σμύρνης, χίνης, ἄνθεος, κρόκος, βαλσαμὸς, ἀμύγδαλος, κινναμώμος, σινεψηθέντων, αἶφ' ὧν τὸ πινόμενον τῷ ἔνδι' ὡς χυτρίδην ἔπω μέθας ἱσθίει, ὥστε καὶ τῶν Ἀφροδισίων ὡς γινώσκουσιν, πρὸς τὴν εὐνομίαν πέποιεν. Hoc est, vertente Dalechampio Codomenfi: *Aristoteles in libro de temulentia: quas OLLULAS, inquit, RHODIACAS nominant, & voluptatis gratia afferunt in Convivia, & quod ex calfacto vino bibentes minus ut inebrientur efficiunt. Etenim Myrrha, odorato junco, & aliis ejusmodi coniectis in vinum coquuntur, ideoque vinum affusum minus inebriat. Idem in Ejusdem libri alia parte scribit. RHODIACAS OLLULAS fieri myrrha, odorati junci flore, Croco, Balsamo, Cinnamomo, amomo simul coctis, qua de causa vinum affusum & potum tam valenter arcet ebrietatem, ut etiam cocto discussoque vaporoso spiritu Venerem extinguat.*



# XII. CHALCEDONENSES. à Megarensibus oriundi.



**A**D Apollinem his in numismatibus expressum NONNIUS Petrum Gyllium citat, libro de Bosphoro Thracio, Antiquissimum Apollinis templum Chalcedone memorantem, peculiari in honore, & nullis Veterum Oraculis cedens; additque, apud Scriptores ceteros altum esse de eo silentium. Rev. HARDUINUS, & fere eodem tempore & Ego in *Thesauro Palatino*, LUCIANUM in medium adduximus, ex quo Petrus Gyllius assertum suum hausisse videtur; Nunc altius assurgendum arbitror, nec tantum Apollinis cultum sub ejus effigie agnoscendum, sed & Originem Coloniae. A Megarensibus conditam STRABO lib. 7. & THUCYDIDES lib. 4. memorant. Megarenses autem peculiari cultu Apollinem profecutos, non tantum sequens eorum numisma arguit:



Sed & historia, qua Apollinem Alcathoum in exstruendis moenibus  
C 3 occu-

occupatum legimus juvisse, quo quidem tempore Citharam ad lapidem deposuit, qui inde, si quis calculo tetigerit, eundem sonitum fingebatur edere, quem Cithara, si pulsetur. Ea de re VIRGILIUS in *Ciri*.

*Sape lapis recrepat Cylleniamunera pulsus  
Ex veterem sonitu Phœbi testatur honorem.*

Sed hæc & ea, quæ Ovidius ea de re cecinit, ad propositum nummum jam attulit Nonnius. Luciani verba subijcimus. ἀφικόμενοι εἰς τὴν Χαλκηδόνα, Χερσίμον γὰρ τὴν πόλιν αὐτοῖς ἔχον ἐδοξεν ἐν τῇ Ἀπόλλωνος ἱερῷ, ὅπερ δεχαιόμενοι εἰν χαλκηδονίῳς &c. *Cum Chalcedonem venissent (nam id oppidum visum est hac parte non nihil illis conducibile habere) in APOLLINIS TEMPO quod est apud CHALCEDONIOS ANTIQUISSIMUM &c.* Subijcimus & testimonium de Colonia à Megarensisibus deducta, in quo totius asserti nostri cardo vertitur, & ex quo simul patebit, non abs re Luciano Apollinis apud Chalcedenses templum antiquissimum dici, utpote, quod primi ejus incolæ Megarenses hoc munere Apollinem, etiam ad hujus suæ urbis primordia & incrementum vocaverint, simulque suas origines, simul cum patriæ divinitatis cultu, consecraverint. Verba THUCYDIDIS sunt: Αφικνέται εἰς χαλκηδόνα τὴν ἐπὶ τῇ σάματι καὶ πόντῳ μεγαρέων ἀποικίαν. *pervenit Lamachus CHALCEDONEM in Ponti faucibus sitam, MEGARENSIUM COLONIAM.* STRABONIS sequentia: τὸν Ἀπόλλω Φασὶ τοῖς κτίσταις τῷ βυζάντιον ὕψερν μετὰ τὴν ὑπὸ μεγαρέων χαλκηδόνος κτίσιν χερσηριαζομένοις παρστιάσαι. *Apollinem ferunt iis, qui CONDITA jam CHALCEDONE à MEGARENSIBUS, Byzantium condiderunt, oraculum suscitantibus mandavisse &c.*



XII.  
SYRACUSANI  
sub  
ICE TA.



Quid vocabulum ΕΠΗΚΕΤΑ in aureo Syracusanorum, quod proponimus numismate significet, Neminem scio, qui explicatum dederit. ΕΠΗΚΕΤΑ legunt Goltzius & Paruta, & quicunque de eo verba fecerunt. Mihi nummum Cimeliarchii Electoralis Brandenburgici accuratius inspicienti virgula illa, quæ II in H conjungit, non apparet; prout nec apparet in trigesimo primo aureorum Parutæ: Indeque conjectura subit, hanc vocem non conjunctim ΕΠΗΚΕΤΑ, sed divisim ΕΠΗ ΙΚΕΤΑ legendam esse, eodem modo, quo ΕΠΗ ΙΕΡΑΚΟC *sub Hierace* in Arzanitæ numismate apud Rev. Harduinum. Licet enim Icetas Leontinorum Tyrannus fuerit, constat tamen, eum Syracusanum Origine, imò & contra Dionysium juniorem à Syracusanis evocatum esse: Et licet Tyrannidi eorum inhiaret, tamen alio prætextu urbem obsedisse, eaque præter Insulam potitum esse, eò usque, donec Timoleontis metu Leontium regrederetur. Hæc à DIODORO SICULO & STRABONE latius deducta, sufficientem conjecturæ nostræ lucem videntur afferre; Neque mirum est, quod Icetas non, ut reliqui Tyranni, βασιλεὺς cognominetur; ad exitum enim rem non perduxit, neque dejecto Dionysio, Regium apud Syracusanos culmen ascendit. Non obstat, quod Diodoro Siculo *Syracusanorum Tyrannus* & Δυνάστης *Princeps* vocatur; hæc enim vocabula non regiae dignitatis sunt, sed potestatis perpetuæ, ea in civitate, quæ libertate antea usâ fuerat. De vocabulo *Tyranni*, & Testimonio CORNELII NEPOTIS constat, &

exemplo Miltiadis. Hic enim eodem autore in *Chersoneso Tyrannus erat appellatus, regiamque dignitatem obtinuit, quamvis careret nomine.*

XIV.  
ΑΚΡΑΓΑΣ ΝΥΜΦΗΑ.



Caput, hoc Numismate expressum, Goltzius in Indice conjicit esse Demaretæ, Theronis filia, à qua Demareteus nummus fuit. Mihi id mirum videtur, idque ea potissimum ratione, quod Demaretæ effigies, si in numismatibus expressa fuit, expressa procul dubio fuit in nummis ab ea cognominatis, in quorum numero propositum ut colles, adscripta magnitudinis mensura impedit, quæ vix 2. drachmas adæquat, cum tamen Demareteus nummus X. drachmarum fuerit. Quid dicemus? an caput hoc PROSERPINÆ tribuimus? an PUDICITÆ? an JUNONI LUCINÆ? an CONCORDIÆ? Concordiæ templum Lilybetani ab Agrigentinis victi ex foedere erexere. Templum Junonis Lucinæ pessum dedit Gellia desperatio, nobilitavit Deæ simulacrum, Zeuxidis opus, quod ad exemplum quinque præstantissimarum virginum expresse. Fanum Pudicitia omnium, excepto Jovis Olympici, maximum erat, & celeberrimum. Templum Proserpinæ tanta Anaclypteriorum & Theogamiorum veneratione colebatur, ut hinc Lyrico Agrigentum *Proserpinæ sedes* vocetur. Sed de Concordia, Junone & Pudicitia nulla lisse poterit; Concordia enim comas lauro nexa Ovidio canitur, quod in proposito secus est: Junonem absentia sceptri arceat: Pudicitiam arcet veli defectus: De Proserpina dubitari posset, nisi adscriptæ literæ AKP. potius ad ΑΚΡΑΓΑΣ, Nymphæ sub Schemate præfiguratam, respicere juberent. Urbes fœminea specie vel centena numismata exhibent; Sed id Agrigentum peculiare habet, quod

quod non turrito capite, sed splendidæ cujusdam Reginæ formæ pro-  
deat, plane qualem Pindarus allocutus est, in Pyth. Od. XII.

Ἀπείω σε Φιλάγλας καλ-  
λιστα βροστεῖν πόλιων,  
Φερεσφόναις ἐδῶ, ἄ-  
τ' ὄχθαις ἐπὶ μηλορότῃς  
Ναίης, Αἰογύγῃ, εὖ  
δματον κολώνων, ὧ ἀνασ-  
σ' ἱλαῖ, Ἀθανάτων,  
Ἀνδρῶν τε, σὺν εὐμενείᾳ,  
δέξαι σεφάινωμα. &c.

*Rogote, O SPLENDORIS AMICA,  
PULCHERRIMA humanarum ur-  
bium, Proserpina sedes, quæ  
ad ripas pecorosi  
inhabitas Agrigenti, bene adi-  
ficatum collem. O REGI-  
NA Propitia immortalium  
hominumque, cum benevolentia  
accipe coronam &c.*

Ad hæc Pindari addantur & Scholiastæ verba: ὁ λόγος ἀπόστα-  
σις τῇ Πινδάρῳ πρὸς τὴν ΗΡΩΙΔΑ ΤΗΝ ΑΚΡΑΓΑΝΤΑ, ἢ καὶ τὴν  
Αἰογύγῃ πόλιν. Et paulo post: ἥτις ἐν ταῖς ὄχθαις τε, περὶ βατο-  
πέρας Αἰογύγῃ, τὴν εὐκαλασινεύουσαν Αἰογύγαν, τὴν ἐμὴν νύμφον  
σαυτῇ οἰκῆς πόλιν.

Hæc quam concinne opinioni favcant nemo non videt.  
Unicum addimus: eleganter scilicet Agrigentum Heroinæ, & Re-  
ginæ sub forma surgere, cum Acragas fluvius sub forma  
puerī, ÆLIANO teste, fuerit  
effictus.



## XV. NAUPLIUS.



**N**on dubito, conjecturam de *Nauplio*, quam hîc in medium adducimus, primo aspectu minus probabilem visum iri, quod *Eubœ* ille fuerit Rex, & facinore sibi famam circumposuerit, inter Græcas urbes potius abolendo, quam duraturis ad æternitatem monumentis consecrando.

Quicquid sit, iuvabit tamen rationes pro eo militantes trutinare, libero Lectoris arbitrio, an satis validas, an vero rejiciendas censeat. Princeps argumentum, quod *Nauplium* arguit, est habitus figuræ, monti insistentis, faciemque præferentis; Is enim habitus planè convenit cum habitu *Nauplii*, quo revertentem à *Troja* Græcorum Classem subdola face in asperrimos scopulos pellexit. Audiamus *HYGINUM*: *Illo Capto*, inquit, & divisa prædâ, *Danai* cum domum redirent, ira *Deorum*, quod sana spoliaverant, & quod *Cassandram Ajax* *Locrus* à signo *Palladio* abripuerat, tempestate & flatibus adversis ad *Saxa Capharea* naufragium fecerunt, in qua tempestate *Ajax* *Locrus* fulmine est à *Minerva* ictus, quem fluctus ad saxa illiserunt, unde *Ajaces Petra* sunt dicta. Cateri noctu cum fidem *Deorum* implorarent, *Nauplius* audiuit, sensitque, tempus venisse ad persequendas filii sui *Palamedis* injurias. Itaque, tanquam auxilium eis afferret, *FACEM ARDENTEM* eo loco *EXTULIT*, quo saxa acuta & locus periculosissimus erat. Illi credentes humanitatis causa id factum, nares eo duxerunt: quo facto plurimæ earum confRACTA sunt, militesque plurimi cum Ducibus tempestate occisi sunt, membraque eorum cum visceribus ad saxa illisa sunt; si qui autem potuerunt ad terram natâre, à *Nauplio* interficiebantur.

Ex

Ex his facem ardentem extendentis, qualiter in numismate cernitur, ad oculum patet habitus. Suffragatur & PROPERTIUS Lib. IV. El. I. Trojam affatus:

*Nauplius ultores sub noctem porrigit ignes,  
Et natus exuvius, Gracia pressa, tuis.*

Ausonius ex montis vertice id actum, qui & ipse in numismate visitur, haud obscure innuit, in Monosyll.

*Ultrix flagravat de rupibus Euboicis fax*

& clarius adhuc Servius L. XI. Æn. pag. 632. ad verba: Ultorque Caphareus. Ultor, inquit, ideo dixit, quod Nauplius Palamedis Pater dolens filium suum factione interemptum, cum videret Græcos laborare, montem Caphareum ascendit & ELATA FACULA signum dedit vicini portus, qua re decepti Græci inter asperrimos scopulos naufragium pertulerunt.

Sed hæc utique patent: Non æque ratio, cur Nauplius in numismate Buthrotion credi debeat expressus. Neque enim Euboicorum vel coloni vel vicini fuerunt: & quid hominem jactarent toti Græciæ damnosum? Quid facem, quam Hyginus inter sceleratas reposuit? Dicam quod rem esse existimo: Buthrotum quidam à Buthroto conditore denominatam ferunt: Alii vero, ut Teucer Cyzicenus apud Stephanum, Helenum, ajunt, versus occasum navigantem, cum in Epiro Διὸς Παρθένια sacrificaret, & bos Victimarii manus effugisset, & per pontum ad hunc usque sinum perveniens, hærente in cervice vulnerare eò loci moribundus procubisset, velut fato quodam monitum, Buthroto nomen ex facto imposuisse. OVIDIUS Helenum Buthroti Regem facit.

— — regnataque Vati  
Buthrotos Phrygio.

facit & Vatem, eodem modo, quo & VIRGILIUS l. 3. cui etiam interpretes Divum audit,

*Trojugena interpres Divum, qui numina Phæbi  
Qui tripodas, Clarii lauros, qui sidera sentis,  
Et volucrum linguas, & præpetis omina penna.*

Scilicet Helenus, qui Buthroto nomen dedit, & Vates & Rex fuit, imò & vaticinia ei Regnum peperere. Audiamus eundem Servium ad lib. II. pag. 232. Helenus, inquit, apud Arisbam captus à Græcis est: Et indicavit coactus fata Trojana, in

quibus etiam de Palladio. Unde dicitur à Pyrrho regna meruisse :  
*quanquam praestiterit Pyrrho, ut rediret per terram, dicens, omnes*  
*Græcos (quod & contigit,) naufragio esse perituros.* En Helenum  
 Vaticiniis regna merentem ! En regna merentem à Pyrrho ! an quod  
 fata Trojana, & inter ea quoque de Palladio prodiderit ? Atqui hoc Di-  
 omedem potius, aut Ulyssæm concernit, qui Palladium abstulere : An  
 quod Pyrrho praestitit, ut rediret per terram, dicens, omnes Græcos,  
 quod & contigit, naufragio esse perituros ? Id non abs ratione credi-  
 deris ; Vita enim regno carior est. Regnum igitur, & in eo Buthroti  
 possessionem vaticinio obtinuit, non quovis, sed eo, quo Naufragium,  
 Nauplii astu Græcis exitiosum praedixit, Pyrrhum servavit, & im-  
 mensam spiritus fatidici sibi gloriam circumposuit.

Hæc cum ita sint, jam ad eò absurdum non erit, si Nauplium in  
 Buthrotion numismatibus fateamur ; Licet enim fax ejus scelerata  
 fuerit, Buthrotii tamen non notiore signo gloriam Conditoris sui ad-  
 umbrare potuerunt, quam vulgato scelere, cujus effectum prædican-  
 do, & gloriam meruerat, & regnum : Eodem plane modo, quo in  
 Corinthiorum numismatibus non tantum Bellerophonem Chime-  
 ram debellantem conspiciamus, sed & Chimeram solam, licet mon-  
 strum hoc non minoribus à Corintho spatiis abfuerit, quam abfuit ab  
 Eubœa Buthrotus.

Hæc dum dico, nummumque juxta confidero, subit conjectura,  
 mera illa quidem, sed tamen forsitan non respuenda : Scilicet, annon  
 Buthrotii credendi sint, non tantum Numismate Nauplium vulgasse,  
 sed & ipsius statuam monti suo cum face imposuisse, eaque Phari in-  
 star usos esse ? Id ut arbitreris, Buthroti situs poterit suadere, de quo  
 VIRGILIUS

*Celsam Buthroti adscendimus urbem.*

& Interpretes ejus SERVIVS: *Posita est, inquit, Buthrotus in saxo, quod*  
*mari cingitur :* Poterit suadere columna, quam non tantum monti  
 impositam, sed etiam, cui Nauplium acclinem & innixum cernimus,  
 quod in colossis solet, ne pondere corruant.

Sed hæc, ut dixi, mera conjectura sunt, & si nec in superioribus fidem  
 fecero ; attamen rem ulterius examinandi subministra-  
 vero occasionem.



XVI.  
KYΘNIOI TΥΠOI  
CASEI CYTHNII.



**F**oeminam in Siphniorum numismate cum facula & cane gra-  
dientem Rev. HARDUINUS Dianam venatricem facit, & rectè. Ea-  
dem omnino facula, idemque canis Venaticus occurrit etiam in  
propositis, unde nescio an errare possim, si caput muliebre eidem Di-  
anæ adscribam; Licet enim aperto idonei Authoris suffragio hæte-  
nus destituar, mirum tamen videri non debet, Insulam divinis incuna-  
bilis vicinam, Deæ honorem habuisse, cum & cæteræ Cyclades id fece-  
rint, cum & Jupiter Pater, apud CALLIMACHUM, *Tredecim Urbes, &  
turrin non unam, Diana se daturum, polliceatur: Tredecim urbes,  
quæ solam Dianam invocant: Urbes multas, tam mediterraneas,  
quàm insulas, communiter cum aliis dimetiendas, in quibus omni-  
bus Diana aræ & nemora sint.*

Sed de his præcipuus nobis sermo non est. Casei in mentem  
veniunt, qui apud Cythnios tantæ præstantiæ sibi, ut non abs ra-  
tione Doctissimus BOCHARTUS inde Nominis Etymon deduxerit.  
Cythno, inquit, *videri queat nomen fecisse קטנותר Katnuth PAR-  
VITAS, nam exigua est insula. Tamen aliud succurrit, quod  
licet minus obvium, fortasse multo est verius. Κυθνιαι τοῦ*

**CYTHNIUS CASEUS** fuit olim valde celebris. Ita observant Stephanus & Eustathius, ubi de Cythno. Et à Polluce lib. 6. cap. 10. Τυρός κύθνι τε καὶ Σικελικὸς, Caseus Cythnius & Siculus censentur inter τὰ ὡς τοῖς παλαιοῖς ἐδόξατο δίδοντα cibos apud veteres maxime probatos; & paulò post: Propter Casei dotes Cythnus phœnicice, ut suspicamur, dicta est Insula קנבנא Gubna vel Guphno, quomodo Syri hanc vocem efferunt, id est Insula Casei.

Quorsum hæc, inquis? Non ut Etymologiam defendam, cum alii à Cydno conditore eam deducant; sed ut ostendam, Caseos Cythnios in propositis nummis effigatos nobis non absurde videri. Caseos quinq; sub quinq; minutis circulis intelligimus, sub circulo majore intelligimus orbem sive pateram, quibus Casei imponi solent. Minuti proculdubio erant, utpote ex lacte ovium, quod ex Vicina Cio intelligas, cujus casei non minus ac Cythniorum eodem sub nomine, venibant, de quibus Ælianus lib. 16. cap. 32. de animalibus, ex Æschylidis libris de re rustica memorat, *oves in solo sterili Cytiso, ficus & olea foliis, siliquis & spinis nutritos lac emittere, ex quosiat CASEUS PRÆSTANTISSIMUS, vocari autem CYTHNIUM, ejusque Talentum venire Drachmis centum & nonaginta.*

De Cythno notum est, esse Insulam juxta Atticam sub Eubœa, Cææ vicinam, Dianæ fano memorandæ, uti apparet, ex ANTONINO LIBERALI Metam. fab. 1. Notum est, antiquitus habitatam, utpote quam Amphitruo everterit, unde postea proverbium Κυθνώδεις Σειμφοραί Cythnia calamitates, de quo SUIDAS & ERASMUS. Notus est & Cydnius pictor, apud STEPHANUM BYZANTINUM, quem Cydiam dictum, cujusque tabulam Argonautas Hortensium Oratorem mercatum, eique ædem in Tusculano suo fecisse, PLINIUS Author est; sed inter alios Græcos ad Plateam contra Mardonium etiam Cythnios steterisse, quod Pausanias refert: Sed Aristotelem Κυθνίων πολίεων scripsisse, quam Harpocration citat, haud forsitan adeò vulgare arbitraberis. Utrumque sane documento est, etiam de hac Insula possedici, quod Callimachus in Delum cecinit:

Ἀπαισὶν μυριάδες αἱ Νήσων ἱερώταται εἰν ἀλλ' κείναι  
Ἐὐμνοί.

*Omnes Cyclades, quæ sacratissima in mari jacent, laudibus referta sunt.*

# HYDRIA ARGENTEÆ.

Opuntiorum donum.



**V**Asculum, quod hoc in numimo occurrit, GOLTZII interpres silentio præterit. REV. HARDUINUS Cantharum interpretatur, aitque, argumento eum esse, quod Libero Patri ager ille facer fuerit, & Vini ferax, eo quod uva & hedera ex vase hoc emergant. Mihi *Hydria* videtur, & ea quidem, quam ex collecta Tyrannorum Phocensium, qui sacra Apollini donaria conflaverant, pecunia argenteam Opuntios fecisse, Deoque rursus consecrassè, apud Plutarchum de Pythii oraculis legimus. En verba! "Ἀξίον δὴ καὶ τῶν πόλεων εἶναι τοῖσιν ἐστὶν ἀνάθημα ἡμῶν καὶ ἀγαθὰ, οἷον τὸ Ὀπυντίων. ἐπεὶ γὰρ οἱ Φωκίων πόροντο πολλὰ τῶν χρυσῶν καὶ ἀργυρῶν ἀναθημάτων συγχέματες ἐκείων νόμισμα καὶ διέσπειραν εἰς τὰς πόλεις, Ὀπυντίοι συναγαγόντες ὅσον ἀργύριον, ὑδαίαν ἀνέπεμψαν ἐνταῦθα τῷ θεῷ καὶ κατέθεσαν. Dignum est etiam urbium, si qua sunt talia donaria, ea venerari. Quale imprimis est Opuntiorum. Cum enim Phocensium tyranni multa aureorum & argenteorum donariorum conflavissent, & ex ea massa cūsam monetam per urbes dispersissent. OPUNTII tantam collegere, ut HYDRIAM ex ea ARGENTEAM conficerent, eamque heic dedicaverunt. Hæc quam apposite numinum nostrum explicent, nemo non videt. Neque enim dubium ab *uva* & *hedera* deduces, quòd vas vinarium eæ videantur designare, cum *hydria* ex Etymologia potius aquaticum sit. Constat enim non tantum aquis, sed etiam aliis liquoribus inservisse. Unicum testimonium, sed quod rem proxime tangit, ex JULIO POLLUCE adjicimus: Ἐν δὲ τοῖς ἀγχείοις πάντοτε ἂν καὶ ἄς ἐξηκέν Δεισοφάνης ἐν ὀλκίᾳ ὀλκίᾳ εἶνε. ἐν δὲ τῷ γήρα

Ἐφ' ὑδαίαν δανείζειν πεντήχην, ἢ μείζονα

ὡς τῷ



ὥς τε ἔ μόνον ὕδαλῳ, ἀλλὰ καὶ οἷνι ἀγρίῳ ἢ ὑδαίᾳ ἦν. hoc est interperpte Rod. Gualthero : *Inter vasa quoque referantur, quas ARISTOPHANES, in Holcadibus, HOLCAS VINI vocavit, & in Senectute*

*Urnam mutuo dare quinque chus capientem aut majorem.*

*adeo, ut HYDRIA non aqua modo, sed & VINI VAS fuerit.*

## XVIII. MINERVA HIPPIA.



**F**iguram galeatam, & cum jaculo juxta Equum, stantem LUD. NONNIUS Militem interpretatur, eo quod Equestri gloria Bisaltæ flourerint, valdeque fuerint bellicosi. Gloriam Equestrem non negabo. Mos Equis propriis venam incidendi, sanguinemque cum lacte concreto bibendi, cujus Virgilius III. *Georg.* testis est, rem abunde demonstrat. Si vir in numismate esset, adducerem & Livium, qui *Bisaltas fortissimos viros* facit; Sed foeminam habitus prodit, idem plane, qui Amazonum solet esse: Idem, qui & Romæ terrarum Dominæ, gentiumque Deæ, quæ Claudiano teste

*Innupta ritus imitata Minerva  
dextrum nuda latus niveos exserta lacertos  
audacem reteggit mammam -- --  
-- -- galeæque minaci*

*flava cruentarum pratenditur umbra iubarum.*


Quæ verba non tantum Romæ quadrant, sed & figuræ in numismate Bisaltarum expressæ; adeo, ut vel hinc conjectura subeat, non tam virum, quam foeminam eo exhiberi. Si vir esset, haud forsan absurdè *BISALTEN* statuerem, Solis & Terræ filium, à quo Bisaltæ nomen descendere, *STEPHANUS* Auctor est; Sed cum foemina sit,

virum, quam foeminam eo exhiberi. Si vir effet, haud forsan absurde *BISALTEN* statuerem, Solis & Terræ filium, à quo Bisaltiae nomen descendere, STEPHANUS Author est; Sed cum foemina sit, *Minervam* arbitror, non quamvis, sed *Hippiam*. Cùm Ill. PATINUS, & post eum Rev. HARDUINUS in hoc Gortyniorum numismate



Minervam hippiam agnoverint, galeâ absente, multo magis in numismate Bisaltarum agnoscenda erit eadem, cum non tantum solitis insignibus, Casside & hastili, fulgeat, sed & adumbret originem coloniae ab Atheniensibus in Bisaltiam deductæ. Minervam Hippiam Athenis cultam, luculentus Author PAUSANIAS tradit. Bisaltam Atheniensium coloniam esse, docet PLUTARCHUS in Pericle. *Χιλίης μὲν ἔστειλεν εἰς χερρόνησον κληράχης, εἰς δὲ Νάξον πεντακοσίους, εἰς δὲ Ἄνδρον ἡμίσεις τετρακον, εἰς δὲ θεσπικὴν χιλίης Βισαλτίας σινοικήσαντες. Mille colonos chersonesum misit: Naxum quingentos: Andrum ejus dimidium. In Thraciam mille adscripsit BISALTIS, 55c.*

## XIX. THEBANI Scutiferi.



**S**cutum in Thebanorum, imò & reliquorum Bœotorum Numismatibus Nonnius ad Herculis factum refert, quo arma ex  
E tem-

templis auferens Thebanos ab Ergini & Minyarum dominatu in libertatem legitur vindicasse; Lectorem tamen dispicere jubet, si quid certius occurrat. Rev. Harduinus ad Thebanorum fortitudinem respicit, quod Epaminondas aliiq̃ue vulgò noti sint. Forſan ad Scutum Herculis respicias, quod elegantiffimo carmine celebravit Hefiodus, præſertim cum clava impoſita id determinare videatur; Sed figuratum id erat, & Poético magis, quam hiſtorico cælatum genio. Tutius Thebanos Scutis hujusmodi uſos aſſerueris, non vana conjectura, ſed idoneo nobiliſſimi Authoris teſtimonio. Cadmeos ſive Thebanos *Φερεσάμεας*, *Scuta ferentes* appellat idem Poeta, v. 13:

*Ἐς Θήβας ἰκέτευσε Φερεσάμεας καδμείας,*

*Thebas venit supplicans* SCUTATIS CADMEIS.

Ubi Joh. Tzet. *Ἐς τὰς Θήβας πωρομένην ἐπὶ τὰς πολεμικὰς καδμείας, ἢ ἐπὶ τὰς ἔχοντας μεγάλας Ἀσπίδας. Thebas profugit ad bellicosos CADMEOS vel ad MAGNOS CLYPEOS HABENTES.* Adde & v. 24:

*Βοιωτοὶ Πληξίπποι ὑπὲρ Σαιέων Πνείοντες.*

*Boetii Equitando insignes supra* CLYPEOS animum gerentes.

In tantum, ſcilicet, Scutorum apud Thebanos invaluit uſus, ut & Pindarus Thebanam urbem, cujus Statuam Pauſanias in Meſſeniaciſ memorat, & ipſam *χρύσεισπιν*, *aureum Clypeum geſtantem*, vocaverit in Iſtm. Od. i. pr. aded, ut non omninò ſatisfaciat, quod Interpretes in genere de armis id intelligant, niſi ſpeciem unam pro omnibus poſitam contendas. Cataphractos certè fuiſſe ex Homero diſcas, cui Boetii *χαλνοχιτώνες* memorantur, Il. o. v. 330:

*Τὸν μὲν βοιωτῶν ἡγήτορα χαλνοχιτώνων.*

*Hunc quidem Boetiorum Ducem areas tunicas habentium.*



XX.

MERCURIUS EPITHA-  
LAMITES,

Et Galli Chalcidici.



**D**E hoc Carystion numismate, inter Golziana proposito, licet non taceat interpretes Nonnius, tamen rationem, cur Mercurius & Gallus in eo fulgeant, non suggerit. Similiter nec Rev. Harduinus, nisi quod Gallum ad cultum Solis referat, cui hæc avis sacra fuerit. Quod de Gallo dicit, licet ex Pausania aliisque Authoribus constet, vereor tamen de proposito numismate asserere, cum si non alia ratio foret, potius ad Mercurium pertinere posset, Cujus in adversa effigies visitur; Sed de hoc priore loco dicendum. Mercurium agnosces ex habitu. Mercurium *Epithalamiten* conjicimus ex loco signaturæ & autoritate Hesychii. Locus signaturæ est Carystus urbs Eubœæ, & in Eubœa Mercurium Epithalamiten cultum Hesychius testatur: Ἐπιθαλαμίτης. Ἐγμῆς, inquit, Ἐν Εὐβοίᾳ. Quid sub vocabulo Ἐπιθαλαμίτης designetur, obscura apud Authores ratio est. LILIUS GYRALDUS quidem nuptialem interpretatur, & posset fortassis ei succurrere MARCIANUS, qui de Nuptiis Mercurii librum inscripsit. At *Epithalamiten*, imò vero & *Thalamiten* quis hætenus pro nuptiali posuit? Ἐπιθαλαμίτῳ nisi apud HESYCHIUM, nullibi, quod sciam, legitur. Θαλαμίτῳ autem ARISTOPHANIS SCHOLIASTES nō ad nuptias refert, sed de remige inferioris ordinis interpretatur, ἦσαν τρεῖς πύξαις πῶν ἐρεμίων. Καὶ ἡ μὲν καίτω θαλαμί<sup>7</sup>). Θαλαμίτης ὁ πρὸς πρῶτον.

πρώτον. *Tres erant Remigum ordines. Inferior θαλαμῖν.* Item θαλαμῖν ad proram. Quæ tamen Bayfius, notante STEPHANO, secum pugnare scribit, ut quæ θαλαμῖν ad proram collocent, & tamen Inferioris ordinis remiges esse velint, ideoque θαλαμῖν solum eum dicit esse, qui ad proram remigat; Sententiam si admittas, ex bonæ Compositionis Regula Επιθαλαμῖν Mercurium eum credideris, qui proræ remigibus præest, adeoque Deum agnosces non terrestrium tantum, sed & maritimorum itinerum Principem, id quod vel ideo forsân non adeò absurdum videbitur, quia Astrorum cognitio, cujus secundum Manilium Cyllenius Author creditur, navigantibus maximè necessaria est, & tantum non unica viarum maritimarum Cynosura est. Sed hæc politiori iudicio relicta sunt.

De Gallo adhuc dicendum; Mercurio sacrum, ejusque Affectorem esse, ipse Gallus apud Lucianum fatetur. Rationem tradit Mythologia, quod Literati & negotiatores, quorum Deus Mercurius est, Vigilare necesse habeant. In numismate non Mythica tantum, quæ & in aliis Antiquitatis monumentis, quorum haud rara passim exempla prostant, sed concurrunt etiam historica, cum Galli Chalcidici in Chalcide Eubææ urbe, haud procul à Carysto distante, frequentes, & ob pulchritudinem pugnacitatemque celebres memorarentur, licet ad proliferationem fuerint ineptiores. M. Varro Lib. III. de Re rustica asserti Author est: Nec tamen sequendum in Seminario legendo tanagricos, inquit, ac Medicos ac Chalcidicos, qui sine dubio sunt pulchri, & ad præliandum inter se maximè idonei, sed ad partus sunt steriliores.

## XXI. VENUS DEXICREONTIS.



**S**ami nomen cum tribus insulis ubique Elidis commune fuerit; forsitan haud abs ratione quæsiueris, ad quam referendum sit; quod proponimus, Samiorum numisma. Goltzius, cumque secutus interpretes Nonnius Insulæ addicit, & Hic quidem ei, quæ vulgò Jonica dicitur, Junoni quæ sacra fertur. Judicium fulcit Junonis effigie & Junonia ave, in eo, meâ quidem opinione, nimius, quod & effigiem numismatis hujus Junoni addixit, cum tamen nec Sceptro ea, nec corona, imò nec ullo alio Junonis ornatu insignis sit. Aversæ avem & sceptrum minus rectè in subsidium adduxerit, cum Sceptrum, si effigiem Junoni vindicet, procul dubio ei affixum fuisset, ut etiam in nummo sequenti. Et quid? Nonne & caduceus Mercurii præter Pavonem & Sceptrum in aversâ visitur? Hic si caput aversæ non vindicet Mercurio, quî Pavo & Sceptrum eam vendicabit Junoni? Pavo & Sceptrum Junonis honori fulgent, cujus cultus in hac Insula, ut vulgo notum, celeberrimus fuit. Caduceus fulget honori Mercurii, quem sub *Charidota* cognomine in Samo cultum, ex Plutarcho, in Quæst. Græc. constat. At Caput aversæ ferto redimitum, meâ quidem Sententia, aliud non est, quam Veneris Myrto revinctâ. Veneris certè ædèm in arundinibus & Palustribus dictam, Sami fuisse Athenæus Author est: Et de Veneris Dexitreontis memorat Plutarchus. Utriusque Verba subijcimus, ut rei fides pronior sit: Athenæi hæc sunt: Ἀλεξίς ὁ Σάμιος ἐν δακτύλῳ ὅρων Σαμιακῶν τινὺ ἐν Σάμῳ Ἀφροδίτῳ, ἣν οἱ μὲν ἐν καλὰμοις καλεῶσιν, οἱ δὲ ἐν ἐλαυαλικοῖς Φησὶν, εἰς αἵμα ἰδρύσαντο αἱ γυναῖκες ἀπολαύσασαι Περικλέα, ὅτε ἐπολιόμενος τινὺ Σάμιον, ἐργαστήμενος ἰκανῶς δὸς τῆς ὥρας. *Alexis Samius libro secundo de Samiorum finibus scribit, ÆDEM VENERIS IN SAMO, quam IN ARUNDINIBUS quidam vocant, alii IN PALUSTRIBUS, meretrices Periclem secutas, cum obsideret Samum, edificasse, ingenti quaestu prostituta forma ditatas.* Hæc apud Athenæum lib. XIII. Plutarchi sequentia sunt: Τίς αἰτία δι' ἣν ἐν Σάμῳ τὴν Δεξιμερόν Ἀφροδίτῳ καλεῶσι; πότερον, ὅτι τοῖς γυναῖκαις αὐτῶν ὑπὸ πρυφῆς καὶ ὑβρεως ἀπόλασαι Ποιέσας, Δεξιμερόν ἀνὴρ ἀγχιότης κατὰ τὴν χερσὶ μένει; ἀπὸ τῆς αἰτίας; ἢ ὅτι ναυκλήριον ὡς ὁ Δεξιμερόν ἐπλάθειεν εἰς κύπερον ἐπ' ἐμπορίᾳ, καὶ μένοντα γελίζειν, τινὺ Ἀφροδίτῳ πελεῖν ὕδωρ ἐμβαλλόμενον, καὶ μηδὲν ἄλλο πλεῖν τινὺ παχίζῃ. Πεί-



Θεὸς δὲ καὶ πολὺ ὕδωρ ἐνθεμενῶς ἐξέπλυσεν, εἴτα νηνεμίας καὶ γα-  
λήνης ἐν τῷ πελάγῳ ἀναχέσας, διψῶσι τοῖς ἄλλοις ἐμπόροις καὶ ναυ-  
κλήροις ὕδωρ πιπέσασιν, δεξιέριον πολὺ συνήθροισεν· ἐκ δὲ τῶν  
κατασκευάσας τὴν θεὸν, αὐτὸν εὐχόμενον προσήγαγε. *Cur in SAMO  
DEXICREONTIS VENEREM invocant, an quod Samias mu-  
lieres, cum pra luxu luxuria libidini indulgerent, Dexitreo Cir-  
culator, piacularibus quibusdam ritibus adhibitis, Vefania ista sol-  
vit? aut verius est, quod dicitur? Dexitreo cum esset naucle-  
rus Samius mercatura faciunda gratia in Cyprum navigavit.  
Eum jam navem oneraturum Venus nihil aliud importare, quam  
aquam iussit, et illico arcebi. Paruit Consilio, multa quoque imposita  
aqua solvit. Mox cum alium ventorum silentium et tranquil-  
litas in mari obtinuisset, reliquis mercatoribus et naucleris situ la-  
borantibus, aquam divendens multum corrasit argenti. Itaque  
Dea simulacrum à se nominatum dedicavit.*

## XXII. VENERIS CUM ANCHISE CONCUBITUS.



**D**E Venere Samiorum modo diximus; de Veneris cum An-  
chise congressu, quem in proposito eorum, uti ex adje-  
cta Junone patet, intuemur numismate, paucis adhuc dicen-  
dum. Idem planè trium figurarum habitus etiam, in Juliorum nu-  
mismate prostat: Nec hæcenus dubium fuit, quin in honorem Cæ-  
saris, ex Julio Veneris Nepote oriundi, Veneris cum Anchise, ut di-  
ximus, congressus, iis adumbretur, aded, ut de re ipsa, tanquam no-

ta, laborandum non videatur, sed potius dispicienda ratio, Cur Samii numismate eam expresserint? An ut & ipsi Cæsaris Gloriæ li-  
tarent? Atqui vix id egerint eo typo, qui nihil ad se pertinebat? An  
Trojanorum consuluerint memoriæ? Sed quid Samo cum Troja?  
Dicam quod sentio; Vel hoc numisma Samo-Thracum est, vel Sa-  
mii Samo-Thraciæ decora, ut suam gloriam extollerent, simulq; Ro-  
manis adularentur, mutuati sunt. De Samo-Thracibus docet Ser-  
vius lib. 3. Æn. ad verba, *Penatibus & magnis Diis*, Deos ma-  
gnos coelum & terram putari; ac per hos Jovem & Junonem Deos  
Penates à Samothracia sublatos, & ab Ænea in Italiam advectos esse,  
Indeq; *Samothraces Cognatos Romanorum* dici. En Samothra-  
ces Cognati Romanorum! quid mirum ergo, si divinam Romano-  
rum originem eo typo celebraverint, qui cognationis Romanos  
admonere poterat? quique simul & Regionis suæ situm indi-  
caret?

Ἐν εὐχῇ γὰρ ἘΦαίνετο πᾶσα μὲν Ἰδῆ,  
Φαίνετο δὲ Πειραιμοῖο πόλις ἃ νῆες Ἀχαιῶν.

*Inde Ida videbatur tota & Priameia tecta,  
Et Grajūm naves.*

Ida tota, in qua Venerem cum Anchise concubuisse Poëtarum af-  
sertum est, Ovid. in Epist.

*Phryx erat Anchises volucrum cui Mater Amorum  
Gaudet in Ideis concubuisse jugis.*


Et quid si Trojanorum etiam cum Samothracibus cognatio in men-  
tem veniat? Jasion & Dardanus fratres, Strabone teste, Samum  
Thraciam habitarunt, quorum ille ob peccatum in Cererem, ful-  
mine cum periisset Dardanus, ἀπαίρας, ἐκ Σαμοθρακίης ἐλθὼν ὃ  
κησεν ἐν τῇ ὑπὲρ ἑα τῆς Ἰδῆς τλὴν πόλιν Δαρδανίαν καλέσας. Καὶ  
ἐδίδαξε τὰς τεύχας πᾶσι ἐν Σαμοθρακίῃ μυστήρια. *Ex Samothracia  
profectus in vicinia Ida Dardaniam Urbem adificavit, Trojanos  
Samothracum Mystera docuit.*

Sed ais, in numismate non Samothracum, sed Samiorum no-  
men occurrere, adeoque numisma horum potius videri? Respon-  
deri posset ex eodem Strabone: Sami nomen etiam Samothraciæ  
olim

olim datum esse, sed si quis ob Junonis caput, Samique Jonicæ celebritatem, non Samothraciæ numisma tribuat, sed Samo, nec huic refragabimur, modo agnoscat, notissimum Samothraciæ decus, non minore audacia suæ gloriæ Samios attexuisse, quam attexerunt Vetus-  
tatem & ortum, Samothraces à Samiis oriundos mentientes, quos tamen Geographus lib. 10. graphicè refutat.







RIMUM haftenus Viridarii nostri ex-  
gimus segmentum, recensendo Numismata  
qvædam, quorum interpretatio haud adeò  
videbatur apparere. Nunc ad SECUN-  
DUM transimus, contemplaturi *Gemmas*,  
numero quidem paucas, sed vel raritate spe-

ctabiles, cùm pars *ex Thesauro*, heu quondam! *Palatino* deprom-  
pta, haftenus autem vulgata non sit; vel denuò interpretationis no-  
vitate, quæ ab aliis jam vulgatas in Theatrum rursus adducere jubet:  
Palatinas præmittimus.

# I. P E G · A S U S . Hippocrenen in Helicone aperiens.



In

Cameo.

**P**Egafum, Neptuni & Medusæ Filium, inde dictum, HESIO-  
dus ait, quòd ad Oceani fontes natus sit. BOCHARTUS  
ab Ebraico vel Syriaco פג Pag, vel Paga, quod frenum  
significat, & סוס Sus, quod equum sonat, compositum *Pegafus* de-  
scendere

F

scendere

scendere arbitrat, eò quod ἵπω χαλιναναγωγέμεν is fuerit, Frenum Pegaso Minervam injecisse, indeque χαλινίπδα dictam, ex PAUSANIA constat. An autem inde nomen ipsius Pegasi descendat? haud forsan abs ratione dubitaveris; neq; enim ab eo demùm tempore nomen suum accepit, quo freno domitus est, neque deinceps frenum patienter tulit. A fonte λοιπὸν τῆς πηγῆς dictum, vel ideo potius credas, quòd non tantùm ad Oceani fontes natus sit, sed & aperto in Helicone fonte, quem ab eo Hippocrenen dixere, ortum suum denuò inculcaverit. Res in Gemma nostra ad oculum patet, nec defunt Poëtarum testimonia. Aratus in Apparentib. vers. 215.

seqq.

ἱερός ἵπω.

Κῆνόν δ' ἂν Φασι κατ' ὕψηλ' ἑλικῶν  
Καλὸν ὕδωρ ἀγαγεῖν διαλδέ ἵπω κρήνης  
Οὐ γὰρ πᾶς ἑλικῶν ἀκρὶ καλελείβετο πηγῆς,  
Ἄλλ' ἵπω μὲν ἔτυψε τόδ' ἀδρόνον αὐτόθεν ὕδωρ  
Ἐξέχυτο πλὴν γῆς περὶ πόδας. Οἱ δὲ νομῆες  
Πρώτοι κῆνω ποτὶν διεφθίμισαν ἵπω κρήνῃ.

Sacer equus.

Hunc etiam ajunt in excelsò Helicone  
Pulchram aquam produxisse largi Equi fontis;  
Nec unquam enim Helicon summus destillat fontibus,  
Verùm Equus ipsum feriit, atque copiosa inde aqua  
Effusa est ictu prioris pedis; Pastores autem  
Primi hunc potum appellarunt EQUI FONTEM.

Ictu prioris pedis, inquit, & in eo cum Gemma nostra non convenit. Latini pedem non determinant. Apud OVIDIUM Metam. 15.  
Tritonia

Virgineum Heliconā petit, quo monte potita  
Constitit, & doctas sic est affata Sorores:  
Fama novi fontis nostras pervenit ad aures,  
Dura Medusæi quem præpetis ungula rupit.

Cui Urania:

Vera, inquit, fama est, & Pegasus hujus origo  
Fontis, & ad latice deduxit Pallada sacros,  
Quæ mirata diu factas pedis ictibus undas, &c.

Adda-

Addamus & HYGINUM in Poët. Astron. II. de Equo, *Hunc, inquit, Aratus & alii complures Pegasus Neptuni & Medusa Gorgonis filium dixerunt, qui in Helicone Bœotia ungula saxum feriens, fontem aperuit, qui ex ejus nomine HIPPOCRENE est dictus.* En Saxum! quod apprimè cum gemma nostra convenit; forsitan & tempus facti desideres. PELIGNUS Poëta & hoc suppeditat.

*Jamq; indignanti nova frena receperat ore,*

*Cum levis Aonias ungula fodit aquas.*

Quid? an frena receperat? utique nec hæc in Gemma nostra apparent? Receperat, sed ore indignanti: imò & rursus excusserat, si eos sequaris, qui inde in cœlum avolasse ajunt; inter signa enim cœlestia etiam apud antiquos freno caret, quanquam alii frena eum post apertum demum fontem recepisse arbitrentur. Sed de his suum cuique placeat. An autem fictum animal Pegasus sit, an verum, de eo haud forsân abs re quæsieris, cum Plinius author sit, Pegafos, Pennatos Equos, & cornibus armatos, in Æthiopia nasci: Imò & alio loco Pegafos Equino, capite insignes inter aves numeret fabulosas. Fabulosum, ut alios taceam, facit & Fulgentius in Myth. lib. I. ubi elegantem rei sensum suppeditat, *De Sangvine Medusæ, inquit, nasci fertur Pegasus, in figuram fama constitutus; Virtus enim, dum terrorem amputaverit, famam generat, unde volare dicitur, quia fama est volucris.* Ideò & Musis fontem ungula sua rupisse fertur, quod Musa ad describendum, famam Heroum aut sequantur priorum aut indicent antiquorum. Et iterum Lib. III. Bellerophon, id est bona consultatio, qualem Equum sedet nisi Pegasus? quasi Pegaseon, id est fontem æternum. Sapiencia enim bonæ consultationis æternus fons est. Ideo pennatus, quia universam mundi naturam celeri cogitationum Theoria collustrat: Ideo & Musarum fontem ungula sua rupisse fertur; Sapiencia enim dat Musis fontem, &c.



II.

N Y M P H A,  
Cornucopiæ floribus replens.



**V**aria circumfertur de origine cornucopiæ opinio. Quidam Acheloi cornu faciunt, quidam Amaltheæ: quidam Tauri, quidam capræ. Qui Tauri fuisse asserunt, ab Hercule in pugna de Dejaniræ conjugio, Acheloo detractum arbitrantur; Qui Capræ, Jovis Nutricis ajunt fuisse. Non minor incertitudo etiam in reliquis est. Quidam ab Hercule fructibus repletum dicunt: quidam à Jove; quidam à Najadibus: alii ab Hesperidibus seu Nymphis. Herculis pugnam cum Acheloo Tauro, imò & Herculem cornucopiæ gestantem, genuinæ Antiquitatis monumenta hodienu exhibent; exhibent & capram Jovis nutricem, & cornucopiæ in caprini formam effigiatum; Sed Jovem id floribus & fructibus replentem hætenus non vidimus, imò nec Nympham, nisi in unica, quam hic proponimus, Theſauri qvondam Palatini gemma, ad quam appositè recitaverim terſiſſimos OVIDII verſus Faſt. V. de cornu capræ:

*Lac dabat illo Deo, ſed fregit in arbore cornu,  
Truncaq; dimidia parte decoris erat,  
Suſtulit hoc NYMPHE, cinxitq; recentibus herbis,  
Et plenum pomis ad Jovis ora tulit.*

Sed magis quadrat, quod idem Poëta libro Metam. IX, ſub perſona Acheloi, de Hercule fundit:

*Nec ſatis hoc fuerat, rigidum ſera dextera cornu,  
Dum tenet, infregit, truncaq; à fronte revellit.*

NAJA-

NAJADES hoc pomis & odore flore repletum  
 Sacrarunt, divesq; meo bona copia cornu est.

En poma & flores! illa qualia jam intra cornucopiæ fulgent; hos, quales Nympha elevat, pomis & spicis, recentibusque herbis jam-jam sociatura.

Sed hæc Mythicè dicta sunt. Si mythologicè consideres, eadem sententiarum diversitas prostat. EUSTATIUS in Periegesin Dionysii, ex interpretatione Chabotii ad Horatium; *Ferunt, inquit, Amaltheam fuisse vetulam lucro deditam & Mercatricem, que multum indiderat moneta in cornu, & quia homines ditaret ac vi- ra multum commodaret, sic est vocata. Quum autem Hercules illud abstulisset pecunia plenum, eoq; usus esset, ad voluptates per- fruendas, hinc rumor facetus dilatus est, cornu Amaltheæ effun- dere Herculi omne genus bonorum. NATALIS COMES ab Æ- gyptiis, ait, est relatum, Ammonem Regem Partis Lybice, cum- videret regiones ad montes Ceraunios, reperisse Virginem forma- egregia, Amaltheam nomine, cum qua congressus filium genuerit, qui Dionysus vocatus sit, Amaltheam autem constituisse Reginam propinqui loci, cujus figura, cum esset cornu bovis similis, dicta sit cornu Hesperidum. Ob fertilitatem verò regionis, qua multipli- ces domesticorum fructuum arbores produceret, cornu Amaltheæ. Alii, qui Acheloum fluvium faciunt, qualis revera fuit, sub cornu fracto, aquas intelligunt ex Acheloo in vicinos agros deductas, qua- rum liquore irrigata terra uberiores & florum & fructuum copiam produxerit, adeo ut hinc Poëtico figmento de cornu, Nympharum ministerio floribus & frugibus repleto, non incongrua occasio fue- rit. Horum opinionem eorum esse, qui ex fabulis verum colli- gunt, Strabo arbitratur Geogr. lib. X. Quicquid sit, abundantiam re- rum cornu hoc significari, abundantiae typus in nummis evincit: i- mo & abundantiam verborum significari evincit simulacrum Rhe- torices, quod Amaltheæ cornu tenere, fructibus omnifariis refertum, LUCIANUS author est in *Rhetorum Præceptore*, cui & alibi *Κέρα* Ἀμαλθείας proverbii loco ponitur. Ita Horatius:*

*Aurea fruges*  
 Italia PLENO diffudit copia CORNU.

III.  
NEPTUNUS  
ΤΡΙΑΙΝΟΚΡΑΤΩΡ & ἵΠΠΙΟΣ.



NEptunum hic cernimus, ferè qualiter in numismate Q. TUBERONIS apud Oisèlium; Est tamen differentia in eo, quod apud Oisèlium & currus appareat, & Equi marini frenis coërceantur: ut taceam laciniam vestis, quæ ventis agitata circū caput in proposita gemma volitat: taceam Equorum in medio squamas, quæ allato in authore vel secus se habent, vel omninò absunt. Neptunum Equis per æquora vectum, non tantum ex VIRGILIO discimus. lib. V. Æneidos, sed etiam ex Poëtarum patre HOMERO Iliad. XIII. vers. 23.

Ἐνθ' ἐλθὼν ὑπ' ὄχεσφι τετύσκετο χαλκίοποδ' ἵπῳ  
Ωκυπέτα, χερσέοισιν ἐθέξῃσιν νομόωντε.  
Χρυσὸν δ' αὐτὸς ἔδυε περὶ χροί. ἦρετο δ' ἰμιάδῳ,  
Χρυσείῳ δ' ὕπνῳ, ἐξ δ' ἐπεβήσετο δίφκῳ  
Βῆ δ' ἐλάαν ἐπὶ κύματ'.

*Illic (Argos) cum venisset, sub curru junxit aureis pedibus  
Equos*

*Celeriter volantes, aureis júbis comantes;  
Aurum autem ipse induit circum corpus. Accepit autem  
scuticam*

*Auream, eleganter factam, suumq; ascendit currum;  
Cæpit autem agitare per undas.*

Quæ verba, si scuticam & currum excipias, non tantum ad gemmam nostram quadrant, sed & edocent equorum celeritatem, aureumque.



teumq; jubarum fulgorem, imò & auream ipsius Neptuni vestem, ORPHEUS in hymno etiam faciem Neptuni describit, *χαεῖωπα* cū appellans, quasi *gratiosus aspectu* esset, eadem procul dubio ratione, quā VIRGILIUS ejus caput *placidum* vocat. HOMERUS comarum colorem tangit sub Epitheto *Κριανοχαίτη* *nigras comas habentis*, quod etiam LUCIANUS asserit. ORPHEUS de Tridente docet:

Χαλκοτόρξον ἔχων χείρεσσι τεύεινόν.

*Ferro tornatum tenens manibus tridentem.*

Quoniam ARISTOPHANES & hunc aureum fecerit in *Equitibus*:

Δεῦρ' ἔλθ' εἰς χορὸν ὃ χρυσοτεύεινε, &c.

Quicquid sit, à Tridente Neptunum cognomina meritum, & hoc evincit, & quæ apud PINDARUM occurrunt. *Ἐρσοτεύειν* *tridente furens* dicitur: dicitur *ἀγλαοτεύεινης*, *Tridente Illustris*, & in Epigr. Gr. in Isthmo Corinthiaco *Τετρανονοστήτωρ*, *Tridentis potens*. Tridentem ob triplicem aquarum naturam & virtutem liquidam, foecundam, & potabilem effectum Fulgentius arbitratur: Alii quod Piscatores eo instrumento utantur, vel quod aptum sit instrumentum ad movendam terram, uti LILIUS GYRALDUS arbitratur.

Sed ad Equos redimus. Eos squamis in medio contextos cernimus, quod antiquis in marmoribus vulgare est. Exemplum dabimus infra ex manuscripto Pighiano, ubi & uberior erit de iis disfertendi campus. Equorum bigas cernimus, quales & in numismatibus Crepereji Rochi apud URSINUM; Videtur autem numerus Equorū promiscuus fuisse, cum quadrigas Neptuno tribuat ORPHEUS in Hymno:

Τετραγόρον ἄρμα διώκων,

*Quadrigatum currum gubernans.*

Imo ex Equo Giganti infestum PAUSANIAS memoret: adeò ut non mirum, si tanquam Equorum domitor, *Equester* & Confus apud Romanos; apud Græcos autem *ἵππις* & *ἵπποκλέης* fuerit appellatus; Equos primum domuisse, artemq; equitandi ab eo traditam, indeque cognomen eum meruisse, DIODORUS SICULUS Author est. FESTUS vel ad Pegasum arbitratur respiciendum, qui ex eo na-

tus

tus sit, vel ad Equuleum, qui loco ejus Saturno fuerit subiectus, vel denique, quòd tridentis ictu percussa terra equum excierit. PHURNUTUS velocitatem navigationis in medium adducit, quod naves in mari quasi Equi viderentur. Sed hæc de Neptuno sufficiant; ad alia transimus.

IV.  
SEMELES TEMPLUM,  
ET  
Numen incognitum.



**A**T qua spe gemmam hanc Lectoris oculo subjiciam, cùm tamen altera ejus pars planè nobis incognita sit? Eadem, qua totam opusculi compagem: ut scilicet, quæ vel nesciero vel perperam dixero, ab aliis docear, simulque deliciosæ Antiquitatis cultoribus, si non meo, saltem alieno calamo satisfiat. Sæculum barbarum sapit hæc gemma. Et inscriptio & figurarum inconcinnitas rem satis evincunt. Pars prior Numen aliquod exhibet, id quod nō tantum ex calathò patet, quem cum Serapide communem habet, sed etiam ex quadruplici capitum compage, quam cum Jano. Quale numen hoc sit, me ignorare ingenuè fateor, neque enim vel ex inscriptione, vel ex cætero habitu certi aliquid colligere potui, inscriptionis exordium ΔΕΙΑΝ ΣΥΡΙΑΝ, Deam Syriam, videbatur prodere, sed quid hoc ad rem, cum Dea Syria non habitu virili, nec tribus capitibus culta fuerit, sed eadem cum matre Deorum & Doctissimo Seldeno demonstretur, & in variis adhuc Antiquitatis reliquiis ostendatur? Forsitan subscriptas literas ΑΠΙ. de Apamensibus intelligendas censeas, adeoque numen aliquod Apamensium indigitare. Id per me licebit, modò juxta doceatur, quale illud numen fuerit? Sed

Sed in re obscura satis erravimus. Aversa clarior est. Templum ea exhibet, in cuius vertice Avis. Avis, an Aquila, quales templis imponi solitas, supra ostendimus? pronus sum ut credam, neq; enim aliundè lux affulget. Templi structura, ut dictum, rude sæculum prodit. Cujus Templi sit, inscriptio ostendit, ΣΗΜΕΛΗΝ ΤΡΕΜΟΥΣΙΝ ΔΑΙΜΟΝΕΣ, SEMELEN tremunt Damones. Ex quibus verbis non tantum conicere possumus, SEMELES hoc esse templum, sed & intelligimus Deæ potentiam.

Semele Cadmi Thebarum Regis, ex Phœnicia oriundi, filia fuit. Quæ ob insignem formæ præstantiam à Jove adamata, sive superbia, sive diffidentia legitur petiisse, ut eo Deus habitu secum concumberet, quo cum Junone soleret. Paruit Jupiter, licet invitus, quod humanam imbecillitatem Divinæ majestati imparem sciret, id quod & eventus comprobavit. Semele fulminibus conflagravit. Jupiter exertum ex utero ejus Bacchum suscepit, & suo femori indidit, ut Menses compleret, Matrem autem, Junone delinita, in cælum transtulit, Deabusque adscripsit.

Hæc est Fabula de Semele, qualiter ferè à Mythographis & Poëtis traditur. Deabus adscriptam Nonnus docet:

Φλογερῶν Σεμέλῃ μελαινάσιον εἰς πόλον ἄστρον  
 Οὐρανὸν οἶκον ἔχουσαν ἀνήγαγε μήτερά βαίχῃ  
 Αἰθερίοις ναέτησιν ὀμέσιον, ὡς γὰρ Ἡῆς,  
 Ὡς τόκον Ἀρμονίης ἐξ' Ἀρεῖ, ἐξ' Ἀφροδίτης,  
 Καὶ κατὰ τῶν λύσασσι νέον δέμας ἄδοσι περσῶ  
 Καὶ βίον ἄφθιτον ἔχεν Ὀλύμπιον. Ἀντὶ δὲ καὶ δρυς,  
 Καὶ χθονία δαπέδοιο, καὶ Αἰθονίης, καὶ Ἀγάνης  
 Σύνθετον Ἀρτεμιν ὄρεε καὶ ὠμίλησεν Ἀθήνη.  
 Καὶ πόλον ἔδνον ἔδεκτο, μή τις ψαύσσει τεραπέσης  
 Ζηνὶ καὶ Εὐρυκίῳ, καὶ Ἀρεὶ καὶ Κυθερείῃ.

*Ardentem Semelen exsulem in polum astrorum,  
 Cælum domum habentem reduxit matrem Bacchi,  
 Æthereis incolis contubernalem, tanquam genus Junonis:  
 Ut partum Harmonie ex Marte, ex Venere  
 Et puro solvens novum corpus, nigro igne.  
 Et vitam immortalē habuit cælestem, pro vero Cadmo,*

G

Et



*Et immortalī solo ἔς Autonoe ἔς Agavē  
Comitem Dianam invenit, ἔς conversata est cum Minerva  
Et Polum nuptiale munus accepit, unam tangens mensam  
Cum Jove ἔς Mercurio ἔς Marte ἔς Venere.*

Ex his Apotheosis Semeles abundē licet pateat, addimus tamen & Orpheum, cui inter cœtera venustatis & Potentiæ elogia apertē non tamen *Dea* vocatur, sed & Παμβασίλεια *omnium Regina*, ex quo testimonio Gemmæ nostræ, qua Dæmones Semeles imperio subiectos audivimus, non exigua lux accedere videtur. Verba hæc sunt:

*Κιλήσκω κέβλω καὶ μῆϊδα παμβασίλειαν  
Εὐειδῇ Σεμέλῳ εὐχόμενόν μου, &c.*

Et paulò post:

*Νῦν σε θεὰ λίτομαι κέβη καὶ μῆϊς ἀνασσα.  
Voco puellam Cadmi. OMNIUM REGINAM  
Formosam SEMELEN, comam amabilem habentem:*


Et paulò post:

*Nunc Tibi DEA supplico puella Cadmia Regina.*

Tibi Dea supplico, an peculiaribus sacris? non dixerō, potiùs carmine; Quamquam & solenne sacrum ΣΕΜΕΛΕΙΑ memoret Hesychius, quod Semeles honori peractum Eruditissimùs Meursius arbitratur, in nobilissimò tractatu de Festis Græcorum. Verba hæc sunt: ΣΕΜΕΛΗ *incertum quale Festum fuerit.* HESYCHIUS: ΣΕΜΕΛΗ, *τρεῖς ὧς δὲ Φρυγίῳ, Ἑορτῇ. Puto Semeles fuisse.*

V.

QUATUOR OCULI  
Decem faciebus perfectè delineatis  
ἑ. ὀφθαλμοὶ.




*Sard. Inscr.*

Elegan-

**E**legantissimam hanc gemmam non ob historiæ, quæ nulla est, raritatem, sed ob artificii & inventionis præstantiam, *BENEVOLO LECTORI* communicandam duco. Figuras bifformes, immò & quadriformes hæcenus Antiquitas obtulit. Bacchum *διμορφον Biformem* appellat ORPHEUS: Idque inde, quod, ut DIODORUS docet, duo Bacchi fuerint. Caput biforme exhibet Tenediorum nummus ob conjugum, ut alibi dictum, unitatem & concordiam. De Jano res trita est, quanquam non item de *quadriformi*, de quo tamen & ipso modo vidimus, cujusque templum apud celeberrimum CHOULIUM cernimus. Sacratum à Lutatius Catulo, & à quatuor anni temporibus denominatum & effigiatum, docent & historia & ratio, quanquam alii alia comminiscantur; Sed ecce, subit & statua Jovis *quatuor vultus habentis*, *τετρακεφαλῆς*, quam Manasses Rex Judæorum in templo Domini poni curasse Suidæ memoratur. Alii *quinqueformem* faciunt, ipsique eam Manassi tribuunt. Quoscunque adferas, non plures tamen effigies erunt, quam oculi. In nostra autem gemma effigierum numerus numerum oculorum quantum excedit? nec tamen cuiquam oculum dixeris deesse. Ingeniosum sanè inventum! eoque magis æstimandum, quo concinnius quinque maribus totidem foeminas juxit artifex. Si viros respicias, foeminæ vicem pilei suppleant, si foeminas, viro-  
rum barbæ suppleant vicem ornatus muliebris, quem, ut hodiè, ita & apud antiquos, luxus hominum ingeniosè variavit.

## VI.

## INSCRIPTION.



**A**nceps & obscurus est hujus Inscriptionis sensus, siue averfam consideres, siue adverfam; An tamen certi aliquid elici possit,

tentabimus. Adversa C. GL. CF. exhibet. Cajum aliquem & Caji filium denotari, ex aliis innumeris tam Numismatibus, quam Lapidibus constat; Quis autem sub literis GL. intelligi debeat, ambiguum est. An *Glitius*? an *Glycerius*? an *Glesidius*? Omnium horum Inscriptiones apud GRUTERUM videas, & ultimi hujus cum C. prænومine, quamvis non C.F. sed *Herma*. Aversa LUCUM ELECTUM arguit, idque IN ÆDIBUS FILII; An autem sub literis VI. SACR. *Via Sacra* lateat, de qua Propertius lib. 2. Eleg. 1.

*Actiad, in SACRA currere rostra VIA.*

An numen aliquod, cui lucus hic electus & sacratus fuerit, dubitari potest. Si primum statuas, sensus erit, *C. Glesidium C. F. lucum elegisse viâ sacra, in adibus filii*. Si posterius, disquirendum est, quale numen sit, cui lucus sacratus dicitur. An *Vibilia Dea*, de erroribus viarum liberare solita, cujus meminit ARNOBIUS lib. IV? An *Vitula* Dea lætitiæ? An *Vitumnus* Deus vitæ & nativitatîs? an *Virtus*? an *Vintia*? an *Victoria*? Latissimus hic est conjiciendi campus. De lucis Deo alicui sacratis, non tantum gentium historia, sed etiam Sacra declarat: Non tantum Dii magni lucos visitabant, sed & Manes & Heroës, qui *Lares vitales* dicebantur, notante SERVIO, habitabant, indeque VIRGILIUS:

*Nulli certa Domus, LUCO Shabitamus opacôs.*

Et CICERO LIBRO II. de Legib: *Lucos in agris habento. Et Larium sedem eſc.*

Sed ais, *Lucos in agris* Ciceronem ponere, inscriptionem autem nostram in *Ædibus*? Respondeo, fuisse non tantum in agris, sed etiam ipsa in urbe. *Lucus in Urbe fuit media latissimus umbra* inquit Virgilius. I. Æn. Ita *Lucus Semeles*, fuit in Regione XI. *Lucus Forinarum* in XIV. ad stipulante REYNESIO: & idem CICERO *Lucum Vestæ* à Palatii radice in novam viam devexum, Divin. lib. I. Sed hæc ad Gemmam propositam dixisse sufficiat. Si quis certiora docere & possit & dignetur, habeo, quod grata mente & agnoscam & prosequar.



## VII.

MARIS TERRÆQUE  
ET REGIMEN ET FELICITAS  
VIGILANTIAM  
requirunt.



**D**Uas hic gemmas proponimus, duplex vigilantiae ministerium adumbrantes. In primo Gallus temoni insidet, suppositis Cornucopiae & Delphino. In secundo idem Gallus poculo inter duo cornucopiae duosque Delphinos, spicam item & caput papaveris insitens, rostro muris frugibus infesti caudam invadit, perniciosum animal à præda retracturus. Delphinem esse maris Symbolum, Cornucopiae esse Symbolum terræ in varia fructuum genera effervescentis, nemini opinor dubium est. Idem dixero de spica & de capite papaveris. Idem de temone, Symbolo regiminis: & de gallo, vigilantiae.

Non rerum expressarum obscuritas Gemmas has commendat, sed concinna compositio, utilitasque virtutis, quam sub Gallo adumbratam regimini terræ marisque, rerumque conservationi & necessariam discimus & utilem. Ad Gallum vigilantiae Symbolum in mentem venit PAUSANIAS, qui & Minervæ Galeæ affictum memorat, idque idè, quod hæc avis omnium sit pugnacissima: Vigilantiam scilicet non inermem, sed armatam intelligimus, qualis Regum solet esse, Maris Terrarumque Dominorum, quorum ex regimine & vigilantia, circumpositoque Martiali robore, & hostium terror, & subditorum felicitas!

VIII.

SCORPIUS

Signum Coeleste.



**D**UO ad hanc gemmam veniunt consideranda: Scorpius, & Scorpium cum Stella conjunctio. Scorpionum esse duplex genus, unum *terrestre*, pedibus ingreditis, permagnum, Ver- tebris abundans; alterum verò *aëreum* & volatile, membranceis alis, quales sunt locustis & cicadis & vespertilionibus, LUCIANUS in *Dipsadibus* ait. Alii tertium genus *marinos* addunt. Qui in gemma visitur ad terrestres pertinere videretur, nisi stella ad coelestem reduceret; Sed eadem utriusq; figura. *Octo pedibus* insignis est, unde in Proverb. Οκτώπους vocatur; *Caudam elevat*, ad ictum parata, eoq; distinguitur ab eo genere, quod caudam jacentem trahit, Arabibusq; indè *Gerrara* dicitur, cujusmodi qui venentur, mittere Persarum Reges à Persicis Suis in Mediam iter facturos, ÆLIANUS *lib. 15. c. 26.* refert.

*Cauda* ex variis internodiis constat, uti & *chela*. Chelas βό- ρεας, id est πολυφάγος appellat NICANDER in *Theriacis*, notante COEL. RHOD. *lib. 15. c. 7.* De numero internodiorum caudæ anceps quæstio est. PLINIO testante, pluribus sunt *Sena*, quibusdam tamen *Septena*. Alii constanter *Septena* reperiri asserunt, adeoque Nican- drum, qui Ἐννεαδέσµους σφονδύλες in Scorpium cauda ponit, non *no- vem internodia* intellexisse ajunt, sed indefinitè novem pro *multis* posuisse. Assentire effato, nisi appositè ad verba Nicandri *novem internodia* hic noster ostenderet. An autem Sculptoris id vitium sit,

fit, an revera in quibusdam is numerus inveniatur, eorum decisioni relinquimus, quibus teterrimos hujus insecti exercitus penitus lustrare, vel natura jussit, vel nimius peregrinandi ardor licentiam præbuit.

Terræ partus est, id quod non Philosophi tantum, sed & Mythographi testantur. Dum cælestis Scorpii Originem promunt, terræ editum finxere. Cum Orion venaretur, & in eo exercitatissimum se esse confideret, dixissetque & Dianæ & Latonæ, se omnia, quæ ex terra oriuntur, occidere valere, Terram, ajunt, permotam Scorpionem edidisse, qui eum interfecerit, ideoque à Jove, factum mirante, inter astra collocatus fuerit, ut species ejus hominibus documento esset, ne quis eorum aliqua re sibi confideret, docente HYGINO.

Ita ad cœlestem ascendimus, quem in nostra gemma stella unica evincit, licet omnibus insignis non sit. Novendecim ejus numerantur Astronomis, quarum binæ in unaquaque gelarum, in fronte tres, tres inter Scapulas, in ventre duæ, quinque in cauda, & in acumine, quo percutere existimatur, duæ; Sed nulla inter gelas, quæ in situ cœlesti circuitu longo non curvantur tantum, sed & in diversa abeunt. Adeò, ut hæc stella planè aliena sit; Licet enim *Manilius* canat:

*Æquato tum libra die cum tempore noctis*

*Attrahit ARDENTÌ fulgentem Scorpion ASTRO.*

Quod ad gemmam forsàn quadrare arbitraberis, notandum tamen sub voce *Astro* non unam stellam, sed totum asterisnum intelligi, qui, ut dictum, ex novendecim stellis constat; nisi fortè unam reliquis ardentiorum loco omnium positam contendas, id quod & in aliis usu venire solet. Sed hæc Seges Astronomorum est, nec quicquam pro Stella Scorpio propria ad gemmam nostram evincit. De Stellis alienis duplex occurrit opinio. Altera *Solem* in medium adducit, altera *Martem Planetam*. Utraque satis probabili niti-  
fun-



fundamento. Solem sub figura Stellæ antiquis præfigurari solitum, evincit vel unicum numisma spurcissimi Imperatoris Elagabali.



Solem, ut reliqua Zodiaci signa, ita & Scorpionem permeare, in vulgus patet, unde & Phœbus, Phaëthontem de periculis admonens, ita inter cœtera fatur:

*Per tamen adversi gradieris cornua Tauri  
Æmoniosq; arcus violentiq; ora Leonis,  
Sævag; circuitu curvantem brachia longo  
SCORPION. Met. lib. 2.*

Nec abs re solem in Scorpione cœlaverit antiquorum superstitio; Si enim MANILIO fides, tunc fecunditatem terris solet immittere, eosque, qui sub eo nati fuerint, Martios efficit. En verba!

*SCORPIUS armata violenta cuspide cauda,  
Qui, sua quum Phœbi currum per sidera ducat,  
Rimatur terras, & sulcis semina miscet.  
In bellum arduos animos & martia castra  
Efficit, & multo gaudentem sanguine civem.*

Martios efficit Martii animalis signum; Mars enim ei dominatur, indeque altera Stellæ inter brachia Scorpionis positæ, ratio est. Quidni huc detorqueam ejusdem Manilii effatum?

*Pugnax Mavortii Scorpionis hæret.*

# IX. CENTAURUS.



**C**entaureum, NIZOLIUS imperitè scripsit, esse monstrum ex *homine & Tauro* connexum, procul dubio sono vocis deceptus, quòd Taurum ea videatur arguere. Alii tamen, quòd non Taurum, sed Equum in eo agnoscant, historiam nominis rationem adferunt, quòd scilicet, bobus cestro agitatis, cùm Theſſalus quidam Rex satellites suos ad eos revocandos ire jussisset, illique cursu non sufficerent, Equos ascenderint, & eorum volocitate boves secuti, eos stimulis ad tecta revocarint, eoque habitu visi, locum & fabulæ dederint & nomini, ἀπὸ τῆς κενταύρου τῆς ταύρας dicti, prout docet SERVIUS ad *Virgilium. Georg. III.* PALÆPHATUS Regem Ixionem facit, Centaurosque non Regis satellites, sed Juvenes ex Nephelē Montano pago, qui Equos primi domuerint. TZETZES *chil. VII. n. 99.* hanc Etymologiam rejicit, eò quod, si εἰσακτινοῖζοντες ταύρας Centauri dicti sint, non *Centauri*, sed *Centotauri* dici debuerint. Ita non absurdè TZETZES, qui tamen aliam rationem subjungit, superiore multò absurdiorē, de stupro Nephelæ ancillæ ab Ixione illato, unde Centauri prodierint; quasi verò κενταύρου pro re venerea ullus scriptorum usurpaverit? HENRICUS STEPHANUS à *stimulando calcari- bus Equo* nomen deducit, indeque Hippocentaurum quasi *Equi stimulatorem* arbitratu esse dictum, sed formationis modum non aperit. Si me quæras, vel κεντοταύρας cum TZETZE, sed inde, ob Euphoniā vocis, *Centauros* arbitraberis dictos, vel, quod novum quidem, sed forsitan verius est, ἀπὸ τῆς κενταύρου τὴν αὔραν, quòd auram sive Aerem Centauri ferire & quasi stimulare viderentur, vel celeriter Equitantes, vel ex equis jacula emittentes. Hanc Etymologiam,

H

nescio

nescio annon fulcire possit Gemma nostra, in qua Centaurum cernimus, *jaculo & clypeo* armatum.

Jaculo & clypeo ? Atqui DIODORUS Author est, alios *Piceis* radicitus evulsis, alios grandibus *Petris*, nonnullos succensis *facibus*, aliquos magnis *securibus* contra Herculem in praelium ruisse. Imo & HESIODUS, Diodoro longe antiquior, *Abietes* eis tribuit in pugna adversus Lapithas. Sed OVIDIUM in rem praesentem adducimus, qui licet in eadem pugna contra Lapithas *poculis*, fragilibus *Cadis*, Curvis *Lebetibus*, *Lampadibus*, *ara*, imo & *arboribus* & *Saxis* Centauros usos canat, Pyracmonem securiferum vocet, jaculumque primo solis Lapithis videatur abscribere, tandem tamen etiam Centauris tribuit, non tantum Lycoten *Jaculatorem* vocando, sed & Nestorem a Teleboa *jaculo*, quod gesserit, vulnerratum memorando. Nestor ipse Met. XII.

*Chthonius quoque Teloboasque.*

*Ense jacent nostro, ramum prior ille bifurcum*

*Gesserat, hic JACULUM. JACULO mihi vulnera fecit.*

Et quid si eundem etiam de Clypeo testem vocemus ? Ita ille de CENTAURO.

*Provolat Emathii spoliis armatus Halefi,*

*Quem dederat leto membris & corpore Latreus*

*Maximus. Huic atas inter juvenemque senemque,*

*Vix juvenilis erat. Variabant tempora Cani.*

*Qui CLYPEO, gladioque, Macedoniaque sarissa*

*Conspicius, faciemque obversus in agmen utrumque,*

*Armaque concussit, certumque equitavit in orbem.*

Clypeum certe etiam in sequenti Gemma apud ANGELONUM cernimus.



In qua Centaurorum ex Gente foemina, simul cum Masculo, Liberi Patris curru juncta, *Clypeum* praetendit. Centauros LIBERI confortio



confortio adscriptos, PERILL. SPANHEMIUS luculenter, & ex antiquitatum reliquiis, & ex idoneorum Authorum Testimoniis demonstravit. Consortii causam ebrietatem esse, cui impensè dediti fuerint Centauri, exemplis firmat NOB. TRISTANUS *Tom. II. p. 617.* Ubi & de foeminis plura adfert, præterque Centauros Thessaliæ, etiam Centauros Cypri memorat, cornutos illos, qui non ex Ixionè & Nube, sed ex semine Jovis Venerem persequentis prognati fuerint; imo & *Ono-Centauros* ex ÆLIANO, qui non ex hominibus & Equis, sed ex hominibus & asinis compositi fuerint. Sed neutra Observatio ad propositam nostram gemmam quadrat, Pulcherrimus enim in eo *Equus & homo*, non Cornutus, sed *Juvenis*, & ferè qualiter Cyllarum OVIDIUS describit, dum canit:

*Nec Te pugnantiem Tua CYLLARE forma redemit,  
(Si modo Natura formam concedimus illi)  
Barba erat incipiens: Barba color aureus: aureaq;  
Ex humeris medios coma dependebat in armos:  
Gratus in Ore Vigor: Cervix, humeriq;, manusque,  
Pectoraq; artificum laudatis proxima signis,  
Ex qua parte vir est. Neque Equi mendosa sub illo,  
Deteriorque Viro facies. Da colla caputque,  
Castore dignus eris. Sic tergum sessile, sic sunt  
Pectora celsa toris:*

Multò aliter CALLISTRATUS: *Ingressus in templum ingens,* inquit, *ac Venerabile, quod pulcherrimam in se formam continebat, vestibulum ante ipsum, primoque in Limine, Centaurum video, non Viro ex Homericæ imagine Odysf. Φ. Sed Bellua Sylvicola assimilem. Homo erat usque ad Ilia, descendendo Centaurus, in Equi gressum quatuor Cruribus nexum desinebat. Etenim Equum & hominem natura à dimidio secans, in unum corpus compegerat, partim artibus quibusdam secretis, partim sibi invicem consonantibus fabricatis. Sed enim à forma humana, quantum à Lumbo ad imos pedes subtenditur, detraxit: Equino autem Corpori, ademptam reliquam partem, ab umbilico descendentem, humane effigiei contribuit: ita ut Equus Caput desideraret, & cervicales toros, & quicquid in terga descendens latè extenditur;*

Homo vero ab umbilico ad Pedum usque plantam stabilimentum requirat. Porro, cum tale sit corpus, videas animum in artificio eminentem, & corpus efferatum, & vultui belluinum quoddam efflorescens, & marmor Pilorum ornamentum pulcherrimè representans, & omnia ad verum simulacrum properantia.

Hæc CALLISTRATI in Statuis Centaurum nobis proponunt, licet rudiorem, quam in gemma, talem tamen qualis in marmoribus frequens occurrit, qualis & infra Chiron, de quo plura suo loco. Memorare placuit, non quod nostri formam, sed quod figuræ nexum accuratius exponant.

Sed, inquis, Nomen hætenus & arma, imò & Corporis habitum exegisti, cum tamen incertum adhuc sit, an unquam Centauri fuerint? Et si non fuerint, quidni & aperis rationem figmenti? Utrumque agam.

An Centauri fuerint, anceps apud Authores quæstio est. Visum à se alatum in melle Centaurum, PLINIUS lib. 7. c. 3. affirmat, additque, CLAUDIUM CÆSAREM scripsisse: Hippocentaurum in Thessalia natum, eodem die interiisse. Imo & D. HIERONYMUS in Vita Pauli tradit, Antonium ad Paulum Eremitam pergentem, conspexisse, ut ipse loquitur, *hominem equo mixtum*, cui opinio Poetarum *Hippocentauri* nomen indiderit. Hæc Testimonia quodam induxerunt, ut Centauros fuisse non negarent.

Ego licet unum aut alterum, vel aberrante natura genetrice, vel occulto Dei Iudicio, nasci potuisse facile credam, adeoque in tantum, qui contrarium sentiunt, LUCRETIO, PALÆPHATO, imò & GALENO non accedam; tamen adduci non possum, ut integram gentem, genusque, transfusa à parentibus in Liberos duplici forma, unquam mihi persvadeam extitisse. Iis potius subscribendum ducō, qui Thessalos primos Equorum domitores, insolito habitu, Vetustæ simplicitati figmenti occasionem dedisse arbitrantur. Thessalos certè Equestri laude celebres fuisse, neminem Eruditorum arbitror latere. Imò nec bello erant inertes, quod & ipsum ad Centauros quadrat, vel nostra gemma assertum fulciete. Quid enim aliud jaculum & Clypeus, de quibus supra dictum? MANILIUS, dum horoscopus pertractat, de eo, qui sub Centauro nascitur, inter cætera ita canit:

*Aut onerabit Equos armis, aut ducet in arma.* Id quod de Theslalis non minus dixeris. Plura, ut dictum, videbimus inter marmora.

# X. SCENICUS BACCANALIORUM LUSUS.



**Q**Uo referrem elegantissimam hanc GAZÆ quondam PALATINÆ gemmam, si verum fateri licet, diu dubius hæsi. Tres figuras in ea cernimus. Una calvo Sileni Capite insignis est, dextra sertum præfert, sinistram pallio exertam præten- dit, prona, & jamjam casura, nisi ab alia juvenili, quæ retro visitur, pellemquæ à tergo dependentem gestat, retraheretur, & à casu ser- varetur. Juvenilis hæc, figuratum secunda est; sed cave hominem existimes! Larva enim est, artificioso nexu prioris tergo affixa, ut eò formidolosiore adspectu se obviis ostenderet. Id facile col- ligas ex figura tertia, quæ licet nuda sit, & ipsa tamen pellem fini- stra gestat, elataq; supra verticem dextra, insolito priorum visu ex- territa stupefcit.

Dubitabam primo, annon *Lupercal Ludicrum* hoc schemate adumbraretur, quod ex Arcadia allatum, nudi juvenes, Lycæum Pana venerantes, simul cum Romulo per Lulum atque Lasciviam celebrasse, Livio memorantur; *Pelles*, quas exinde Luperci ge- starunt, quibusque obvios verberabant, foeminas præsertim, foe- cunditatis remedium id arbitantes, Opinioni aliquatenus videbantur



favere. Videbatur favere *arbor media*, cùm Ludicrum id non in urbe aliqua Romulus celebraverit, sed in monte, qui ab initio à Pallanteo, urbe Arcadica, *Palatium*, deinde *Palatinus* dictus est. Et quidni figurarum etiam habitum, in subsidium adducerem? Lusus certè & Lascivia, quæ LIVIO apertè memorantur, etiam huic locum videbantur facere.

Hæc cum tacite mecum volverem, subiere *Bacchanaliorum ritus*, *scenicique Lusus*, Baccho dedicati, adeoque se insinuarunt, ut opinione de Lupercali rejecta, *Bacchanalia Silenorum* in gemma crediderim adumbrata; Licet enim nec Thyrsi, nec Hædera, nec Pampinus, solita Bacchi, comitumque ejus, insignia, in ea appareant, Unicum tamen SILENI simulacrum, sive verum id sit, sive, quod propius, personam inductum, non videtur permittere, ut aliò respicias. Fortè & *saturnalia* in mentem venient, quæ hilari festivitate, variisque jocis & Lusibus celebrabantur, quibusque & ipsis Silenum quadrare, vel IMPERATORIS Testimonio planum videbitur. Sed Silenus non tam Saturno comes fuit, quàm Baccho, indeque à JULIANO Satyræ admiscetur, non quòd Saturni affecla, sed quod Cavillarum & risus magister esset, ideoque de scenicis silenorum lusibus, Baccho Consecratis, magis placet, cum personas Libero Patri sacras fuisse, facile ex JUVENALI colligas Sat. VI. v. 70. ubi personam & Thyrsum conjungit.

*Personam Thyrsumque tenent.* Sed apertius testatur CALLIXENUS Rhodius apud ATHENÆUM, Pompam recensendo, quam Ptolemæus foter, in honorem Liberi & instruxit & duxit, ubi non tantum *Silenos*, sed & *Personas* Tragicas, Comicas & Satyricas memorat, & has quidem non tam prælatas, quàm *circa simulacrum Dei appensas*, adeò ut his præmissis planior jam sit ad figurarum contemplationem transitus.

SILENUM persona refert, calvum illum Liberi patris Pædagogum. SILENUM *Calvum*, pleraque Antiquorum monumenta ostendunt: *Bacchi Pædagogum* consensus Poëtarum, imò & Historicorum evincit. Illa videas apud PERILL. SPANHEMIUM, Diss. V. & in annotationibus ad Julianum pag. 338:

De

De hoc præter ORPHEUM etiam DIODORUS testatur. Παιδαγωγὸν ἔ, τροφέα, *Padagogum* Bacchi & *nutritorem* appellans. Nihil proinde mirum, si vino victus, & in casum pronus, incedere videatur. Semper Ebrium facit VIRGILIUS, & apud Eleos *Ebrietatem ei vinum è poculo porrigere*, PAUSANIAS memorat, ut taceam alia, quæ passim prostant, gravissimorum Authorum testimonia, quæ licet planum faciant de Φιλωίᾳ, parum tamen de corona, quàm manu præfert, parum de figura juvenili, quæ à tergo lapsurum retrahere videtur. Equidem non dubito, quin figura hæc juvenilis, juvenem aliquem Silenum adumbret, qualiter etiam in numismate Alexandri Severi apud ILL. SPANHEMIUM *ad Cas. Juliani pag. 393. & in Toreumate pag. 432.* Licet enim PAUSANIAS scribat: *Maximos natu Satyrorum Silenos nuncupari*, id tamen superstite vetustatis supellectile non firmatur. Potius NONNO accedendum, qui *lib. XXIX. Dionys. v. 263.* tres Sileni filios memorat: aut CATULLO, qui & ipse certum Silenorum genus videtur facere, dum *Nisigenos* appellat, PINDARO & PAUSANIÆ, antiquissimum in Malea Laconum civitate natum asserentibus, non contrarius; quid enim obstat, quò minus hujus posterì in urbe Bacchi nutrice nati potuerint esse, cum Pater Pædagogus Bacchi fuerit? Sed de his constare videtur.

Corona aliquam lucem mutuât ex eodem NONNO, *Libro XIX. v. 161.* Ubi Silenus Coronam Baccho memoratur texuisse. Quanquam enim ea ex hedera & vite fuerit, tamen & lauro Bacchum coronatum HOMERUS tradidit, cui arbori nescio an vel Arbor Gemmæ nostræ, vel etiam corona dissimilis sit? Arborem forsitan contra opinionem nostram, qua lusum Scenicum in gemma præfiguratum diximus, militare arbitraberis. Sed si confideres, non personas tantum in Theatrum prodiisse, sed & montes, & flumina, imò integras regiones & Maria per Machinas, uti adhuc hodiè, ità & Vetustis temporibus, fuisse exhibitas, non miraberis de arbore; JULIUM POLLUCEM consule, & prolixè doceberis.

Tertiâ figura nescio an Faunum aliquem, an Silenum referat. Pellis certe Bacchi assecclam prodit. De utroque, si ad conspectum trepider,

trepidet, nihil mirum, cum ejusmodi personæ ad Terrorem occurrentibus incutiendum induxerint. Hinc APULEJO *Persona Minax* vocatur, & apud JUVENALEM

*Persona pallentis hiatum*

*in Gremio matris FORMIDAT Rusticus infans.* Hæc de Opinione nostra sufficiant. Sufficiant & *Gemma ex Thesauro quondam Palatino desumpta.* Aliæ succedunt, Doctorum solertia publici quidem Juris jam dudum factæ, debita tamen luce hæcenus non illustratæ. Apud Angelonum est

## XI.

## DÆDALUS.



**D**ÆDALUM, decantatum illum Atheniensem Artificem, nemo ignorare potest, modo sacros Castalidum fontes primis saltem degustaverit labellis. Ex Regia Metionidarum gente ortum, in *Atticis* PAUSANIAS memorat. Idem Palamaonis filium facit, in *Boeoticis*. Eupalemi sive Euphemi filium testatur TZETZES *hist. 19. Chil. 1.* PHERECYDES Erechthei, viri Atheniensis, & Iphinoes. Quidquid sit, ab eo *tribus Dædalidarum* Athenis fuit, licet Athenienses eo diutius usi non sint. Cum sororis suæ Perdices filium Attalum, vel Acalum, vel ut alii, Telen discipulum per invidiam, ob rotam figlinam, vel ut alii, ob ferram ab eo inventam, de tecto præcipitasset, fugere coactus ad Minoë abijt, extructoque Labyrintho, quem supra ex Gnoſſiorum numismate protulimus, gloriam ingentem nactus est. Sed nec hic sedes ei stabilis fuit. Cum Pasiphaes, Taurum ardentis, libidini obsecutus, Vaccam ligneam, cui illa inclusa, votis suis potiri poterat,

exco-



excogitasset, & ipse custodiæ datus, Labyrinthum, quem fecerat, carcerem habuit. Ex eo ut se expediret, alas ex cera sibi filioque fabricavit, earumque remigio in Siciliam ad Regem Coccalum avolavit.

Hæc est historia, an fabula? de Dædalo, qualiter ferè ab Authoribus traditur. Addi possent & alia, quæ passim de eo memorantur; A Minerva scilicet Architecturam & universam ædificandi artem eum didicisse: asciam, perpendiculum, terebram, Glutinum & Lithocollum invenisse: Statuis oculos & crura & manus addidisse: Opera ejus rudia quidem & aspectu indecora fuisse, attamen numen veluti quoddam præ se tulisse: Pausaniæ ætate ex iis adhuc Herculem Thebis, Trophonium apud Lebadenses, Britomartim ad Oluntem in Creta, & Minervam, Ariadnæque chorum ex candido lapide, apud Gnosios, & Venerem apud Delios extitisse. Posset mentio fieri Uxoris, Gortinidis filiæ, ex qua suscepit Scillidem & Dipcenum; ut ait PAUSANIAS in *Corinthiacis*: Naucratis servæ, ex qua Icarum: & Mulieris Cretensis, ex qua Japygum, à quo postea Japygiam dictam STRABO *Lib. 6.* Author est. Sed hæc omnia extra propositum sunt, nec ad Gemmam nostram quidquam faciunt. Alam fabricantem intuemur, planè qualiter Ovidio canitur, Met. VIII. fab. III.

*Ignotas animum demittit in artes,  
Naturamque novat; nam ponit in ordine PENNAS  
à minima cæptas, longam brevior sequente,  
Ut clivo crevisse putes. Sic rustica quondam  
Fistula disparibus paulatim surgit avenis.  
Tunc Lino medias, & CERIS alligat imas,  
Atque ita compositas parvo curvamine flectit,  
Ut veras imitetur aves.*

Quibus ex verbis & materia alarum innotescit, quas inde *Ceratas pennas* HORATIUS vocat, prout ipsum *fabrum volantem* JUVENALIS *sat. 1.* quod utique re ipsa accidisse non dixeris, sed fabulam fatearis, vel inde conficiam, quod vela navium & antennis invenerit Dædalus, vel quod navibus ipse ex Creta in Siciliam fugerit. Hanc Opinionem latius deducit PALÆPHATUS in

fabulosis narrationibus, cujus ecce verba! *Dadalus una cum Icaro filio, quandam ob causam in Carcerem à Minoe inclusum fuisse ajunt, qui quidem Dadalus cum FICTITIAS sibi PENNAS FABRE FACIENDO aptasset, una cum Icaro illinc exilisse fertur. Scientiam vero hanc Volantes homines faciendi, absque vel machina vel artificio, pennasque praesertim fictitias habentes, calluisse impossibile est. Tale igitur hoc erat, quod ab eis dictum est. Dadalus cum in Carcere esset, ac sese ipsum per fenestram, quandam demississet, scapham mare sulcaturus inscendit, quod simulatque Minos intellexit, qui illum abeuntem insequerentur navigia mittit. Id autem Dadalus atque Icarus agnoscentes, persecutoresque à tergo instare animadvertentes, vento terribili & vehementi cum impetu flante usi, ADVOLANTES, hoc est, navigantes circum pelagus vertebantur.*

## XII. DAPHNES METAMORPHOSIS.



**D**aphne Ladonis fluvii Arcadici, vel ut aliis placet, Penei Theffalici ex Tellure filia, tantæ venustatis fuisse perhibetur, ut Apollinem ejus conspectus ureret: tantæ castitatis, ut Dei amores celeri fuga, imò & si non interitu, tamen metamorphosi sua sibi evitandos censeret. Cum amantis vim celeritate se superaturam desperaret, commiseratione matris in Laurum mutata est, in eamque abeuntem nequicquam complexus Apollo, qua Virgine potiri non potuit, eam arborem sibi sacram voluit.

Hæc

Fabulæ series ex Mythographis patet. Gemma ex Angelonio proposita Daphnen exhibet in ramos jam jam excrecentem. Affidet, & flebili amplexu frustratos amores lamentatur Phœbus. Phœbum lyra testatur, non fatidico pollice tacta, id quod ab hilari solebat, sed humi abjecta, quod à mœrente. Lyra adjuncta est, instrumentum non ignotum amoris vel conciliandi, vel dulciter transfigendi.

*Per me concordant Carmina nervis,*

Inquit, inter alia amoris delinimenta, Phœbus ipse, Daphnem adhuc insequens, apud OVIDIUM Poctam elegantissimum, qui ut totam fabulæ seriem eleganter expressit, ita nec eorum oblitus est, quæ ad gemmam hanc sunt præcipua. Audi de Daphne.

*Torpor gravis occupat artus,  
Mollia cinguntur tenui præcordia libro,  
In frondem crines, in ramos brachia crescunt.  
Pes modo tam velox pigris radicibus hæret.  
Ora cacumen habent, remanet nitor unus in illa.*

Audi de Phœbo!

*Hanc quoque Phœbus amat postaque in Stipite dextra  
Sentit adhuc trepidare novo sub cortice pectus.*

De Daphne elegans est Descriptio apud LUCIANUM in veris historiis, lib. 1. Cum portentosas vites memorasset, quarum truncus inferior à terra ramosus esset & crassus, superior autem Mulieres referret, ab utero fere sursum omnia perfecta habentes, subjicit: *Talem apud nos Daphnem describunt, quam cum Apollo jam jam comprehenderet, in arborem versa est.* Apposite ad Gemmam! Truncus enim etiam in hac à terra ramosus est & crassus, superior autem mulierem refert, ab utero fere sursum omnia perfecta habentem, adeò ut de fabula Daphnes hac in gemma expressa dubitari non debeat.

De origine & sensu adhuc dicendum. Laurus Græcis ΔΑΦΝΗ dicitur: Inde nomen. Laurus ad Peneum Thessalicum flumen frequenter nascitur, nascitur & ad ripas Ladonis in Arcadia, & nascitur ex terra fluvialibus aquis imprægnata: Inde Parentes. Nascitur



etiam Delphis, indeque si THEOCRITUM audis Phœbo dicata est, quanquam alii ad Vaticinia decurrant, quod Sacerdotes non tantum lauro coronarentur, sed & Vaticinaturi ejus foliis vescerentur, imò quod & vera somnia expectarentur, ea fronde dormientis vertici supposita. Alii in Arboris calore, calorem solis aliquo modo referente, rationem ponunt, cujus intuitu & Lunæ simulacro ramum lauri datum legimus, ut scilicet pateret, calorem una cum lumine illam à sole mutuari. Alii ad usum medicum respiciunt, quod HERODIANO memorante, Lauri odores ad evitandam contagionem valeant, & rami ejus fulmine non tangerentur, sed semper vireant. Hæc ex tribus Apollinis officiis desumpta sunt. Forsitan adhuc alia adduxeris. Daphnen Tiresiæ filiam apud Delphos carmine usque adeo excellenti vaticinatam, ut Homerus ipse multa in suum poemata transtulerit, memorat DIODORUS. Daphnen Nympham, earum unam, quæ montem incolerent, à Tellure delectam, quæ Delphis, Oraculorum sedi, præsideret, PAUSANIAS Author est. An harum ex nomine, munerisque dignitate, fabulam arbitraberis confictam? Nihil video quod obfistere possit; sunt tamen qui totam seriem ad moralia detorquere, & sub Daphnes in arborem semper virentem metamorphosi, Virginum, quæ pudicitiam suam intactam conservassent, malint immortalē contemplari gloriam.

### XIII. BELLEROPHON PEGASUM DOMANS.



**H**Anc gemmam ex eodem Angelone eò libentius proponimus, quò apertius contra PAUSANIAM videtur militare.

Ita

Ita ille in *Corinthiacis* : Ἀθηναῖν Θεῶν μάλιστα τιγματοεργασίῃσαι  
 πάτε ἄλλα Βελλεροφόνῃ Φασι , καὶ ὡς τὸν πηγασόν οἱ παρεδοίη ,  
 χειρωσαμένη τὴ καὶ ἐνθεῖσαι αὐτῇ τῷ ἵππῳ χαλινόν . *Minervam*  
*ajunt pra Cateris Diis Bellerophonti , cum aliis in rebus opitula-*  
*tam , tum verò à se domitum , freno jam imposito , pegasum dedisse .*  
 Freno jam imposito ? Atqui in proposita gemma frenum abest ,  
 nec Minerva Pegasus domat , sed Bellerophon ? Nihil dubita .  
 Surgit gemmae Patronus . *STRABO Lib. 8.* Cum de Pirene , fonte  
 Acrocorinthis , locutus esset , subjicit : ἐνταῦθα δὲ Φασι πίνοντα τὸν  
 πηγασὸν ἀλῶνα ὑπὸ Βελλεροφόνῃ . *Ibi Pegasus , cum biberet*  
*CAPTUM ajunt esse à BELLEROPHONTI .* Ita quod *PAU-*  
*SANIAS* Minervæ adscribit , *STRABO* & *GEMMA* adscribunt Belle-  
 rophonti . An sibi contrarii ? Si corticem respicias , sunt : si me-  
 dullam , non sunt . Bellerophontem quidam ab occiso Bellerō de-  
 nominatum ajunt ; sed verius , quasi Βελλερόφοντα *Consiliarium* ,  
 dictum probat *FULGENTIUS Lib. III. pr.* inde præcipuè , quod  
*HOMERUS* ,

ἀγαθὸν Φρονέοντα καὶ δαίφρονα Βελλεροφόντην .

*Bona Consulentem et prudentem*

appellet . Hunc si sequaris , jam constabit , idem esse , sive *Miner-*  
*vam* dicas frenum Pegaso imposuisse , sive ipsum Bellerophontem .  
 Minerva enim aliud non est , quam prudentia ; & prudentia opus erat  
 equum , alis armatum indignantemque , domanti . Indignantem Pe-  
 gasum frena recepisse , *OVIDIUS* Author est , versu quem & supra  
 citavimus .

*Indignantem frena receperat Ore*

Alas ob celeritatem ei datas , vulgò patet ; Neque enim , si *PALA-*  
*PHATUM* audis , fieri posset , ut Equus volitet , etiam si omnium avium  
 pennas sibi junxisset . Ita vel ex his intelligis non tam historiam ,  
 quam fabulam hic exhiberi : Quanquam historia subesse possit , sive  
 Bellerophontem Equi alicujus , celeritate quasi volantis , domitorem  
 statuas , sive navigii gubernatorem , cujus vela alarum vices im-  
 plevirint . De navigio suggerit idem *PALÆPHATUS* : De Equo  
*PLINIUS* , qui Bellerophontem primum Equo vehi docuisse *libro 7.*

cap. 56. testatur, & HORATIUS, qui Equestrem peritiam ut extolleret, Neobulen allocutus.

*Eques*, inquit, *ipso melior Bellerophonte*  
Accedit Bellerophontis Patria. Ephyra oriundus memoratur, propè  
*Argos Equis aptum*. HOMERUM audi.

ἐστὶ πόλις ἐΦύρη μυχῷ ἄρρεος ἵπποβότοιο.  
ἐνταυ δὲ Σίσυφός ἐσκεν, ὁ κέρδιος γένει ἀνδρῶν  
Σίσυφος Ἀιολίδης. ὃ δ' ἄρα Γλαῦκον τεκεθύϊόν.  
Ἄντ' αὖτε Γλαῦκος ἐπὶ πλεν ἀμύμονα ξεμερεσφόντην.  
Τῷ δὲ Θεοὶ καλὸς τε, καὶ ἡγορέην ἐρεταινήν.  
ᾠπασιν.

*Est Civitas Ephyra in recessu Argi Equis apti*  
*Hic autem Sisyphus fuit, qui prudentissimus existit*  
*Virorum*

*Sisyphus Aelides. Hic vero Glaucum generavit filium.*  
*Verum Glacus genuit inculpatum Bellerophontem;*  
*Huius autem Dii pulchritudinem & amabilem Virili-*  
*tatem*

*Dederunt*

Quibus ex verbis simul & de genere Bellerophontis constat:  
Constat & de pulchritudine & virilitate, quas in gemma mirificè  
expressas cernimus.



XIV.  
IN FUNDAMENTIS  
TEMPLI CAPITOLINI  
CAPUT HUMANUM  
repertum.



**D**Uplex Onyx in *Dactyliotheca* ABRAHAMI GORLÆI, inter Gemmas solutas No. 35. & 36. hominem nudum exhibet, dextra caput humanum præferentem, sinistra ligonem tenentem. Ligonem statuimus, idque moniti numismate Carteje *Thef. El. Brandenburgici*, in quo Vir quidam simili instrumento terram percutiens & fodiens cernitur. Duorum scilicet generum erant ligones, vel lati & quadrati, vel in acumen exeuntes, qualem in proposito cernimus. Acumen istius modi COLUMELLA Ligonis dentem appellavit, & non unum interdum fuisse ex hoc SIDONII intelligas.

*Flexi dum fortè Ligonis  
Exercet dentes.*

Ex quo simul & de forma constat, cuius intuitu, STATIO *lib. 3. Theb.* INCURVI LIGONES vocantur, adeo ut de ligonè dubium non superfit, nisi fortè similem ferè figuram *falcis* in medium adducas, quam in sequenti Ejusdem GORLÆI No. 64. *Gemmarum solutarum*, Saturnus præfert.

Sed



Ahar. mar.

Sed longitudine ea differt & forma, licet acumine non minus ac ligo conspicua sit, qua ratione & ipsa *dentis* nomen meruit, apud VIRGILIUM, sed *dentis Saturni*, qui OVIDIO *lib. I. fast. Falcifer*, & in Ponto *falcitenens Deus* audit: alias, ut quidam rentur, vel à *suturando*, propter annonæ erogationem, nomen sortitus: vel à *satu*, quod Stercorationi præsit, & Agriculturæ, quod officii genus in Gemma per spicas exprimitur, dilucidatque alias ejusdem GORLÆI in *Dactyliotheca No. 117. & 175.*



Onyx incis

In Cujus prima mulier cum ligōne & capite papaveris, & à tergo spica; in secunda rursus loco capitis papaveris, caput humanum cernitur. Ligo fodiendæ terræ instrumentum, non tantum in effodiendis ædificiorum fundamentis usurpatur, sed etiam in agricultura, adeoque facile constat, caput papaveris & spicam, ad hanc solam pertinere, spicam autem & caput humanum, non tantum Agriculturam tangere, sed etiam historiam effossi Capitis humani simul adumbrare, quo prodigio futurus Romanorum dominatus, & ex dominatu procedens agriculturæ securitas, annonæque copia Romanis innotuit.

XV.  
CLOELIA.



**I**nter Camæos, ab ANGELONE publici juris factos, etiam proposita mulier visitur, Equo ad Cursum incitato vecta, sed nomen, uti nec in reliquis, adscriptum non est. CLOELIAM ea adumbrari, facile opinor persuasero. Nota est Virginis Virtus, & facinus! Notum virtutis præmium! Cùm Porſenna Etruſcorum Rex, Romanis gravi obsidione Virgines obſides extorſiſſet, illa per Tiberim fugiendi reliquis & Author & Dux, adèd Regem perculit, ut Equo bellico donatam dimitteret, Romanique statuâ Ænèa redeuntem honorarent. An per flumen tranaverit, an equitaverit, anceps apud Authores aſſertum eſt. Secundum VIRGILIUM, *Æn.* 8.

*Fluvium Vinculis INNAVIT CLOELIA ruptis*  
Secundum JUVENALEM.

*Imperii fines Tiberinum Virgo NATAVIT.*

Ita & DIONYSIUS Halicarn. A Custodibus, precibus contenderunt, ut sibi flumen adire, & se lavare permitterent, quum id impetrassent, eos rogarunt, ut tantisper à flumine recederent, donec se lavissent, & Vestes resumissent, ne se nudas viderent, quumque id illi fecissent, CLOELIA illas adhortante, primaque incipiente, FLUVIO TRANATO, in urbem sunt reversæ. Et LIVIUS lib. 2. cap. 13. CLOELIA Virgo, una ex obsidibus, quum Castra Etruſcorum sorte haud procul ripa Tiberis locata essent, frustrata Custodes, dux Agminis Virginum, inter Tela hostium, TIBERIM TRANAVIT.

K

Multò



Multò aliter FLORUS: *per patrium flumē*, inquit, *EQUITABAT*: & AURELIUS VICTOR, *Porfenna CLOELIAM* *Virginem nobilem inter obsides accepit, qua deceptis Custodibus noctu Castris egressa, EQUUM, quem fors dederat, arripuit, & Tiberim Trajecit*: His accedit & nostra gemma, in qua Equus posterioribus pedibus flumen premit, adeò ut vel hinc colligas, cum habitum hinc exprimi, quo Tiberim ingressa est; nec forsitan dubium, quin eodem & statua fulserit, quam in Via sacra, quæ in Comitium fert, Clœliæ positam, DIONYSIUS *Halicarnassensis* memorat. De loco audiatur & SENECA *de Consol. Equestri insidens statua, in sacra via, celeberrimo loco, Clœlia exprobrat Juvenibus nostris pubvinum ascendentibus, in ea illos urbe sic ingredi, in qua etiam fœminas equo donavimus*: Quibus ex Verbis ALDUS MANUTIUS colligit, Versum hunc apud CIC. *off. lib. i.* Statuæ insculptum fuisse:

*Vos etiam Juvenes animum geritis muliebrem  
illa Virago Viri!*






**E**rtium Viridarii nostri segmentem varia nobis Inscriptiones objicit, vel cum figuris illustres, vel absque figuris memorandas. STEPHANUS WINANDUS PIGHIUS, nobilioris Antiquitatis sedulus inquisitor, non hujus tantum, sed & sequentis capitis suppeditat divitias. Autographum ejus inter Manuscripta Bibliothecæ Electoralis

Brandenburgicæ asservatur, variante pulcherrimæ mercis copia refertissimum. Ad GRUTERUM, REYNESIUM, aliosque Authores, hoc in genere non obscuros, id examinantes, plurima jam vulgata, pauca hæcenus inedita, quædam etiam à vulgatis diversa deprehendimus. Quæ jam vulgata, sufficientique commentario illustrata prostant, hoc volumine tangere religio nobis est. Quæ à vulgatis differunt, confidimus fore delectationi: Quæ nondum edita, emolumento. Utraque proponimus, non ad rationem ordinis, sed ut quæque sese obtulerunt.

# I.



**I**nscriptio hæc est apud CL. SPONIUM in *Miscell. Erudita Antiquitatis* pag. 224. Unica quidem litera diversa, sed quæ diver-

diversum planè sensum inducit. Secundum PIGHIUM Memphis Libraria fuit; sed secundum SPONIUM, fuit Pompeja. Si quæras utri credendum, judicium, nisi inspectione lapidis firmetur, difficile dixerim. Sensum integrum & planum dedit PIGHIUS, innuens Memphim, Pompejæ Librariam vixisse annos XX. Sed planum dedit & SPONIUS, si Memphim Pompejæ Librariæ monumentum posuisse intelligas, vixisse autem Pompejam Annos XX. Hæc utcunque fuerint, indicasse sufficiat.

De Voce *Libraria* major cura. SPONIUS Librarias dictas ait, quæ pondera librabant, à *Libra* scilicet: quod licet veterum auctoritate non stabiliverit, & Libraria à *Libra* adjectivè apud COLUMELLAM legatur, tamen & substantivè, pro eâ, quæ pondera librabat, & pensa ancillis dispertiebatur, JUVENALIS posuit, Sat. VI. vers. 475.

*Nocte Maritus*

*Aversus jacuit, periit LIBRARIA, ponunt  
Cosmetæ tunicas.*

quo loco vetus SCHOLIASTES *Librariam*, *Lanipendiam* interpretatur, quod scilicet lanas penderet, & pensa, quæ inde, à pendendo scilicet, dicta sunt, ancillis dispertiret.

Forſitan *Librariam* intelligas, quæ libros vel transcribebat, vel vendebat, idque idèd, quod Librarius eo sensu apud idoneos Aucthores legatur, priore scilicet apud CICERONEM, LIVIUM & HORATIUM, posteriore apud CATULLUM ad Calvum, Epigr. 14. sed virilia hæc officia fuere, nec sine Veterum auctoritate ad foeminas extendenda. Foemina fuit Memphis, & fuit Libraria, id est Lanipendia foeminæ: Pompejæ scilicet, quæ an Cæsaris uxor fuerit, quam ob suspicionem adulterii cum Clodio repudiavit, an Sexti Pompei filia, pignus initæ cum Triumviris concordiae Marcello desponsata, sed non deducta, quæ postea Scribonio nupsit, an alia, anceps & incerta disquisitio foret.



## II.

L. CORNELIUS.  
L. F. GAL. CINNA.  
II VIR.  
MVRVM LONG. P. CII.  
EX. DD. EC. IQ. P.

**E**st hæc Inscriptio apud REYNESIUM Classe II. Numero 19. Sed Cornelius ibi non L. ut apud PIGHIUM, sed CN. Prænomen habet, quæ differentia causa est, ut hic denuò proponendam censeamus. Series ita legitur: L. CORNELIUS Lucii Filius GALLUS CINNA DuumVIR MVRVM LONGVM Pedes Centum & duos EX Decreto Decurionum Fieri Curavit Idem Que Probavit.

## III.

MANLIAE. IVCVNDÆ. NVTRICI

**R**EYNESIUS Classe XI. No. 50. Inscriptionem habet in Hortis Maffæorum Romæ exstantem, quæ an cum proposita eadem sit, an diversa, Lectori dijudicandum relinquimus: Ita habet:

MANLIA SEVERA  
MANLIÆ SECUNDÆ  
NUTRICI.

Hanc nostra pleniorē esse, non diffiteor, adeoque nomen *Manlia Severa* libenti animo agnosco; An autem loco *Secunda*, *Jucunda*, an vice versa legendum sit, ipse lapis discernat necesse est. Differentiam indicare volui, ut veritatis eruendæ occasio esset, nec PIGHII de Nutrice sileretur sententia, quam ille his verbis adscripsit:

*Nutrices, inquit, Libertinae fortis erant: Puellas Virgines,*

in ludum Literarium commeantes comitabantur. LIVIUS Lib. 3. de Virgine puella, quam Appius Xvir servituti addicavit: Virgini venienti in forum (ibi enim in taberna literarum ludi erant, Minister Xviri libidinis manum iniecit. Et paulò post: Parvula puella stupente, ad clamorem Nutricis, fidem Quiritium implorantis fit, concursus.

IV.

LIVIVS. AVGVSTI.  
TABVLARIVS.  
ATALIANVS.

INscriptio hæc quod sciam hætenus vulgata non est. CL. SPONIUS in Miscellaneis Tabularios intelligit Notarios sive Scribas Publicos Rationum rerumq; Castrensium: ut apud GRUTERUM *Tabularii Rationis Fisci, Tabularii Rationis Hereditatum, Tabularii Patrimonii Caesarum.* Ideò autem arbitratur Tabularios dici, quod Tabulis ligneis, eburneis, ferreis, marmoreis consignarentur acta scriptaque, quæ nunc chartæ pergamenæq; inscribuntur; Idem p. 218. Tabularii, ait, qui tabulas publicas & Archiva curabant & custodiebant, unde in Gloss. Lat. Gr. Tabularius *Γεγραμμενῶν ἑλκῶν, λογιστὴς & λογοποιός.* Videri possunt & SIDONIUS *ad Petrejum*, & SENECA *Ep. 89.* & addatur PANCIROLL. *de Magistratibus Municipalibus* c. XXI. Alio planè sensu, quam quo Tabellarius, de quo CICERO *ad Terentiam lib. 14. Ep. 22.* Tabellarium appellans, qui literas perfert, id quod & colligas ex Epistola ad Pætum *l. 9. Ep. 15.* his verbis: *Duabus Tuis Epistolis respondebo: uni, quam triduo ante acceperam à Zeto: alteri, quam attulerat Phileros* TABELLARIUS. Et hinc apud eundem: *Tabellarios mittere & remittere: Tabellarios excutere & scrutari: Tabellarios deprehendere & subministrare,*

V.

V.

DILS  
MANIBVS.  
C. STATILI.  
MAXIMI.  
MENSORIS.  
AEDIFICIORVM.

GRUTERUS pag. 623. No. 7. fere similem inscriptionem habet, aitque, Arulae inscriptam, Romae in Vinea Carpenſi exſtare. Unica differentia eſt, quem noſter *C. Statilium* vocat, Gruterus *L. Cacilium* appellat, ſervato utrinque *Maximi* Cognomine, ſervato & *Menſoris Aedificiorum* officio. Quem *Menſorem Aedificiorum* vocant lapides, eum ſimpliciter *Menſorem* appellant Authores. Erat ſub Magiſtro Officiorum, Principemque, in aliquam civitatem iturum, praebat, & domos, in quibus quiſque hoſpitaturus eſſet, ſigno denotabat: diverſus à Metatore, quod hic integris Caſtris locum deligebat, ille ſingulis hominibus vel in Caſtris vel in Urbe. Plura videri poſſunt in commentariis PANCIROLI ad Notiſiam Imp. Orient. cap. LXV. & GOTHEFREDI ad Cod. Theod. Tom. II. lib. VI. Tit. 34. de *Menſoribus* & lib. VI. Tit. 8. Leg. 4. de *Metatis*.

VI.

FONTI. DIVI  
NO. ARAM  
L. POSTUMIVS. SA  
TVLIUS. EX. VOTO.  
D. D. D.

Est Inſcriptio apud GRUTERUM unica litera à noſtra diverſa, qui PIGHIO Satulius eſt, is GRUTERO *Statulius* cognominatur. Quicquid ſit, aram ab eo erectam Fonti, ex hoc monumento diſcimus, & ne cauſa cultus deeſſe videretur, innuit, hoc ſe facere Fonti Divino. Divinis ſcilicet honoribus colebantur fontes, dice-



dicebanturque ea sacra cognato vocabulo *Fontinalia*. VARRONEM & FESTUM testes apponimus. Festus ita: *Fontinalia fontium sacra, unde & Roma fontinalis porta*. VARRO: *Fontinalia à fonte, quod is dies feria ejus. Ab eo autem tum, & in fontes coronas jaciunt, & puteos coronant.*

## VII.

LONGINVS.	C. IVLIVS. CAESARIS.
OSTIARIVS.	DEMETRIVS.

*Roma in. Odus. Napolitanum.*

**G**RUTERUS quidem aliis in inscriptionibus Longinum & C. Julium Demetrium memorat, sed illum Ostiarium, hunc Caesaris Libertum fuisse, non memorat. Utrumque ex Pighiana intelligimus. *Ostarii* officum fuisse portas custodire & impedire ingredi volentes, ex SUIDA docet CL. SPONIUS. ILL. du CANGE in Glossario plura collegit, quæ honorifica tanti viri cum mentione huc transcriberem, nisi longiora forent. Notare tamen licet: apud antiquos Romanos ædilitiorum nomen Ostiarios gestasse: *Ostiarium Palatii* primum inter Ministeriales Palatinos, qui majoribus ministris suberant, fuisse: Goterianum *Magnificum Ostiarium* memorari in Epist. Hadriani PP. 92. Codicis Carolini: Francolinum *Ostiarium Regis* apud Odorannum in Chron. An. 1031. Gerungum *summum sacri Palatii Ostiarium* apud Frotharium Tullensem Ep. 2. 4. *Ostiariorum Magistrum* apud Eginhardum Anno 822. Athonem *Ostiarium Caroli Imperatoris* apud Hincmarum de villa Novilliaco in Appendice ad Flodoardum: Fuisse & *primum gradum Ordinis Ecclesiastici*, ad eumque pertinuisse Claves Ecclesiæ, ut Clauderet, & aperiret Templum Dei, & omnia, quæ sunt intus extraque, custodiret, fideles reciperet, infideles & excommunicatos rejiceret. Authores prædicta confirmantes videri possunt apud Eundem ILL. Dominum Du CANGE. Nobis sufficit notasse differentiam inter *Ostiarium Palatii* & *Ecclesiæ*; Notasse & dignitatem, ne aliquis Ostiarii munus inter vilia & abjecta fors per imprudentiam reponat.


## VIII.

# VIII.

PARTHAS.	ΙΟΥΛΙΑΝΘΟΥ
CAESARIS.	ΣΑΜΙΑ ΩΝΟΣΑ
VNCTOR.	ΔΕΛΦΗΧΑΙΡΕ.

**D**Uæ hæ inscriptiones uno secundum PIGHIUM continentur lapide. GRUTERUS priorem tantum exhibet, eâ tamen cum differentia, quod non *Partham*, sed *Pantham* hunc Cæsaris Unctorem appellat. *Unctores* erant qui Unguentis Odo-ribusque variis balneum ingredientiæ, aliosque ungebant. Unctor *sordidus* vocatur Martialis; sed nostro elevatioris fortunæ umbram circumfundit appositum Cæsaris nomen. Græca inscriptio per se patet. Latine sic redderes. *Julia Florens, Soror Milonis, Vale!*

# IX.



**C**Ujus honori propositum Marmor erectum fuit, ejus nomen mutilavit injuria temporis, adeo ut temerè acturus sit, qui sine veterum autoritate id restituere præsumserit. Duum virum *Collegii Annulariorum* fuisse, locumque sepulchralem col-  
L legio

legio dedisse, ex residuis clarum est. Collegium Annulariorum hæcenus inter Antiquitatis reliquias, quod sciam, non apparuit. Fuisse Annulorum artifices, qui Græcis *Δακτυλογλύφοι* vocantur, HENR. STEPHANUS ait, allegato in rei fidem CICERONE 4. Acad. *An tibi erit querendus ANNULARIUS aliquis?*

X.

M. VLPIVS. AVG. LIB. PLOCAMVS.  
EX. DOMV. AVG. SCASOR.  
ET IVLIA. CHELIDO. CONTVBER.  
EIVS. C. IVLIO RVFO. FIL. PISSIM.  
FECERVNT. ET. SIBI. ET. POSTERISQ.  
SVIS. VIXIT. ANN. XVIII. MEN. V. DXV.

**R**EYNESIUS classe IX. No. 66. ubi hanc inscriptionem proponit, loco vocis SCASOR, legendum arbitratur STATOR, remittitque Lectorem ad alias inscriptiones, in quibus Statoris mentio occurrit. Sed SCASOR, & non STATOR, in proposita legendum esse, CODEX THEODOSIANUS persuadet *Lib. 2. de Excusat. Artificum*, ubi inter eos, qui ab universis muneribus vacare jubentur etiam SCASORES nominantur. GOTHOFREDUS legendum arbitratur *Scanfores*, eò quod GLOSSA: *scanfor* *κατασρωτης*: vel *Stratores*, qui pavimenta sternebant: vel *Scanfores*, qui circa gradus seu scalaria occupati essent, per quos scanditur. Sed frustra laborat, si non de sensu, tamen de voce, cum *scanfores* legendum esse, nostrum marmor liquidò evincat.

XI.



XI.

CHARACTERI.  
TI. CAESARIS. AVG.  
PEDISEQ. PRIMIANO.

**D**E *Pedissequis* variae sunt apud GRUTERUM inscriptiones sed de *Pedissequo Primiano* res non adeò trita est. *Pedissequi* ex ipsa vocabuli notatione sunt ii, qui Dominos à pedibus sequuntur. Ita apud PLAUTUM: *Pedissequus Tibi sum*, & CICERO ad Atticum: *Mihi videtur una conciuncula, clamore pedissequorum nostrorum esse peritura*; & pro domo: *Conculcari hunc à Pedissequis jussit*.


XII.

MARI. MAXIM.  
PRAEF. VRB.  
PROCOS. V.  
SVFFRAGAT.

**M**arium Maximum, qui hic nominatur eundem esse, cum L. Mario Maximo, cujus infra mentio habebitur, vix dubitari potest. Utrique enim *Præfectus Urbis* dicitur, utrinque *Proconsul*. Ultima Vox SUFFRAGATOREM prodit, sed nomen ejus injuria temporis abolevit. Suffragatores antiquitus erant, qui suffragabantur, sive suffragio suo, aliquem in petitione honoris juvabant, Græcis *ψυφοδογοι*: Ita CICERO pro L. Murena ad Ser. Sulpitium: *Tua Nobilitas, tametsi summa, est, tamen hominibus literatis & historicis est notior, populo vero & SUFFRAGATORIBUS obscurior*. Et PLAUTUS in *Caßina* Act. 2. sc. 4. *Ego Te & suffragatores ulciscar Tuos*. Posterioribus

rioribus temporibus idem significabat, quod vulgo *suffraganeus*. *Suffraganei* autem erant Episcoporum adjutores. De quibus plura apud DOM. DU CANGE in Gloss. med. Lat.

### XIII.



**H**Anc inscriptionem & GRUTERUS & BOISSARDUS exhibuerunt uterque non exigua à PIGHIO cum differentia. GRUTERUS, pro ΕΩΣ, habet ΕΩΣ: pro ΤΕΙΜΙΩΤΑΤΗ, ΤΕΙΜΙΩ-ΑΡΑΙ: *Rotam*, figurarum alteri à tergo appositam, omittit, atque, *baculum supra Gryphum* demitti; BOISSARDUS, loco literarum Θ.Η. substituit Θ.Κ. loco ΚΗΝΣΩΡΕΙΝΑ legit ΚΗΣΩΡΕΙΝΑ, in voce ΑΠΕΛΕΥΘΕΡΑ loco Θ. literam Τ. venditat, suppressoque spei simulacro, alteri, loco baculi, palmam appingit, omiſſa denuo rota, & assurgente coram non Grypho, sed cane: Quæ omnia in  
pro-

proposita secus se habent, adeo ut hæc differentia sufficiens mihi causa sit, ut cramben bis coctam denuo recoquere sustineam.

Quod inscriptionem attinet, procul dubio GRUTERUM errasse fateberis, procul dubio agnosces BOISSARDUM loco Θ.Η. literas Θ.Κ. recte substituere, cum statam & usitatam formulam. ΘΕΟΙΣ ΚΑΤΑΧΘΟΝΙΟΙΣ *Diis manibus*, iis credi debeat expressisse artifex, quam plena literarum serie apud eundem BOISSARDUM parte V. p. 94. & parte VI. pag. 144. legimus.

Sed in his ut BOISSARDUM amplectimur, ita non probamus omissam literam N. in voce ΚΗΣΩΠΕΙΝΑ, pro ΚΗΝΣΩΠΕΙΝΑ. Cenforina notissimum nomen est; at Ceforina nullibi, quod sciam, legitur: simili modo in voce ΑΠΕΛΕΥΘΕΡΑ, non literam Τ. sed Θ. agnoscendum arbitramur, tum genuina vocis Etymologia moti, tum duplici, GRUTERI scilicet, & ΡΙΓΗΙ Authoritate.

His ita præmissis de sensu inscriptionis laborandum. Gruterus ΕΛΠΙΔΙ ΕΩΟΣ *spei resurrectionis*, videtur interpretari, an autem Vox ΕΩΣ pro resurrectione ponatur, haud abs re fortasse dubitaveris. Auroram ea sonat, non resurrectionem. Si dicas, resurrectionem mortuorum, venturæ dici æternæ quasi auroram esse, respondeo: in inscriptionibus vocabula propriè esse intelligenda, unde etiam simulacra propriam significationem, ut ΕΛΠΙΔΟΣ *spei*, ita & ΕΩΟΣ *Aurora* stabiliunt, id quod infra pluribus docēbimur.

Hæc dum dico, subit dubium, an voces, ΕΛΠΙΔΙ ΕΩΟΣ, Nomina Appellativa sint, an Propria? Pro propriis militat copula ΚΑΙ. Quæ ut post se nomen proprium habet, ita & ante se videtur requirere. Non refragatur vox ΕΛΠΙΔΙ, quæ non tantum spem significat, sed & variis in inscriptionibus nomen proprium est. Ita apud GRUT. pag. 788. No. 5. & BOISSARDO Parte IV. pag. 138.

DIS MANIBUS  
HELPIDI CONJUGI  
HELIUS  
B. M. F.  
V. A. XXXV.



Ut alias taceam , quæ videri possunt apud Eundem pag. 977. No. II. pag. 479. No. 4. pag. 613. No. 5. pag. 319. No. 4. pag. 632. No. 8. & apud BOISSARDUM variis in locis: Ne autem adspirationem H. conjecturæ obfata arbitreris, audi iterum GRUTERUM pag. 930. No. 10.

L. STRATONICUS ELPIDI EARINÆ  
CONJUGI, &c.

Et denuo pag. 973. No. I. eadem pagina , qua & Pighianum.

ELPIS AMPELI  
CONSERVA.

Ut proinde absurdum non fit, si vocem ΕΛΠΙΔΙ nomen proprium statuamus, & ΕΛΠΙΔΙ ΕΩΣ non *spei Aurora*, aut cum Grutero, *resurrectionis* interpretemur, sed ΕΛΠΙΔΙ ΕΩΣ filia, adeoque totam Inscriptionem hoc modo vertamus.

D. M.  
ELPIDI EOI F.  
ET CENSORINÆ  
HONORATISSIMÆ  
LIBERTA  
POSUIT.

Sed, inquis, adjunctæ figuræ, *spes* scilicet & *Aurora* evincunt, non Nomina Propria hæc esse, sed Appellativa? Facilis est responsio: Nomina Propria esse non negant; sed appellativorum sensum simul involvere, id est, quod juxta indigitant. Res in lapidibus insolita non est: Monumentum T. STATILI. VOL. APRI. testem se ficit. In eo *aper mortuus* exprimitur, non ut Apri cognomen nomen proprium negetur, sed ut ambiguitas vocis *Apri* insinuetur: Sicit se testem, Patrem, Matrem, & Liberos lugens, lacrimisque confecta CYPRI S, quæ tanquam altera Cypris five Venus, venustate haud vulgari inter duas Cyparissus aræ adstat, defunctisque justa solvit. Utrumque videas apud BOISSARDUM. Taceo numismata, ubi Acilii Æsculapium cum salute & valetudine: L. Antonius Pietas, Pietatem: Lucretius Trio, Triones: Manlius Torquatus, Torquem: Publius Malleolus, Malleum: Alii alia expressere: omnes

omnes ad indicandum, vel Nominum vel Cognominum suorum  
five originem, five significationem. In monumento nostro *spern*  
cernimus & Auroram. De Spei simulacro omnia plana sunt. De  
simulacro Auroræ res obscurior. Cephalum rapientis meminit  
PAUSANIAS, *tam in Atticis, quam in Laconicis*: Jovi pro filiis  
cum Thetide supplicantis, *Eliac priore*; Sed utrinque de habitu  
tacet. Poetarum Elogia eam aliter describunt, quam in nostro  
monumento designatur; HOMERUS ei *Auream sedem* tribuit  
Odys. n. 541. Et alibi tribuit *equos, Lampum & Phaëthonta* Odyss.  
23. v. 256. Quibus alii *Pegasus* substituunt, quem post Bellerophontis casum à Jove Aurora impetraverit. Equos habet & THEOCRITUS Id. β. ψ. 148.

ἵπποι  
Ἀὐτὴν ποδόπηχον ἀπ' Ὠκεανῶιο φέρονται  
Equi  
*Auroram roseam ab oceano ferentes.*

Sed in proposito monumento nec Equus nec Aurea sedes, nec  
denique Pegasus; *Roia* adest & *Gryphus*, illa procul dubio, quod  
vias Aurora aperiatur, hic ad indicandam arctiorem cum Phœbo neces-  
sitatem, cujus secundum ORPHEUM ἀγγελία *nuncia* crede-  
batur; quod & VIRGILIUS confirmat, *præviā flammiferi*  
*currus* appellans, in Experimentis. Gryphum certè Phœbo sacrum,  
ex varia Antiquitatis suppellectile jam dudum patet, & declarat  
CLAUDIANUS his versibus:

*At si Phæbus adest & frenis GRYPHA jugalem*  
*Riphaeo tripodas repetens detorsit ab axe.*

Ex quibus lucem simul mutuatur quatuor Gryphi apud CL.  
SPONIUM curru juncti, quas apud Indos solem ipsum denotare  
ÆLIANUS prodit lib. 4. de Animal cap. 27. Ratio consecratio-  
nis in animalium, quibus Gryphus componitur, *Aquila* scilicet &  
*Leonis*, dominatu sita est, quod omnibus dominanti fideri non  
alia magis convenient, quam quæ in suo genere dominatum sibi  
vindicaissent.

Sed

Sed ad propositum revertimur, reliquum Auroræ habitum contemplaturi. VINCENTIUS CHARTARIUS in Iconologia Deorum, ubi Auroram curru insistentem, Pegasoque tractam exhibet, addit & averſam numismatis primi ſub Plautia Gente, in qua figura alata quatuor inter Equos, quos frenis dirigit, volare videtur. Procul dubio etiam hanc Auroram putavit: Et ſtabiliri poſſet opinio non ſolum, quod, ut ſupra audivimus, Aurora Solis prævia fuerit, & in averſa Solis caput exhibeatur: ſed etiam quod in noſtro monumento eadem alata occurrat; Sed dubium movet notiffimum Victoriæ ſimulacrum, id enim non modo alatum fuiſſe, ſed etiam ſoli egregie videtur quadrare, cum hic *invictus* paſſim in antiquis monumentis nuncupetur, & apud Celeberrimum SPONIUM, loco ſupra citato, etiam à Victoriâ coronetur: Dubium movent Horæ, cum & has *alatas* fuiſſe vel SENECA teſte conſtet:

*Volat ambiguus mobilis ALIS Hora,*

OVIDIOQUE canente

*Jungere Equos Titan Velocibus imperet Horis.*


Secundum quod forſitan non erraveris, ſi horarum aliquam Equos Titani adducturam in Plautii nummo agnoſcas. Ego quid ſequendum, in medio relinquam. Bacillus in mentem venit, quem Aurora noſtra manu non ad Gryphum demittit, ſed juxta alam elevat. Supra diximus BOISSARDUM non bacillum, ſed palmam habere, procul dubio, quod non auroræ, ſed victoriæ hoc ſimulacrum crederet; Sed bacillum agnoſcit non PIGHIUS tantum, ſed etiam GRUTERUS, Et quid ſi nec bacillus ſit, ſed *Lampas*, ſecundum SILIUM ITALICUM. lib. 12.

*Atque ubi nox depulſa polo, primaque rubescit*

LAMPADÉ Neptuneus, revocatque AURORA labores.

Accedit & CHARTARIUS loco ſupra citato, qui Auroram & ipſe cum lampade exhibuit, unde & *λαμπαδηφόρον* dictam, GYRALDUS teſtatur.


XIV.



**A** Ram hanc Tectis, vulgo Teu, in Marchionatu Francimontano, Diœcesi Leodiensi, inventam, & anno 1557. Mense Augusto exscriptam, PIGHIUS Author est, qui & dextro lateri sertum, sēmi-coronæ formā, ex arietis capite dependens; lateri autem sinistro, quædam militum simulacra, vetustate adeò attrita, ut vix agnoscerentur, insculpta fuisse, memorat. De loco ita scribit. *Teu, inquit, Tectum sonat lingua Leodiensi; Est autem Tectis nunc pagus, quem sepulcra veterum Romanorum illic inventa, adificia quoque & Numismata, nec non aliquot saxa, Latinis antiquis literis inscripta, præter ipsum nomen, antiquam appellationem vulgo significans, Civitatem Romanis non ignotam testantur. Quia & Jul. Caesar Tectosagorum populorum Belgica, à Tectis civitate meminit. Hæc PIGHIUS. Inscriptionem ita legimus: In Honorem Deorum Deo Inviecto Mithra Axsius Verus Q. Vetii & Probinus Veri filius (scilicet, posuerunt) Voto Soluta Libenter Merito.* Quinti Vetii Ingenui meminit inscriptio Gruteriana pag. 567. No. 9. vocaturque Veteranus cohortis III. Prætoriae ex Provincia Germania Inferiore, quæ utique ad nostrum aliquid lucis aspergere videbuntur, convenientibus non nomine tantum, sed & loco militiæ, cum loco inventæ aræ: imò & militia ipsa, cum militibus in aræ latere expressis.



XV.



**E**odem, quo superior, etiam hæc ara inventa est loco, eodemque anno & mense exscripta. Ita legimus: *Deo Invicto Mithra Aram posuerunt FREIO ET FRIATTO voto Soluto Libenter Merito.* Nomina *Freio* & *Friatto* hæctenus quod sciam, non apparuerunt. Forſitan à Dea *Frea* ſive *Fria* deduxeris, quæ veteribus Germanis *Venus* fuit, & à qua hodiernum dies Veneris, non Germanis tantum, ſed & Belgis, & Anglis aliisque denominatur.

XVI.

ΔΑΙΜΟΝΙ ΠΕΡΣΕΙΗ ΠΟΛΥΜΟΡΦΩ ΜΕΙΣΟΠΟΝΗΡΩ.

*Repertum in Capitolio ad arcem, Sub ſtatua Triformis Deæ.*

**I**nſcriptionem hanc, ſub ſtatua Triformis Deæ, in Capitolio ad arcem, repertam, ſe ipſum cum Pyrrho vidiffe PIGHIUS noſter aſſerit. Sub ſtatua Triformis Deæ! Id arguit etiam Vocabulum *πολυμόρφω*. Quid autem Dæmon *περσεΐα*? quid *μεισοπότης*? fateor indubiè me nondum ſcire. Conjecturam adfero, an ſatis firmam, Lectotis iudicium eſto! STEPHANUS ita habet: *Περσεύς πόλις θηλικῶς ὠρεῖ τῷ Εὐφρατῇ καὶ Σαμοσατίοις, τὸ ἔθνη δὲν περσέων.* *Persæ urbs scem. gen. juxta Euphratem ἐς Samosatæ.* *Gentile Persæus.* An hinc Dæmonem Perſeiam denominatam arbitrabimur? An quod urbs illa ad Euphratem ſita, Euphrates autem celeberrimus Meſopotamiæ fluvius fuit, ſub vocabulo *μεισοπότης* *Heroem Meſopotamiæ* intelligemus: Nihil video quod propius accedat. Infirmirate tamen ſua conjecturam laborare, haud invitus agnoſco.

XVII.

XVII.

SIMYLACRVM MINERBAE.  
ABOLENDO INCENDIO.  
TUMULTVS CIVILIS. IGNI.  
TECTO. CADENTE. CONFRACTVM  
ANICIVS. ACILIVS. AGINATIVS.  
FAVSTVS. VICE ET INL. PRÆFVRBI  
VIC. SAC. IVD. IN MELIVS.  
INTEGRO. PROVISO. PRO.  
BEATITVDINE. TEMPORIS. RESITVIT

*In vinca Pontif*


GRUTERUS pag. 1064. superius tantum hujus marmoris fragmentum habet. PIGHIUS habet & posterius, utrumque in Vinca Pontificis spectandum. An Anicius Acilius Aginatus Faustus, idem sit cum Anicio Fausto, Boethii ætate Consule, dubitari potest. Quicquid sit; Virum Consularem & INLUSTREM, Præfectumque urbi viceque sacra judicem fuisse, simulacrumque Minervæ, abolendo incendio Tumultus civilis, igni tecto cadente confractum, restituisse: & restituisse integro proviso, & pro beatitudine temporis, si non aliunde, certe ex marmore docemur. B. pro V. in voce Minerbæ novi nihil est: Ita in nummis Beneri pro Veneri, ut taceam exempla apud GRUTERUM frequentissima. Ignis tumultus Civilis, incendium abolendum nuncupatur, ut ejus enormitas pateat, eodem modo, quo LUCANUS bella Civilia, *plus quam bella* vocavit. De Consulari dignitate & Præfectura urbis res trita est. *Vice sacra judicans* sæpius occurrit apud GRUTERUM, idemque sonat, ac *Vice Imperatoris*, id quod ex alia Gruteri Inscriptione pag. 168. No. 4. clarum est: VICE M. AUREL IMP. SACRA BETICAM GUBERNANS &c.

Beatitudo temporis in Magnentii nummo *Publica* dicitur, ita  
& *beata tranquillitas*, in nummo Constantini M. & *Beatissimi*  
*Cæsares*, apud eundem GRUTERUM.

XVIII.

MARTI. SERGOMONI. SACRVM.  
Q. ADCINNIVS  
VRBICI. FIL. MARTINVS  
SACERDOS. ROMAE. ET. AVG.  
MVNATIO. PANSA. COS.  
II VIR. IN. CIVITATE. SEQUANORVM.  
III PROVINCIAE. GALLIAE. HONORE. S.  
SVIS. DECREVERVNT.

**E**st etiam hæc inscriptio apud GRUTERUM; sed *Marti Segomoni* habet, cum noster *SERGOMONI* legat, ut taceam lineam secundam, ubi GRUTERUS *Annua* legit, cum PIGHIO Q. ADCINNIUS appareat. Taceo II. *virum* quem GRUTERUS omisit & numerum III. loco cujus literam E. posuit. Sed punctis à Vertice linearum adjectis inscriptionem mutilam haud obscure significat, proindeque fragmentum asserit, Lugduni in turre S. Petri Monialium spectandum. Locus etiam in PIGHIANO adscriptus est, & fragmentum evincit verbum *decreverunt*, nisi loco MUNATIO PANSA *Munatius Pansa* legendum sit, quo posito sensus planus foret: scilicet ut marmor Marti Sergomoni sacrum esse, Quintumque Adcinnium, Urbici filium, Martinum, Sacerdotem Romæ & Augusti, & Munatium Pansam Consulem Duum virumque in Civitate Sequanorum Tertiæ Provinciæ Galliæ, honores suis decrevisse intelligamus.







XIX.

ACACIUS NOTARIUS.

**M**Armorem hanc Apollinis, cum basi & Inscriptione, statuatam, Romæ in Hortis Card. Cæsii olim exstantem, describit, ut solet, Celeberrimus GRUTERUS; Quod ille describit, nos coelo expressum sistimus, non mutilum, sed, fide PIGHII nostri, integrum. Acacium Notarium legimus. Notarium GRUTERUS omisit. Ita ex GRUTERO quidem, statuam hanc ab *Antoniis Marianis, Patre & filio, erectam*, & ab *Acacio & Olympio Patre* dedicatam discimus; *idque ex precepto Jovis Optimi Maximi*; Sed ex PIGHIO etiam discimus, *Acacium* hunc vel *Notarium* fuisse officio, vel *Notarii* cognomen gestasse.

Notarios fuisse officio eos, qui per notas quàm celerrimè scribebant, adeò, ut linguam loquentium non assequerentur, sed præverterent, ex variis Authorum descriptionibus patet. AUSONIUS Ep. 137. *Puerum Notarum præpetum* vocat; *Notarium velocem* vocat MARTIALIS L. 10. 62. qui & alibi:

*Nondum lingua, suum dextra peregit opus.*

HENRICUS STEPHANUS, in Thes. Linguae Latinae; Notarium Græcè γραμματεῖα & Σημογραφεὶον vertit; sed differebant γραμματεὺς & Σημογραφεὺς, non officio tantum, sed etiam dignitate. Γραμματεὺς scribam denotat, sive qui literis scribit, Notarius aut Σημογραφεὺς, cum, qui signis. Scribæ apud Romanos, secundum quosdam, ad dignitates non asurgebant, quamquam aliter apud Græcos, id quod ex CORNELIO NEPOTE probant in *Vita Eumenis*, ubi scribarum munus apud Græcos multo honorificentius fuisse, quàm apud Romanos scribit; Græcos enim admisisse eos tantum, qui honesto loco nati, & exploratæ industriæ essent, Romanos autem eos Mercenariorum loco habuisse: addunt etiam PLUTARCHUM in *Catone*, ubi Cato Scribas, ad altiora aspirantes, in ordinem redegissee legitur: Notarios aurem, pergunt, à Cicerone Originem habuisse, teste PLUTARCHO in *Vitis Illustribus*: Imò secundum DIONEM CASSIUM, ad Mæcenatem inventum referri: Certè usum eo Ciceronem, ipso teste *Lib. 15. ad Atticum* constare: De dignitate testari Antiquitatis reliquias:

Claudianum Poëtam apud GRUTERUM *Tribunum & Notarium* vocari, qualiter & Petronius Maximus apud Eundem pag. 449. No. 7. Hæc & similia pro Notariis adferuntur, quod quidem refellere animus non est; an autem supra Scribas eos evehant, dubitari adhuc posset. Scribas certè ordinem obtinuisse Equestri proximum, distinctosque per decurias, TORRENTIUS *ad Suetonii Claudium* ait, ubi *capite 1.* Drusi corpus per Municipiorum Coloniarumq; Primores, suscipientibus obviis SCRIBARUM DECURIIS, ad Urbem devectum, memoratur.

XX.



**D**E priorè hujus Inscriptionis, sanè quam brevissimæ, vocabulo duplex potest esse sensus. Alter figuris quadrat, alter Inscriptionum genio, imò & ipsis literarum apud Antiquos figuris, propior est. De utroque dicendum libero Lectoris arbitrio, utri subscribere dignetur. Vel AYCON legere potes, vel AYCON; Si AYCON, idem erit ac *Solve*, *Animam* scilicet à *Corpore*. Θεοὶ λύσοις apud Pollucem lib. V. cap. 26. Quos in Saxo Augustodun. apud GRUTERUM pag. MCLIX. No. 12. tanquam Manium Custodes, Curatoresque, accipit REYNESIUS CL. 1. No. 23. Plutonem hos inter fuisse, Veterum Theologia abundè testatur. NICANDRI interpretes,

pretres, εὐδαλον, εὐδαλίον & εὐδαλέα cognominatum ajunt, quod mortalibus consulere credatur, finemque curis ac laboribus, cæterisque morbis afferre, mortis enim vitæque dator Gentilibus erat. Parca apud CLAUDIANUM.

O Maxime noctis

*Arbiter, umbrarumque potens, cui nostra laborant  
Stamina, qui finem cunctis & semina præbes,  
Nascendique vices aliena morte rependis,  
Qui vitam letumque regis; nam quicquid ubique  
Gignit materies, hoc te donante creatur,  
Debiturque Tibi certis ambagibus Ævi.*

ALBRICUS de Imaginibus Deorum Plutonem Deum animarum, juste decedentium: simulacrumque ejus, hominem terribilem, in folio Sulphureo sedentem, dextraque manu sceptrum tenentem, & sinistra animam constringentem, antiquis asserit fuisse. Ejus ex Mente dubitares, an proposito in marmore Proserpinam, annon potius animam sub umbras Pluto duceret? Aut quod forsitan propius est, annon Proserpinæ raptus occulto sensu mortem hominum denotet? Etis, qui lapidem posuit, Plutonem invocaverit, ut se solveret, aut tanquam juste decedentem susciperet, eodem modo, quo apud GRUTERUM pag. DCCLXIX. No. 4. Conjux ad Chrestam uxorem Ευψυχαι, καμὲ μένει τὸ θανεῖν, *bono animo esto, & duc me etiam ad mortem.* Quæ formula miserationum cumulo fessis insolita non est, ideoque precatio apud SOPHOCLEM:

*Κακῶς ὅλοιό μινδὲ σ' ἔχω πτόω  
Τῶν νῦν ἀπαυδάξαιαν οἱ καίτω θεοὶ  
Perdare pessime, e malis presentibus  
Nunquam Dii te liberent opto inferi.*

Ubi non Plutoni tantum, sed in genere Diis inferis ea liberandi potestas tribuitur: quanquam illi, tanquam inferorum Regi, hoc præcipue conveniat, qui inter cætera potestatis insignia, si PAUSANIAM audis, etiam *clavem* gestavit: secundum quosdam, quod non daretur reditus ejus regiam ingressis; Sed si rationem ex hæcenus deductis



deductis attendas, etiam quod per mortem, squalidum animæ carcerem recluderet, animasque inde educeret, ac simul à miseriis liberaret. Quicquid sit, figura Proserpinæ raptum exprimit, Proserpinæ, de qua ORPHEUS *in hymno*.

Ζωὴ καὶ Θάνατος μὲν ἑστῶς πολυμόχθοις  
Φέρσιν Φέρει γὰρ αἰὲ καὶ πάντας Φονεῖς.

Quibus in verbis Proserpinæ tribuitur, quod hactenus Plutoni, sed id mirum non est, cum, ut modo diximus, de Diis inferis in genere id affirmetur. Proserpinam Pluto in Quadrigis memoratur rapuisse. Equorum nomina sunt apud CLAUDIANUM:

ORPHNEUS crudele micans ÆTHONQUE sagitta  
Ocyor, & Stygii crudelis gloria NYCTEUS  
Armenti, Ditisque nota signatus ALASTOR.

Sed de priore inscriptionis nostræ sensu hæc sufficiant. Alterum licet obscuriorem, tamen veriore arbitramur. Fulcit eam exigua literæ Λ. interjecta Virgula, quæ eam in A. mutat, id quod ex lapide apud BOISSARDUM Parte VI. pag. 54. abundè patet, adeò ut inscriptionem nostram jam non ΛΙΣΣΟΝ sed ΑΥΣΟΝ legere debeamus, quod procul dubio nomen proprium ejus est, cui marmor positum, quemque ex communi formula εὐψυχῆν *bono animo esse* aut *Valere* jubet is, qui marmoris author est. <sup>Ἐψυχῆ</sup> GRUTERUS *Concorditer* vertit, sed REYNESIUS pro *Vale*, *bono animo esto*, aut simili, Romanis Quadratariis solenniter positum, latius docet adductis exemplis, ΕΡΩΤΙ <sup>Ἐρωτι</sup> Erotion *Vale* & ΕΥΨΥΧΕΙ TEKNON ΟΥΔΕΙΣ ΑΘΑΝΑΤΟΣ *bono animo esto fili. Nemo immortalis est.*



**G**RUTERUS ad hoc marmor pag. 34. No. 6. sequentia habet:  
*Romæ, inquit, sub Ara Cœli, in ea Capitoliæ parte, quæ  
 Aquilonem spectat, templum subterraneum est, ubi Mithra  
 simulacrum perelegans est & magnificum. Stant utrinque viri  
 duo, supra quos stella singula, oriens scilicet & Occidens. In  
 collo Tauri NAMA SEBESIO, lingua Persica, ut opinor. In  
 ventre autem hæc: DEO SOLI INVICTO MITHRÆ,  
 in infimo solo - - NAR - - NE - - CS. Ex quibus, præter  
 locum marmoris, & jam mens GRUTERI de Nama Sebesio elucescet.  
 Non item inscriptio basis, nec figurarum sufficiens notitia. PIGHIUS  
 in utraque succurrit. Marmoris delineationem suppeditat, & In-  
 scriptionem. C. C. AUFIDII IANUARIUS in ea legitur,  
 quod nomen procul dubio cum denotat, cujus auspiciis marmor  
 dictum fuit. Aufidii & Historicis & Poëtis celebrantur. Cele-  
 brantur & superstitie nobilioris Antiquitatis copia. C. Aufidius  
 est in inscriptione Lugdunensi, apud GRUTERUM pag. 721. No. 5.  
 qui an C. Aufidii Januarii, cujus Marmor meminit, Pater fuerit,*

N

dubitari

dubitari pōtēst. Quicquid sit: *Mithram* veneratur, & ne nescius  
esses, quis sub eo lateret, adjecit *Deum solem*: DEO SOLI IN-  
VICTO MITHRÆ. Solem *Mithram* vocabant Persæ, eodem  
modo, quo Ægyptii *Osirim*, id quod ex STATIO palam est:

*Seu Te roseum Titana vocari  
Gentis Achæmenia ritu, seu præstat Osirim  
Frugiferum, seu Persei sub rupibus antri  
Indignata sequi torquentem cornua MITHRAM.*

Mithræ habitum describit LUCIANUS in Concilio Deorum:  
*Mithras ille Medus, qui indumento Persico amictus, ac Tiara  
remedatus est.* Hæc cum ita sint, facile patet, varias Solis Actiones  
hoc schemate præfigurari, duasq; figuras, à latere stantes, eundem  
Mithram repræsentare: alteram orientem, alteram occidentem,  
apposite ad mentem GRUTERI, id quod in alio PIGHII nostri,  
quod & ipsum infra sistimus, indubiè patet; Duæ enim illæ figuræ  
facem, altera elevat, altera deprimit: eodem habitu insignes, quo  
Mithram LUCIANUS descripsit. De figura Taurum prosternente,  
& cultro fodiente, varia Opinio circumfertur. Communior &,  
me iudice, verior Taurum terræ Symbolum statuit, Mithramq;,  
Taurum fodientem, Symbolum Solis, radio suo in terræ viscera  
penetrantis, eoque fertilitatem adjuvantis. Id videntur adumbrare  
spicæ, in sequenti marmore ex Tauri cauda exsurgentes: Id Scorpium  
ad membrum genitale, quod ex iis constat, quæ inter gemmas de  
Scorpium diximus: Eodem & serpens & Leo; Serpens enim Terri-  
gena & Cereris affecta fertur, & Leo Matri Deorum sacer est, quæ  
& ipsa pro terra ponitur. Forsitan Leonem & Canem ad Solis vehe-  
mentiam retuleris, eò quod in Leone ferveat, & Caniculæ vis no-  
tissima sit. Id Opinioni nostræ non refragatur. Sunt tamen, qui  
aliam foveant. Audiatur LUTATIUS Statii interpres: *Mithra  
simulacrum, inquit, fingebatur reluctantis tauri cornua retentare,  
quo significabatur, Lunam ab eo lumen accipere, cum cæperit ab  
ejus radiis segregari.* Ita & LEONHARDUS AUGUSTINI, cum  
superiora notasset, sub Mithra taurum fodiente, solem in Tauri  
signo intelligit, mense scil Aprili, quo gravidam terram aperire, &  
calore suo semina rerum protrudere solet. Idem Scorpium juxta  
genitalia, ad solem in Scorpium refert, mense scil. Octobri, quo  
semina



femina amisso vigore propter frigus concluduntur; ad colligendam in visceribus terræ fecunditatem: quod insinuet & Cancer, cum Sol in eo signo deficere incipiat. Hæc licet à nostra opinione diversa, fati tamen probabilia agnoscimus, qualia & sunt, quæ à PIGHIO dantur. Ita ille ad marmor Borgesianum

Designatio picturæ hieroglyphicæ,  
OFFICIUM BONI COLONI

Exprimentis, ex antiqua marmorea tabula, quæ Romæ asservatur, in ædibus Octaviani Zini, propè theatrum Pompei & Campum Floræ.



(A) Sol oriens. (B) Natura rerum Solis comes. (C) Tria Solis tempora. (D) Luna occidens. (E) Natura rerum velox, Lunæ celeri adjuncta. (F) Quatuor Lunæ tempora, nova, semiplena, plena, & iterum semiplena. (G) Dies facem extollens. (H) Nox facem dejiciens.

N 2

(I) Cor



(I) Corvus diligentiam notans. (K) Terræ Colonus, optimus & diligens Agricola. (L) Bos sive taurus, terram designans. (M) Gladius tauro infixus, laborem arationis, fossionis ostendens. (N) Sanguis, terræ fructus innuens. (O) Canis, amoris & fidei Cignū. (P) Serpens, providentiæ Icon. (Q) Leo, quo robur significatur. (R) Cancer, qui creationem. (S) Scorpium, qui generationem demonstrat. (T) Spicæ, terræ fructus indicantes. (V) Arbor nocturna, cū Scorpione generationis. (X) Arbor diurna cum bovis capite, labores notans. Adducit hanc picturam D. Joachimus Camerarius I. F. Medicus Norimbergensis in libello de re rustica excus. Norib. 1577. in quarto. Hæc PIGHIUS.

## XXII.

C. CAVARIUS SEX. F. TERRI  
APVLVS. III VIR. I. D. PONTIFEX PR  
PATRONVS. MVNIC  
CORNELIAE. P. F. INSTAR. MATRIS. NO  
AQVAM. SALVTAREM. IMPENSA. SVA

**A**Quæ variis, inter vetustatis reliquias, cognominibus distinguuntur: Apud GRUTERUM est *aqua Augusta*, est *Cerulia* est *Claudia*, est *Curtia*, est *Martia*, est *Trajana*, est *Virgo*: Apud REYNESIUM sunt *Aque Urbis Romæ*, est *Aqua Amenis*, *Aqua Appia*, *Aqua Tepula*; Sed Aquam *salutarem* quis hæcenus exhibuit? Equidem apud REYNESIUM Classe VII. No. 3. necesse esse dicitur, aliquam partem aquæ ex Castellis effluere, quod hoc pertineat ad Urbis *salubritatem*; Sed *salutaris* elogium, quod proposito fragmento, aquæ tribuitur, non hoc tantum innuere, sed & ipsam aquæ Virtutem videtur celebrare, quod scilicet salutem restituat, id quod hodiè in Thermis, aquisque mineralibus usu venit. Talem aquam C. CAVARIUS SEXTI Filius TERRITORIO APVLVS, IV. VIR Juris Dicendi, PONTIFEX &

& Prætor, PATRONUSQUE & Municeps, CORNELIÆ  
Publii Filiæ INSTAR MATRIS NOMINANDÆ, SUA IMPENSA,  
dicitur, an aperuisse an munivisse?


## XXIII.

CORNELIAE  
SALONINAE  
SANCTISSIMAE  
AVG. CONTIGI.  
DN. GALLIENI  
INVICTI. AVG.  
FERENTINATES.  
NOVANI DEVOTI NVMI  
NI MAIESTATIQ. EIVS.

**P**lures Inscriptiones, variis à Civitatibus Saloninæ Aug. dicatæ, sunt apud GRUTERUM; Sed à *Ferentinatibus* posita, hactenus non apparuit. PIGHIO eam debemus, cui & reliquas omnes. Ferentinales à Ferentino, nobili Hernicorum oppido, dictos ex LIVIO Constat Lib. VIII. Ubi hæc: *Hernicorum tribus populis, Alatrinati, Verulano, Ferentinati, quia maluerunt, quam civitatem, sua legis reddita.* Ab initio Ferentinum, oppidum Volscorum erat, ideoque apud eundem LIVIUM Lib. 4. *Adversus Volscos, populates Hernicorum fines, Legiones ductæ à Furio Cos. Quum hostem ibi non invenissent, Ferentinum, quo magna multitudo Volscorum se contulerat, cepere. Minus præda, quam speraverat, fuit, quod Volsci, postquam spes tuendi exigua erat, sublati rebus, noctu oppidum reliquerunt. Postero die propè desertum capitur. Hernicis ipse ager dono datus. Et postea Volsci queruntur: Nec ipsos modo Romanos sua divisa habere, sed Ferentinum etiam de se captum Hernicis donasse.* Erat adhuc aliud Ferentinum, Etruriæ scilicet, apud Ptolemæum aliosque, corruptè nunc *Fiorentino* dictum. Quod probè à Fe-

rentino Hernicorum distingui debet; Sed de his constat: Non item ratio, cur Ferentinales *Novani* dicantur. Est apud GRUTERUM pag. III. No. 6. Inscriptio, in qua etiam Fabraterni *Novani* audiunt. Alibi iidem etiam vocantur *Novi*, Et in Inscriptioe sequente Lanuvini *Veteres*. An ex priorum synonymia, & ex posterioris oppositione, conicere liceat, Novanos eos esse, qui noviter in civitatem, vel per Coloniam adducti, vel aliunde assumti erant!

## XXIV.



**D**E *Novanis* modo dictum. Propositum marmor etiam *Veteres* objicit. GRUTERUS alterum tantum fragmentum exhibet. PIGHIUS exhibet utrumque; an integrum? dubitari potest. GRUTERUS enim post lineam quartam inserit NERVÆ PRONEP. & lineā octavā habet Cos. II. Quicquid sit, Senatūs Populique Lanuvini Veterum, erga Antoninum Pium Pietatis, egregium hic cernimus monumentum. Et memorabile est, quod Julius Capitolinus ait: *Lanuvina Templā Antonium Pium restituisse.*

XXV.

CALLISTENES CHRESTVS.

CAESAR ATRIE ARCEL.

CONDISCIPVLI

**E**X voce *Condiscipuli* intelligimus, duos fuisse, qui hoc marmore celebrantur, CALLISTHENEM scilicet & CHRESTUM. Ex linea secunda discimus, eos fuisse *Atrienſes* Cæsaris *Arcellarios*. Atrienſes dicuntur ab Atrio, quod scilicet in eo opus facerent, ut RHOE ATRIENSIS DE BASILICA apud REYNES. Classe XI. n. 39. cujus ministerium arbitratur, *Basilicam scopis mundare, purgamenta everere, spongiis detergere gradus, nitidas ostendere columnas, & prorsus facere id, quod Æschinem cum Patre suo Drometo cavillatur* DEMOSTHENES, *Ἀρχὴν αἰὲρ τελευτῶν*. Sed *Callisthenes* & *Chrestus* paulò altioris fortunæ fuere. *Atrienſes* dicuntur non simpliciter, sed *Atrienſes Arcellarii*, & quidem *Cæsaris*. An Cæsar pro Julio Cæsare, an pro alio, sub quo vixerint, fumi debeat, incerta disquisitio est. Quicquid sit, officium Arcellariorum tali Domino aliquantisper elevatur. *Arcellarios* ab *Arcellis* dictos arbitror, uti *Arcarios* ab *Arcis*, quas custodiebant. *Arcarii* apud GRUTERUM mentio est pag. 103. n. 10. est & *Arcarii Servi* pag. 463. n. 2.



XXVI.

L.NÆVIVS.L.F.SVRDINVS.  
PR  
INTER.CIVIS.ET.PEREGRINOS

**L**ucium Nævium Surdinum, qui hic memoratur, filium fuisse *L. Nævii Surdini*, cujus mentio exstat in Fragmento Fa-  
storum Municipaliū, è vico S. Pauli, propè Nolam apud GRU-  
TERUM pag. 1087. n. 1. evincere videntur adscriptæ literæ L. F. Præ-  
toris inter Cives & Peregrinos, mentio est in lege de Pœnis eo-  
rum, qui aquæductus violaverint, apud REYNESIUM Claff. 7. num. 10.  
Verba ita habent: Tum is *Prator*, qui *inter Cives & Peregrinos*  
jus dicit, mulctatum pignoribus cogito: &c.

XXVII.


K.  
ΦΑΥΚΤΟC. ΗΡΑ  
ΕΙΝΗ ΤΕΚΝΟ ΖΗ  
CANTLM. ΙΗ. ΗΜΟΡ  
Α. Ψ Ε. ΜΝΟΙΑC. ΧΑ  
ΡΙΝ. ΕΠΟΙΗCΕΝ.

**Q**uod nondum Vulgatum hoc marmor, ideo videtur propo-  
nendum. Nihil continet, quod Græcè Gnaris non statim  
appareat; Latine ita vertimus: Faustus Erainæ filia, quæ vi-  
xit menses XVI. diem unum, horas v. memoriæ gratia fecit.  
An faustus hic sit ille, qui apud GRUTERUM pag. 409. n. 5. VI. Vir  
& Augustalis inter primos Augustales, à Decurionibus, Augustalis  
factus, Viriæ maximæ, uxori, & Urso, Lupo, Leoniq; Libertis fu-  
turis, monumentum posuit, an alius? dubitari potest.


XXVIII.

(105.) 50  
XXVIII.

ALLEDIAE MARCIAE FILIAE DULCISSIMAE QVE VIXIT ANNIS MESIBVS III. DIE B.



XIII ALLEDIVS TROFIMIANS ET ALLEDIA MARINA PARENTES BENEMERENT FECERVNT



**H**Oc marmor hactenus, quod sciam, Vulgatum non est. *Alledia Marcia* id posuerunt *Alledius Trofimianus* et *Ælia Marina*. *Ælia Marina* est in Inscriptione apud GRUTERUM pag. 806. n. 3.

(106.) 58

MARIO CRIS  
PINO CONJUGI  
KARISSIMO. QUI  
VIX. ANN. XXXVIII. MES.  
VIII. DIES XII. AELIA  
MARINA CONJUNX  
CUM QUO VIXIT ANN. I.  
MENSIB. VII. DIEB. XVI.  
BENE MERE  
NTI FECIT.

Ex hac Inscriptione intelligimus, Æliam Marinam Alledio non Virginem nupsisse, sed Viduam, postquam sc. Mario Crispino annum unum, menses septem, & dies sedecim cohabitasset. Intelligimus pietatem in Maritum priorem, uti in proposito in filiam, quam ex Marito altero Alledio Trofimiano suscepserat. An Alledii iidem fuerint cum Allidiis, dubitari potest. Si statuas, duo sunt apud GRUTERUM. M. Allidius Comminianus, pag. 667. num. 2. & M. Allidius Fortunatus, pag. 189. Est & Allidia C. L. Nebris, pag. 476. n. 8. & Allidia Sedata, pag. 667. n. 2. Si non statuas, attamen T. Alledium Severum non negabis, qui TACITO lib. 12. c. 7. memorante, Eques Romanus, Agrippinæ impulsus gratiâ, fratris filiam, exemplo Claudii, sibi in matrimonium junxit.

## XXIX.



GRUTERUS, qui hoc marmor descripsit p. 304. n. 9. numerum dierum à proposito diversum posuit, XXXIII. legens, ubi in nostro

nostro XIII. Idem figurarum alteram fortunam statuit, alteram Genium; Cum tamen ex inscriptione pateat, hanc *Somnum*, illam ex *Fatis* esse. De *Fatis* docebimur Capite sequenti. Hic inscriptio nobis curæ est. *M. Gavins Charinus* marmor posuit: Posuit *L. Cæcilio Feroci Filio, & Orestilla filia.* Q. Cæcilius Ferpx fuit *Kalator Sacerdotii Titialium & Flavialium*, idemque *Studiosus Eloquentia, & vixit annis. XV. mense uno, diebus XIII.* Studium Eloquentiæ cum annis convenit. De Kalatore res obscurior est. *Calatores*, inquit FESTUS, dicebantur *Servi*, *ἀπὸ τῆς καλεῖν*, quod est VOCARE: quia semper vocari possent ob necessitatem Servitutis. Ego *ἀπὸ τῆς καλεῖν* Calatores dictos facile admisserim, cum etiam vestigium originis Græcæ in litera K. appareat; an autem passivè, quod servi semper vocari possent, de eo valdè dubitaverim. *Calare* pro *Vocare* etiam Antiqui dixerunt, sed *activè*, quod inde colligas, quod ubicunque passivè loquendum erat, passiva forma usi sunt. Ita *Calata Comititia*, de quibus GELLIVS lib. 15. c. 27: *In libro Lælii Felicis ad Q. Mucium primo scriptum est, Labeonem scribere, CALATA COMITIA esse, quæ pro Collegio Pontificum habentur, aut Regis aut Flaminum inaugurandorum causa, eorum autem alia esse Curiata, alia Centuriata. Curiata per Licetorem Curiatum CALARI, id est CONVOCARI.* Hæc cum ita sint, Calatores in genere eos putamus, qui alios vocarent, id quod & Alii statuunt, allegata Glossa, ubi *Calator* *κληρωτής*. Aliter autem secundum eosdem, Calatores, *ἐκκλησιαστικῶν ἱερέων. ἐκκλησιαστικῶν* pro *Viatore, apparitore*, qui vocat in jus: & denuò Gloss. Calatores *δῆλοι δημόσιοι ὡρίπλοιοι*, & Glossa Isidori: *Calator Minister Sacrorum*, Voce generis ad speciem translata. Quo sensu & in Inscriptionibus, *Calator Fratrum Arvalium, Calator VIIIVIR. Epulonum, Kalator Flaminum*, apud GRUTERUM: & in proposita *Kalator Sacerdotii Titialium Flavialium.*



L. COELIO BASS .  
IVRIS .STVDIOSO.  
AGATHO . . VS.  
LIBERTVS .  
in via Celsa

**S**tudiosum Eloquentia Superiore Inscriptio vidimus. GRUTERUS etiam *Astrologia Studiosum* memorat; sed *Studiosus Juris* hactenus in marmoribus, quod sciam, non comparuit. FIGHIUS eum exhibet in marmore proposito, quod *Agathonicus Libertus L. Celio Basso* erexit.

In Atrio, in Campo Martio  
L. ATIEDIVS L.L. DORVS .  
SCR. LIBR. AED. PL.  
L. ATIEDIVS HELIVS. FILIVS.

**D**E Librariis supra diximus, allegato simul & HORATIO apud quem *Scriba Librarius* legitur. Scribam Librarium, qui juxta fuerit Aedilis plebis, propositum marmor exhibet. L. Atiedius *Lucii Libertus* Dorus utroque munere se jactat. Jactat honorem Patris etiam Filius L. Atiedius Helius, qui sive solus, sive cum Patre monumentum videtur erexisse.

XXXII.

Q. HERIO. Q. F. OCTAVIO. IVSTO.  
PATRONO. MVNICIPII. I. L. AM. DIVI. TRAJANI.  
AEDI. II. VIRO. II. VIRO. II. Q. Q. II. OB. MERITA. EIVS.  
ATINATES. DEC. AVG. ARKANI. VI. VIRO. PLEBS. VTRI.  
VSQVE. SEXVS. EX. REDITV. PECVNIAE. LEGATAE.

SIBI

L. D. D. D.

**D**E literis lineæ I. L. AM. dubius sum, an separatim efferendæ, an conjunctim FLAMINI legendum sit. *Flamen Divi Aug. Divi Claudii, Divi Trajani, Hadriani*, aliorumque Imperatorum apud GRUTERUM memorantur. Quid vox ARKANI denotet non assequor, nisi ARKARIO legendum sit. Atinates lapidem posuerunt: Atinates erant incolæ Atinæ, Civitatis antiquæ Volscorum. Atina, VIRGILIO lib. VII. *Potens* vocatur. MARTIALI lib. X. Ep. 92. *Prisca*: SILIUS in colle sitam hoc versu videtur innuere:

*nec monte nivoso*

*Descendens Atina aberat.*

Incolas bello claros Vates Mantuanus testatur, cui duplici loco Atinas *acer* vocatur ut lib. XII.

*Soli pro portis Messapus & ACER ATINAS*

*Sustenant aciem.*

Fuisse Municipium Romanum ex lapide, qui ibi repertus sit, constare, ait PHIL. CLUVERIUS, quod in eo MUNICIPI vocabulum occurrat. An de nostro lapide loquatur, compertum non est. Id autem monendum, licet vocabulum *Municipi* in nostro occurrat,

inde tamen indubiè non evinci, Atinam fuisse Municipium Romanum; dupliciter enim vox eà explicari potest, vel Q. Herium Patronum fuisse Municipii, vel fuisse Municipem sive Romanorum sive Atinatum. Municipia quidem erant Urbès jure Civitatis Romanæ donatæ. Sed Municipes erant, non tantum, qui in municipio, ut est apud FESTUM, liberi nati sunt, sed etiam, qui Romam venientes munerum participes fiebant; Imò in genere, qui munera civilia capiebant, secundum PAULUM *in Legè Munus De Verborum & rerum significatione*; aut ut ULPIANUS *lib. I. ad Municipales*, sui cujuscunque Civitatis Cives. Secundum hæc quid obstat, quo minus in marmore nostro Q. Herium non tam Patronum Municipii, quam Patronum & Municipem dici arbitremur, & eo quidem sensu, quo Romæ Munerum particeps eo vocabulo intelligitur. Patronos Civitatum, imò & Provinciarum Romæ fuisse, nemo nescit, & quidni & is poterit fuisse, qui fuit particeps Munerum? Sed de his constare videtur. Reliqua per se patent. Inscriptio ita legenda. Q. HERIO, Quinti Filio, OCTAVIO JUSTO PATRONO MUNICIPI, FLAMINI DIVI TRAIANI, ÆDILI, Duum VIRO iterum, Quinquennialitio iterum, OB MERITA EJUS ATINATES DECURIONI, AUGURI, ARKARIO, SEVIRO PLEBS UTRIUSQUE SEXUS, EX REDITU PECUNIÆ LEGATÆ SIBI. Locus Datus Decreto Decurionum.

XXXIII.

M. TILLIO. M. F.  
TERENTIANO. RVFO. G. LEG.  
XX. VAL. VICT. EX. CCC.  
COH. III. PR. P. V. PRINCIPI.  
CASTROR. EQ. P.  
EXOR. ET. DONIS.  
DONATO. AB. IMPP. SEVERO.  
ET. ANTONINO. AVGG.  
HASTA. PVRA. CORONA. AV.  
REA. G. COH. XII. VRB. ET. I. VIC.  
EVOC. AVGG. DIVOR. M. ANTONINI  
ET. COMODI. PATRONO.  
MVNICIPI. LIBERTI. L. D. D. D.

Quāquam apud GRUTERUM pag. 1101. No. 3. hæc Inscriptio habeatur & quidem *ex Codice PIGHIANO*, ut ait, desumpta, tamen proponendam arbitramur, ob aliqualem inter utrumque differentiam. Loco G. quod linea secunda Legioni præponitur, apud GRUTERUM est signum 7. idemque iteratur linea decima. Loco G. COH. IV. Linea quarta, est COH. III. & loco PR. simplex litera P. ex quibus utique patet, PIGHIUM à GRUTERO non satis diligenter inspectum fuisse. Inscriptioem ita legimus: *Marco TILLIO Marci Filio TERENTIANO RUFO Gemina LEGionis Vigesima VAleNTis VICTricis EX Centenario, COHortis quarta PROtectori, Præstantissimo Viro, PRINCIPI CASTRO Rum, Equo Publico EXORNato & DONIS DONATO AB IMPeratoribus SEVERO ET ANTONINO AUGustis HASTA PURA CORONA AUREA Gemina COHortis Duodecima URBica ET INVICTæ EVOCato AUGustorum DIVO Rum Marci*



*Marci* ANTONINI ET COMMODI, PATRONO MUNICIPI LIBERTI. *Locus Datus Decreto Decurionum.* De vocabulo *Extercenario* per literas EX. C. C. C. expresse, forsan dubitaveris. Sed est apud GRUTERUM pag. 387. No. 8. C. CESTIO C. STELLÆ &c. *EXTercenario.* Tercenarius REYNESIO teste, fuit, qui Trecentos homines ducebat, uti Ducenarius, *Vegetio* docente, qui ducentos. Quamquam de Equitibus Ducenarius ex Suetonii Augusto, & Pertinace Capitoloni clarum sit, ita dictos à modo Stipendii. Quicquid sit, *Extercenario* dicitur, uti *Ex-Evocato*, *Ex Præfecto*, *Ex Consule*, quod scilicet Tercenarii officio defunctus esset, qui eo nomine afficeretur. Legionem XX. Geminam seu Gemellam fuisse, constat ex eodem GRUTERO pag. 417. No. 5. Inscriptione sub iisdem *Severo & Antonino* erecta, ubi *Q. Hedius*, inter Cætera *Tercenarius Leg. XX. G. PROV. Etc.* dicitur.

# XXXIV.

METHYSTVS

MAEC.

MINISTR.

**M**inistror, & Ministror Cæsaris, item Imperatoris Domitiani, memorantur apud GRUTERUM, in proposito MITHYSTUS, si recte auguror, vel MÆCii vel MÆCilii MINISTRATOR dicitur. Ministratores vocari, qui potum Dominis suis ministrabant, docet CL. SPONIUS, ex PETRONIO & SENECA. Petronii Verba adscribimus: *Vinum Dominicum Ministratoris gratia est.* Sed non eos tantum, qui potum ministrabant, hoc nomine venire, sed in genere, qui ministrabant, patet ex SÜETONIO in *Vitellio* his verbis: *Alterum femur subdebile, impulsu olim quadrigæ, quum Auriganti Cajo MINISTRATOREM exhiberet.* Ita & CICERO 2. de Oratore: *Te Sulpiti objugabam, quod MINISTRATOREM peteres, non adversarium.*

XXXV.

XXXV.

E V M E L V S.  
CAES. MINISTR.  
ET. PHAREZIA.  
CATELLAE.

**D**E Ministratore modo diximus. Proposita inscriptio memorat Ministrum, non privati alicujus, sed *Caesaris*. *Eumelo* nomen est, quod quin Græciæ Originem debeat, vix dubitari poterit, sive *bonum cantorem*, sive *membris valentem* interpreteris. Eumelus inter Trojanos memoratur VIRG. *Æn. 5.*

*Nuncius Anchisæ ad tumulum, cuneosque Theatri,  
Incensas præfert naves EUMELUS.*

Memoratur & PAUSANIÆ Eumelus Corinthius, Patriæ Historiæ Author; Sed nihil ad propositum, cum hic sub Imperatoribus Romanis vixerit, monumentumque erexerit non solus, sed cum PHAREZIA & quidem CATELLÆ. De *Pharesia* non magis constat, quam de *Eumelo*. An *Catella* nomen foeminæ sit, an verò diminutivum à *catulo*, incertum est. Illud generis nostri nobilitas videtur suadere, sed hoc perveritiæ rationis suadet libido. Quæ infra se sunt, homines perditè interdum amare, experientia teste constat: Et quid si de Eumelo nostro, & Pharesia, idem dixerimus, quod MARTIALIS lib. VII. Ep. 80. de Publio.

*Publius exigua si flagrat amore CATELLÆ.*

Quid si idem, quod CATULLUS de Lesbiæ suæ passere?

*Lugete ò Veneres, Cupidinesque,  
Et quantum est hominum venustiorum!  
Passer mortuus est mea puella,  
Quem plus illa oculis suis amabat &c.*

⦿ (π4) ⦿  
XXXVI.

ΚΑΛΛΙΤΕΚΝΟΝ  
ΣΕΜΝΗΝ ΟΔΕ  
ΤΥΜΒΟC ΕΧΕΙCΕ.  
ΑΦΡΟΔΕΙΤΗ.

**A** Phroditen hujus Marmoris eandem esse, cujus apud GRUTERUM pag. 756. No. 6. mentio exstat, vix videtur dubium. Literarum formæ conveniunt, conveniunt & voces, & res. Eam adscribimus, ut judicium planius sit.

Θ. Κ.

ΤΥΜΒΟΝ ΜΗ ΠΑΡΙ  
ΔΗΣ ΠΑΡΟΔΕΙΤΑ ΤΗΣ  
ΑΦΡΟΔΕΙΤΗΣ ΤΟΥΤΟΝ  
ΕΜΟΙ ΑΙΝΕΙΑΤΕ ΤΕΚΝΩ  
ΕΠΟΙΗΣΕΝ Ο ΧΡΗΣΤΟΣ  
ΣΥΜΒΙΟΣ ΕΡΜΑΓΟΡΑΣ  
ΜΝΗΜΟΣΥΝΗΣ ΕΝΕΚΕΝ  
ΧΑΙΡΕΤΕ  
ΖΗCΑCΗ ΕΤΗ. ΑΕ  
ΖΗCΑΝΤΙ ΕΤΗ. Δ  
ΗΜΕΡΑΣ ΙΒ.

Latine ità reddideris: *Tumulum ne negligas, O Viator, Aphrodites. Hunc mihi, & Aeneæ filio, fecit Optimus Contubernalis Hermagoras, memoria causa. Valet! postquam Vixissem* (scilicet Aphrodite) *annos XXXV. postquam vixisset* (filius) *annos 4. dies 12.*

Diximus convenire literarum formas: Id ex litera C. quæ utrinque usurpatur, facile adstruxeris. Diximus convenire & voces: Utrinque enim ΤΥΜΒΟC & ΤΕΚΝΟΝ habetur, ut de nomine Aphrodites taceam. Quod Res attinet: utrinque Aphrodite, quam nomine præfert, *Venerem* æmulatur: Illic filiam *pulchram* & *venerandam* appellando: hic filium *Aneam* nominando, ac si vera Venus fuisset, stirpemque ex liberis, Romanæ gloriæ æmulam, expectasset.

XXXVII.

XXXVII.

O. C. F. STELLÆ SEVERO.  
VIRO. I. D. Q. Q. II. PRÆF.  
RVM. BIS. EQVO. PUBLICO.  
CVI. CVM. OB. ABSTINENTIAM.  
SINGVLAREM. EIVS. DECVRIONES  
CONSENTIENTIBVS. AVGVSTALIBVS.  
ET PLEBE. STATVAS. AERE. CONLATO.  
OBTVLISSENT. REMISSA. CONLATIONIS.  
IMPENSA. IPSE. PONI. IVS. SIT.  
OB. QVARVM. DEDICATIONEM. HEREDES.  
EX. TESTAMENTO. EIVS. DECVRIONEBVS.  
SING. X. III. AVGVSTALICIS. X. III. PLEBEL.  
INTRA. MVRVM. HABITANTIBVS. X. II.  
LIBERIS. OMNIVM. EORVM. DIMIDIVM. DEDERVNT.

L. D. D. D.

*Celleni prope Viterbium.*


**P** Rincipium hujus Inscriptiones, quod injuria Temporis detraxit, forsitan ita suppleveris: C. JULIO Caji Filio STELLÆ SEVERO VI. VIRO Juris Dicundi Quinquennialitio secundum, PRÆFECTO FABRUM BIS EQUO PUBLICO &c. Ex Julia familia hunc Stellam fuisse, inde auguror, quod C. JULIUS SEVERUS apud GRUTERUM memoratur, quanquam & in aliis idem cognomen occurrat. Notandum, qui linea sexta AUGUSTALES vocantur, quod vocabulum apud GRUTERUM frequentissimum est, eos linea duodecima vocari AVGVSTALICOS, quod tamen nomen in Autographo punctis subductum est.



XXXVIII.

L. MARIO MAXIMO  
PERPETVO. AURELIANO  
CV. PRAEF. VRBIS.  
PROCONSULI. PROVINCI.  
ASIAE. ITERVM  
PROCONSULI. PROVINCI.  
AFRICAЕ.  
MIVLIVS. CERIALIS  
MATERNVS. EX CIVITATE  
FORO. IVLIENSIVM.  
PATRONO. OPTIMO.

SALMASIUS ad Lampridii verba: *Dati sunt & Sodales, qui Alexandrini appellati sunt &c.* Legit *Alexandriani*, additque, ita dici Sodales *Marcianos, Antoninianos, Aurelianos &c.* GRUTERUS inter alios multos, etiam *Aurelianus* memorat, & in nostro est *Aurelianus perpetuus*. Erant Sodales Augustorum vel Augustarum, à quibus denominabantur, sacerdotes, qui inter cæteros, post consecrationem, honores, non minus decernebantur, ac *Flamines & Salii*. Lineam tertiam *Clarissimo Viro PRAEFecto Urbis* legimus. M. Julii Cerialis sed Sp.F. meminit GRUTERUS pag. 878. No. 13.



Quartum Segmentum Toreumata quædam in medium producit. Sunt autem Toreumata, Tabulæ marmoreæ, Anaglyptico Opere exsculptæ: quam artem primum invenisse *Phidiam*, consumasse *Polycletum*, *PLINIUS* Author est lib. 34. cap. 8. Magnificæ sunt, cum aliæ hujus generis reliquæ, tunc utraque Co-

lumma Laudatissimorum imperatorum, Trajani & Antonini Pii, quas hodiernum, magna contemplantium cum admiratione ostentat prisca illa Gentium Dominatrix Roma. Magnifica, quæ in Arcubus Severi & Constantini visuntur: Digna ubique materies, quæ non tantum, aut Romæ degentibus, aut advenis affulgeat; Sed & radiis suis orbem terrarum pervadat. Jam dudum ita judicarunt, quicumque vel eruditione, vel arte excellere, judicii que illius palmas meruere *PETRUS SANCTES BARTOLUS* & *J. P. BELLORIUS*, quorum Ille Artificioso cœlo expressit, hic docto calamo illustravit, non columnas tantum, sed & ea, quæ sub elogio *ADMIRANDORUM* orbi literato innötuerunt: Non minutis, ut in re Nummaria, linearum ductibus contemplantium oculos fatigantia, sed figuris, si non ubique integris, attamen majusculis fulgida: Non minus ac *Galeria Justiniana*, quod opus non Toreumata tantum, sed & imagines exhibet, ut raritate, ita & magnificentia celeberrimum. Sed hæc & alia, quæ passim prostant, dignis laudibus evehere, nec virium mearum est, nec instituti ratio permittit. *PIGHIUS* sese offert, qui ut superioris, ita & hujus Capitis materiem suppeditat. Hujus Gloriæ obstetrices manus porrigimus. Proccedit.

I.  
JASON  
Tauros Æripedes

Ætæ imperio  
Sub jugum mittens.



**J**asonis Expeditio Colchica Græcis Latinisque, & Poëtis & Mythographis, læculenter descripta est. Descripti sunt & Labores & Casus, quoscunque Jason, Medea vel auxiliante per egit, vel adversante subiit. Illius Seriem ex ORPHEO, APPOLLONIO RHODIO, VALERIO FLACCO, aliisque, Benevolus Lector facile petierit. Posteriores proposito, & sequentibus aliquot Nobilioris Antiquitatis ex monumentis, delibare animus est. Jasonem cernimus, qualiter ut aureo vellere, quod jussu Pelia intenderat, potiretur, Tauros Æripedes, Ætæ Colchorum Regis ex imperio, domuisse

muiffe, jugoque adamantino revinxiffe memoratur. *Tauros duos* eosque *ignivomos* faciunt Poëtae. APOLLODORUS & *feros* & *mira magnitudinis*, *Vulcanique munere Æete concessos*, ait. Ipse Æetes apud APOLLONIUM 3. ψ. 409. *in campo Areio* five Martio eos *obtravisse*, memorat. Jafonem *ex horrendis latebris* eos excivisse, idem APOLLODORUS testatur. Latebras unica Arbore Artifex noster expressit, procul dubio, ut campum simul adumbraret: In tauris magnitudo evidens est. Feritas in dextro, quem primum domuisse memoratur, jam deferbuit; in altero, quanquam languido nisu, adhuc reluctatur: Quæ causa & videri potest absentiae flammæ, quas in neutro observamus. Sed hæc de tauris. Ad Jafonem se confert Oratio. Hunc cernimus, qualem ORPHEUS ψ. 805. depinxit, & *forma præstantem & procero Corpore*: Cernimus *nudum*, qualem APOLLONIUS, qui & *Pharmacis unctum*, indeque ineffabili robore commemorat auctum. Robur exerit utrumque taurum domando, quem actum his versibus Poëta expressit.

Καὶ ῥ' ὄγε δεξιτέρῳ βοός κέρας ἄκρον ἐρύσας  
Ἴειλκεν ἐπιχευέως παντὶ δένει ἕφεα πελάσῃ  
Ζεύγλῃ χαλκείῃ. τὸν δ' ἐν χθονὶ κείσασαλεν οὐλάῃ  
Ῥίμφα ποδὶ κέρας πῶδα χαλκεον. ὥς δὲ ἔκ' ἄλλον  
Σφῆλε γυῖζ' ἐπόντα μὴ βεβωλημένον ὁρμῇ  
Ἐυρὺ δ' ἀποπροβαλὼν χαμαίῃς σάκ' ἐνθα ἔνθα,  
Τῇ ἔκ' τῇ βεβαιῶς ἀμφὶ ἔχε πεπηγώπας  
Γονύασιν ἐν προτέρῃσι διὰ φλογὸς εἴταρ' ἐλυοῖς  
Θαύμασε δ' Αἰήτης δέν' ἀνέρε' &c.

*Ac ille dextri bovis cornu summum apprehendens,  
Deprexit fortiter, cunctis viribus, donec admo-veret  
Jugo Æreo, eumque in terram stravit geniculatim,  
Celeriter pede premens pedem areum. Ubi verò alterum  
Labefactavit geniculatim invadentem, uno percussum ictu,  
Vastum abiciens humi scutum, huc atque illuc,  
Hac & illa parte, ambos continuit, collapsos  
In genua anteriora, per flammam ex tunc liberatus.  
Admiratus autem Æetes robur viri.*

Ex his non tantum Jafonem, utrumque taurum cornibus apprehensum domuisse, sed & *abjectis armis* eos domuisse discimus. *Scutum*  
ait



ait Poëta , *humi abjecit* : Imo , canente eodem , jam ante etiam se-  
posuerat & *hastam* & *Cassidem*

Χρίμψε δ' ἐπεὶ τοῦ κίων. ὅδ' ὅλβιμον ἐγγύθ' ἐπηξεν  
Ὀξυδὸν ἐπ' ὑδατοῦ , κενὴν δ' ἀποδάσσει ἐρείσας.

*Appropinquavit autem deinde eundo, juxtaq, gravem hastam infixit,  
Erecliam infima parte haste, ac Galeam deposuit tollens.*

Adeo, ut mirum non sit, in lapide nostro non nudum tantum videri,  
sed & armis carentem. Non mirum, videri Æeten, fortitudinem  
Jafonis stupefcentem; cum nudus is, & sine armis effectui tradat,  
quæ vel armato gloriæ data fuissent.

## JASON

Sopito à Medea Dracone Vigili  
Vellus Aureum auferrens.



**D**Omuerat Jafon Æripedes Tauros. Aratro adamantino Novale  
Martium prosciderat, fatisque ex Galea Draconis dentibus,  
enatam

enatam inde clypeatam segetem virorum confecerat. Promissis tamen Æetes non stetit, imò quod filia veneficiis rem patratam arbitraretur, insidiis potius & Jasonem & Argonautas removere statuit. Medea, consilio subolfacto, amore & metu percita, Jasonem ad auferendum vellus aureum ea adhuc nocte incitat, pollicita Draconem Pharmacis sopituram, facilemque velleris potiundi, artibus suis se patefacturam tramitem. Pollicita est, & si fabulam audis, promissa etiam præstitit.

Propositum lapidem intueri ! Vellus inter duas Arbores expansum vides : Vides serpentem, profundo sopore languidum : Vides odores soporiferos, ex subiecto Vase, versus serpentem exsurgentes : Vides Medeam assistentem, ipsumque Jasonem vellus auferentem. Jason Caput galea tectus est, sinistra clypeum gerit, à latere dependet gladius. Hæc ejus arma fuisse ex superioribus patet. Unicum est, quod mihi incongruum videtur. *Barbatus* hic visitur, qui tamen in sequentibus *imberbis* est, qualem & ætas ferebat, unde OVIDIO *Æsonius juvenis* audit. *Formosus* dicitur passim, & ob formam Medæ fertur adamatus : imò & APOLLONIUS, cum arma cum induisse memorasset subjicit.

ἀλλὰ μὲν Ἀεῖ

Εἴνελε, ἀλλὰ δὲ πρὸς χρυσίοει Ἀπόλλωνι.

*Alia vero Marti*

*Similis, alia vero aureo Apollini.*

Adeo ut dubitem, annon barba hic delineantis vitium sit ! De Dracone à Medea sopito, direptoque aureo vellere, ejusdem Poëtæ testimonium adjicimus, sed cum longius sit, Calamo Romano, ne nimia Græcorum farrago Lectori fastidium pariat ; Ita ille Lib. 4.

Ille jam

*Incantamenti sopitus, praelongam extendebatur in  
spinam*

*Serpentina spira explicatus innumeris orbibus.*

*Veluti, quando debili volutata mari*

*Unda, nigra, muta, tranquillaque fit. Attamen*

*Alte horrendum caput tentavit attolens,*

*Ambos sevis amplecti mandibulis*

*Hec autem ipsum Juniperi recens secto ramo*

*Intingens, ex potione efficacia Pharmaca Carminibus*

*Rorabat in Oculos, circumque plurimus odor*

*Pharmaci somnum creavit, mandibulumque ipso in loco*

*Demisit innixus, immensaue multum retro*

*Volumina densam per silvam extensa sunt.*

*Tunc demum ille aurum à quercu diripuit vellus*

*Virgine iubente, hac vero continuè stans*


*Pharmaco demulsi monstri caput, donec eam*

*Ipse suam ad navim reverti Jason*

*Fussit, reliquitque umbrosum Martis nemus.*

## JASON

Relicta Medea

Ob Nuptias cum Creontis filia contractas  
Sacrificans.

UT Jasonem hic statuas, cogit omnium, & quas supra dedimus, & quæ proximè adhuc sequuntur, figurarum coherentia. Eas hic, operis modulo consulentes, disjunximus, sed in PIGHII Manuscripto conjuncta esse, Lectori omninò est dicendum. Sacrificantem cernimus. Sacrificium patet ex *ara* & *puero ministrante*, *patera*que, ex qua dona sua ignibus sacris Jason infundit. Quænam dona hæc sint, meritò quæsieris, cum Iliacis temporibus Thure nondum supplicari suevisse, ex PLINIO constet, & ARNOBIUS lib. 7. adversus Gentes *Λιβανθοσίαν*, ut rem novam, perstringat. Sed ex Eodem PLINIO responderi potest,




cum Unguenta Iliacis temporibus non fuisse, nec Thure supplicatum dixisset, *Cedri tantum*, inquit, & *Citri, suorum fructuum, in sacris fumo convolutum, nidorem verius, quam odorem norverant, jam rose succo reperto.* Quibusex verbis forsitan & fructus & frutices, quos puer ab altero latere ministrat, Cedri & Citri, imò & rosarum esse, eorumque loco posterioribus temporibus Camillum acerram Thuris præferre solitum, facile tibi persuadeas. Non sufficit sacrificium agnoscere, nisi & scias, quale illud sit? Varias ob causas Veteribus sacrificatum, latius deduci posset; sed cum ratio instituti prolixitatem excludat, paucis dicimus, Sacrificium *Nuptiale* videri: Id non tantum ex adstantibus foeminis colligentes, sed etiam ex membro proxime sequente, in quo Nova Nupta sedens, munus Medæ ab offerentibus puerulis recipit. Nuptiale Sacrificium est, non ob nuptias cum Medea; Has enim sine ullo sacrorum strepitu in Phæacia peregerat, cum insequentibus Colchis, Alcinoûm Virginem reddendam iudicaturum comperisset; Sed ob nuptias cum Glaucæ, sive Creusæ, filia Creontis, Corinthiorum Regis, quam relicta Medea, sive vi coactus, sive felicitatis futuræ desiderio, duxisse legitur. Plena de ea sunt Tragicorum Theatra, in monumento nostro, tres pueros cernimus & tres foeminas. Tres Pueros, an Jæsonis ex Medea filios? tot enim, imò secundum alios *quatuor* fuisse, ad ultimum demonstratum dabitur. Tres foeminas, an Reginam sponsæ matrem, Sponsam ipsam, tandemque Nutricem? Sponsam velum denotare poterit, sive peplum, quo nuptæ se se obnubere solebant, Regiam matrem demonstrare poterunt & stolam levantes pueruli, & gladii insigne, quod in his & Jæson habet, & supra etiam Æetes prætulit: Qua ratione ad Medæ opera idèò respicientem matrem arbitraberis, ut vigilem exprimat, pro filia felicitate & salute, sollicitudinem. Forsitan hanc non Regiam matrem, sed ipsam Medeam arbitraberis, quæ eodem cum marito suo insigni utatur, suorumque filiorum ministerio superbiat, imò &, ad opera sua respiciens, ingrato beneficia sua quasi exprobrare videatur. Liberrimus est divinandi campus!

## JASONIS FILII

Medæ Matris

Munera

Novæ Jasonis Conjugi  
offerentes.

**T**Abulam, ab hac & duabus sequentibus in paucissimis abeuntem, non de Jasone & Medea, sed de Proserpina & Cere interpretatur Celeberrimus PETRUS BELLORIUS in notis ad *Admiranda Romanarum Antiquitatum*. Favet ei & pomum prædivitis Arboris, & Parca blanditiis dolores levans, & Mercurius somnifer cum papaveribus adstans: favet Ceres ob filiae raptum Bacchans, & Arethusa raptorem prodens, & urna ad Arethusæ pedes, imò & ipsa, quæ

*Orbe pererrato, curru Dea fertilis auras  
Exit in athereas, magnumque adit agra tonantem.*

An aliud marmor secutus fuerit BELLORIUS, forsitan dubitaveris; Licet enim in nostro, quem ille *Mercurium* interpretatur, nullo omnino pileo insignis sit: Licet Nova Nupta nullum pomum teneat: licet inter mulierem Bacchantem & Draconibus vectam, non unam, quam ille *Arethusam* interpretatur, sed duas foeminas videamus: Licet etiam sub illa foemina non urna, sed columnæ fragmentum sit, reliqua tamen utrinque simillima sunt. Et quid in raptu Proserpinæ *senex* ille *diadematus*, qui anxia juxta aures dextra, furentem foeminam sequitur & plangit? Anceps judicium est. BELLORII inter ipsos Romanarum Antiquitatum Thesauros versantis, Sculptorisque, procul dubio in his deliciis oculatissimi, fides rem ad Proserpinam trahit. Fides PIGHII, & ipsius rerum harum intelligentissimi, cujus hîc Autographum sequimur, trahit ad Medeam. Sed BELLORII Gloriam intactam suspicimus, & PIGHII fidem obsequiosè colimus: Diversa marmora statuentes, id quod utriusque situs in aprico ponit. BELLORIUS suum scribit exstare *in Hortis Mediceis*; PIGHIUS suum *in foro Romano, Cosmi & Damiani ante Templum*. Sic PIGHII Vestigia nos legere meminimus, ubi lasonis fata nos vocant.

Ex Euripide constat, Medeam, cùm non minus filiis ejus, ac ipsi exilium indixisset Creon, obtenta unius diei mora, sub specie parandæ filiis suis manendi veniæ, per hos ipsos infecta beneficiis suis, novæ nuptæ misisse munera, Peplum & Coronam. Constat ipsum Jasonem Conjugi novæ, ut ea acciperet, persuasisse. In proposito segmento res ad oculum patet. Sedet nova nupta, & quidem, ut eam noscas, capite velato. Sedit adstat, non ut in BELLORII marmore, Parca, sed Jason, cujus faciem injuriâ temporis subtraxit. Adstat & novæ nuptæ, ut munera accipiat, persuadet, id quod ex manus utriusque gestu facile colligas. Persuasâ nova nupta, dextram extendit versus pueros munera ferentes. Munera mirantur vel famuli vel propinqui, qui attentius ea inspiciunt, imò & manu sublata contemplantur. Sed ne absque basi rem dicidi arbitreris, subjicimus & Euripidis verba, Quo Authore, ex interpretatione CANTERI, Medeam ita compellat Nuncius:


*Postquam*

Postquam gemina soboles tuorum Liberorum venit  
Cum Patre, & ingressa est nuptiales ades,  
Gavisi sumus, qui tuis laborabamus malis  
Famuli: per aures vero statim ibat multas sermo,  
Te & Tuum Maritum diremisse priorem discordiam.  
Osculabatur autem alius quidem manum, alius vero fla-  
vum caput

Puerorum: Ego vero & ipse pra latitia  
Simul tuos filios comitabar in conclave mulierum,  
Domina vero, quam nunc pro te admiramur,  
Priusquam vidisset par tuorum Liberorum,  
Habebat promptum oculum in Jasonem:  
Deinde vero textit oculos,  
Et retro avertit candidas genas,  
Abominans ingressum puerorum: sed maritus Tuus  
Abstulit iram & bilem puella,  
Hac dicens: Ne sis inimica amicis.  
Desiste ab ira, & huc iterum converte caput,  
Existimans amicos eosdem, quos maritus tuus.  
Accipe verò Munera, & roga patrem,  
Ut remittat exilium his meis literis in meam gratiam.  
Hac verò ut aspexit ornatum, non continuit se,  
Sed promisit viro omnia. Et priusquam ex adibus  
Procul abirent Pater & Liberi tui  
Acceptam variam vestem induit,  
Ponens auream coronam supra cincinnos.



Medeæ  
Vindicta.



**T**res in segmento personæ sunt, Vir nudus cum clypeo, quem *Jasonem* interpretamur. Senex diadematus, qui *Creontem* refert, Corinthiorum Regem: & foemina furens, quæ *Glaucen* sive *Creusam*, Creontis filiam. Ut ad vindictam Medæ hæc referenda videantur, non tantum connexio historiæ evincit, non tantum senex Diadematus, cui in fabula Cereris locus non est, sed & rudera Palatii, à Medea everfi, quæ in hoc segmento sunt, & iis afficta Jasonis, Tauros *Æripedes* domantis, quæ adhuc cernimus, vestigia. Miserandum novæ nuptæ, Patrisque interitum describit EURIPIDES. Ad Jasonem cum clypeo adstantem ritè retuleris testimonium SENE CÆ, qui Jasonem, audito novæ nuptæ casu armigeros in ultionem convocasse scribit. Utriusque verba subijcimus. Ita nuncius apud Euripidem :

Ἰσχυρὰ

Χερσὶν ἀλλάξασα, λελείπει τάλιν  
χωρεῖ πέμματα κῶλα, καὶ μόλις φθάνει  
Θρόνοισιν ἐμπεσῶσα μὴ χαμῶι πεσεῖν

Et paulo post: Σείσσει χάϊτην προῖκέ τ' ἄλλοι' ἄλλοσε,

Et iterum: πατὴρ δ' ὁ τλήμων συμφορῇ ἀγνωσία,  
Ἄφνω προσελθὼν δῶμα, προσπτνέει νεκρῷ  
Ὀϊμοξε δ' εὐθύς. &c.

*Mutato colore, obliqua retro  
Cedit, tremens membris, et vix antevertit  
Solio illapsa, ne caderet in terram.*

Et paulo post: Concutiens crines et caput huc et illuc,

Et iterum: Sed infelix Pater ignoratione mali  
Statim ingressus domum, irruit in eam jam mortuam,  
Et statim cœpit ejulare. &c.

Quibus verbis, licet Poëta in quibusdam à marmore nostro abeat,  
miserandum tamen, & furentis filia, & dolentis patris, oportune  
describit spectaculum. Jafoni assistit SENECA, apud quem  
ipse:

*Quicumque Regum cladibus fidus doles.  
Concurre, ut ipsam sceleris Authorem horridi  
Capiamus. Huc! huc! fortis armigeri cohors  
Conferre tela!*

# MEDEÆ FUGA.



**M**Edeam bigis Draconum, à Sole acceptis, Athenas profugisse, constans Authorum commentum est. Audi ipsam apud SENECA M.

*Sic fugere soleo. Patuit in cælum Via.  
Squammosa gemini colla serpentes jugo  
Summissa præbent.*

Et APOLLODORO teste, sine libri i. sumtum à Sole alatorum Draconum currum conscendit Medea, in eoque profugit Athenas.

De Liberis, & adstantibus in marmore fœminis, illinc dubia, hinc incerta quæstio oritur. De his, an *Nutrix Medea* & *Chorus* quas ipsa, tanquam fœminas sibi faventes, apud Poëtas frequenter, ad discessum usque alloquitur: De illis, an duo tantum fuerint, an plures? An à Medea occisi, an inter vivos relicti? Quod Liberos attinet



attinet, jam Antiquitus res dubia fuit: Quidam duos tantum referunt, *Mermerum & Phoretum*: HELLANICUS etiam *Philoceum* addit. CINETHON LACÆDEMONIUS *Medum & Eriopin* fillam nominat, uti ex PAUSANIA constat. Alii *Dydymiam*, *Alcymenum Thersandrum & Thessalum* in medium adducunt. Marmor nostrum quatuor agnoscit, quorum primus juxta currum jacet, secundum Medea pede arreptum, sinistroque humero injectum secum avehit, duos reliquos autem vivos adhuc relinquere videtur, ad mentem eorum, qui relictos quidem à Medea, sed postea à Corinthiis, Lapidibus obrutos memorant, uti apud eundem PAUSANIAM videre est. APOLLODORUS relictos supplices, ait, ante Acreæ Junonis templum, sed hic inter rudera Regii Palatii cernuntur; illud enim, cui infantes assistunt, Columnæ fragmentum est, non urna, qualis in BELLORII marmore.

## II.

PELEI ET THETIDIS  
NUPTIÆ.

**P**elei & Thetidis hinc adumbrari Nuptias, non tantum ex Deorum præsentia intelligitur, sed vel potissimum ex coherentia cum Tabula sequente, in qua *Judicium Paridis* exhibetur,



tanquam actus, Nuptias has immediate subsecutus. Peleus Æaci ex Ægina filius, Prioribus nuptiis Antigonem Eurytionis filiam, posterioribus autem Thetin memoratur habuisse. Amaverat Thetin Jupiter, sed quod majorem Patre ex ea nasciturum ex Themide didicisset, non tantum ejus complexibus abstinuit, sed & voluit, ut mortalis ea Viri conjugio cederet. Si fabulæ fides, Thetis in varias se formas vertere solebat. Consilio igitur Chironis eam comprehendendi ac detinendi rationem edoctus Peleus, quiescentem corripuit, nihilque factis, nunc ignis, nunc aquæ, nunc ferarum, quos assumebat, vultibus, non prius brachium dimisit, quam pristinam Deæ formam restitutam animadverteret. Ita nuptiæ in Pelio monte celebrabantur, easque præsentia sua honorarunt & Dii. Discordia, quod invitata non fuisset, contemptum ultura, malum aureum cum lemmate, *Detur pulcherrima!* Cœlesti consensui projecit, eoque lecto, inter Junonem, Minervam & Venerem de forma contentio orta est, quam Paris deinceps, ut in frequenti dicetur, judicio suo legitur diremisit. Hæc est brevis totius fabulæ narratio, qualiter ferè à Mythographis traditur. Ad Ejus feriem marmor propositum exigamus! Locus ad amussum respondet. Montem esse nemo non videt. Montem Pelium esse, patet non tantum ex fabulæ contextu, sed etiam ex medio *antro*, quod *Chironis* erat. Ita ORPHEUS in Argonauticis §. 375. ubi Peleus ad Heroës de Pelio monte.

ὦ φίλοι, ἀδελφεῖτε σκοπιῆς περὶ χονὼ κολωνόν  
Μέσσω ἐνὶ περὶ ὄνι κατὰ σκιον ἐνθάδε χείρων  
Νόμει ἐνὶ σπήλῳ γιγναι δὲ καὶ ἐνὶ χείρων.

*Cernitis excelsæ collem sub vertice, Amici,  
In medio umbrosæ spatio. Justissimus illic  
Centaurotorum habitat, spelunca in margine Chiron.*

Quibus ex verbis simul palam est, cum, qui ex antro hoc, capite & brachiis emicat, ipsum Chironem esse. Antra Chironis amœna, non minus ac ipsos Deos, nuptialem lætitiæ permulsiſſe, QUINTUS SMYRNÆUS Author est, in eo à marmore nostro diversus, quod & Nymphas, & Gratias, & Musas Lætitiae ministras fecerit,

fecerit, quæ tamen hic non apparent. Dii ex insignibus noscuntur. Jovem fulmen demonstrat, Mercurium galeus, Dianam Luna falcata, Palladem Cassis, Venerem protervitas, Martem clypeus, Solem quadrigæ. Reliquos injuria temporis incertos fecit, vix tamen dubium est, quin mulier ad dextram sedens Thetis ipsa sit, & adjacens Vir ipse Peleus, prout & Junonem vel juxta Jovem, vel quod verius arbitror, inter Palladem & Venerem quæsieris, jam tum de formæ Palma certantem. Dianam & Phœbum nuptiis his non interfuisse, scribit CATULLUS Carm. 65. Sed Juno apud *Quintum Smyrneum* lib. 3. v. 96. necem Achillis Phœbo exprobrans, eum in nuptiis cecinisse dicit:

*Phœbe, quare scelus istud hoc die patraſti?  
Connubii illius oblitus, quod ipsi nos Dii  
Semideo Peleo conciliavimus; unaque in medio  
Epulantium cantabas, quo pacto Argenteis pedibus Thetis  
Peleus Uxorem duceret, cum vastum maris gurgitem de-*  
*servisset*

*Et Te Citharam feriente, densa agmina occurrerant,  
Bestia volucresque, & profundis scopulis montes,  
Nec non & fluvii, & omnis opaca veniebat sylvæ.*

Sed quod hic Phœbo tribuit Juno, id apud Authorem eundem, Nestor tribuit Musis, in eo utrinque concordante Testimonio, quod bestię cantu delectatæ dicantur, appositè ad bovem nostro in mare, ad latus Thetidis, quiescentem; Quamquam, ne quid dissimulem, nec Phœbus nuptiis his videatur vel adesse, vel abesse: Quadrigis vehitur, id quod in Coelo solet, quadrigæ tamen non sunt omissæ, ut intelligas, nuptiis eum favisse. STAPHYLUS *de rebus Theſſalia* scribit, Chironem sapientia, & rerum cœlestium peritia insignem, Peleo gloriam conciliaturum, cum filiam Actoris Myrmidonis ei collocaret, divulgasse, Peleum Thetidem, Jove nuptias conciliante, ducturum, Deosque cum imbre & tempestate affuturos: Observasse verò tempus, quo ingentes pluvie, ventorumque turbines existerent, eoque Philomelam elocando, famam de Thetide Peleo collocata, Deorumque præsentia, firmasse. Hæc si ita sint, jam constat, cur Phœbum nuptiis his abfuisse CATULLUS cecinerit.

Alia subit difficultas. Duos Equites cernimus. An hos Dioscuros putabimus? an Equos eos, quos Neptunum Peleus donasse apud APOLLODORUM legimus, *Balium* scilicet & *Xanthum*? Sed opinio de Dioscuris prævalet, cum dimidiatus adhuc in altero pileus appareat. De Equis est locus Pindari Pyth. 1. Ubi Tyndaridas λεονοπόλης *albis Equis insidentes* nominat, qualiter & innummeris in Romanorum numismatibus hodiernum videntur.

Ad Discordiam transimus, quæ proposito in segmento alata, & cum Palma visitur, qualiter allas Victoria solet, cum tamen Autho-  
 ribus Furiae instar depingi soleat. PETRONIUS:

*Scisso Discordia Crine*

*Extulit ad Superos stygium caput. Hujus in ore  
 Concretus sanguis, contusaque lumina flebant:  
 Stabant erati scabra rubigine dentes:  
 Tabo lingua fluens, obseffa Draconibus ora,  
 Atque intertorto laceratam pectore vestem  
 Sanguineam Tremula quatiebat lampada dextra.*

Dextram & caput Eridi propositæ injuria temporis abstulit, ideoque de iis judicare nobis integrum non est. Vestis licet in pectore lacerata non sit, est tamen ad femur scissâ, secundum MARONEM in Octavo Æneid.

*Et scissa gaudens vadit discordia palla.*

QUINTUS SMYRNÆUS Lib. 10. §. 60. ei arma tribuit exadamante, tabo foedata, sed nulli, ait, apparere, quod cruentam nubem humeris circumdatam ferat. Sed hæc descriptio marmori nostro non quadrat. HOMERUS Lib. XI. §. 11. Deam appellat, qualiter & à Mythographis dicitur. Ad alas succurrit HESIODUS, qui in *Scuto Herculis* Eridem sive Discordiam volasse canit.

Ἐπὶ δὲ πλοσυροῖο μετόπισθε  
 Δαίη ἕως πεπότητο.



## JUDICIUM PARIDIS.



**A**D Paridem, Regis Priami filium, in Gargaro, Idæ montis vertice, pecora pascentem, judicium de pulchritudinis prærogativa, à Jove relatum, Mercuriūque jussū, & pōmum perferre, & Deas deducere, ex Authoribus constat. In proposito marmore, Paris habitu Phrygio sedet, eique adstant non Deæ tantum & Mercurius, sed & cupidō, imo & sequitur à Dearum tergo Discordia. Mercurii Sermonem exprimit Lucianus: *Jupiter jubet Te, PARI, siquidem formosus es, & rerum amatoriarum doctus, sententiam ferre inter Deas, quam illarum sit formosissima. Certaminis autem præmium, ea quæ vicerit, pōmum accipiat!* Apud Eundem & Paris respondet: *Utra capella sit aliter formosior, & Juvenca alia Juvenca, forsitan ex arte judicare possum.* Quibus ex verbis, pecorum, montis in vertice, & circa antrum quiescentium, ratio plana est. Circa antrum, in quo Deæ nudæ visuntur; Neque enim Paridi satis erat vestitas vidisse: γυμναῖς ἰδέειν ἐβόλοι, inquit; *Nudas videre volo*, id quod & jubente Mercurio factum memoratur. Sed nihil in his incognitum, neque enim vel de Paridis Juventute & formositate, neque de Dearum cultu quæsiētis, cum illius prædictus **AUTHOR** luculentus testis sit, hujus autem ratio,  
**MYTHO.**



MYTHOLOGIS jam dudum reddita proſtet. De promiſſis  
Dearum Venerisque Victoria, ipſius Paridis Verba ſubjicimus : ita  
ille apud OVIDIUM in Epistoſis.

*Regna Jovis conjux, virtutem filia jaſtat.  
Ipſe potens dubito, fortis an eſſe velim?  
Dulce Venus riſit, nec te, PARI, munera tangant,  
Utraque ſuſpenſi plena timoris, ait.  
Nos dabimus quod ames, & pulchra filia LEDÆ  
Ibit in amplexus pulchrior ipſa tuos.  
Dixit, & ex aquo donis formaque probata,  
Victorem cælo rettulit illa pedem.*

### III. INCUNABULA PYTHAGORÆ.



**E** Legantiſſimum hoc, cum Tabula ſequentē, Venerandæ An-  
tiquitatis monumentum, INCUNABULA PYTHA-  
GORÆ, ipſe PIGHIUS inſcripſit. Eum titulum, celeberrimi viri effato parentes, mutandum non cenſuimus, quanquam  
appariturum ſit, non tam incunabula, quàm infantiam & pueri-  
tiam, imò & vitæ Virilis non contemnendum eo exhiberi docu-  
mentum. Infantiam cernimus in ſegmento priore, quod hic  
pro-

proponimus. Sex in eo sunt mulieres; dimidiam enim, quæ personam scenicam à tergo extendit, ad inferius referimus. Prima foemina sedet, eique secunda velata infantem adducit, vasi cuidam pedes immersum. Infans vasi pedibus immersus persuadet, Natalitiam quandam solennitatem hic præfigurari: neque enim ad Expositionem respexeris, licet eam in fictilibus fieri solitam, ex ARISTOPHANE pateat. Potius Vasculum hoc ad Lavacrum referas, quod infantibus adhiberi solitum, ex PLAUTO constat, cui addi potest & Cel. RAPH. FABRETTUS in notis ad Tabellam Iliadis, ubi similem puerum cum vase exhibet; & Doct. CASP. BARTHOLINUS de puerp. Væt. Forſitan etiam respicias ad Lustrationem, quæ apud Græcos vel die *decima* fiebat, unde & *Δεκάτη* vocabantur sacrificia tunc fieri solita, vel die *septima*. De decima testatur *SUIDAS*, aliique: De septima ARISTOTELES. HARPOCRATION utramque conjungit. Τοῖς ἀποπερχομένοις παιδίοις, inquit, τὰς ἐβδομαδας καὶ τὰς δεκάδας ἔργον, ἃ, τὰ γε ὀνόματα ἐτίθεντο αἱ βροτοὶ οἱ μὲν ἐβδομῃ, ὡς ἃ, ὁ ῥήτωρ, οἱ δὲ τῇ δεκάτῃ. Quibus ex verbis simul intelligimus eo die nomen infanti impositum, id quod non minus & Romanis in usu erat, quanquam hi non diem *septimum*, aut *decimum*, ut Græci, observabant; sed, si puella foret, *octavum*, si puer, *nonum*, uti ex *FESTO* planum est, & firmatur Autoritate PLUTARCHI in Quæst. Rom. & MACROBII I. Sat. c. 16.

Sed Romanos paulisper seponimus, ad ritus Græcorum rem exigendam, memores. Apud hos non confundenda *Amphidromia*, quæ die quinto fiebant, cursim ferendo partum circa aram, id quod pluribus adstruit MEURSIUS de *festis Græcorum*. Prævia hæc erant Lustrationi, quam in monumento nostro si admittas, consequens est, ut sub muliere infantem tenente *Patritam* intelligas, cujus PLAUTUS meminit, in *Milite*:

*Tum PATRITIAM clementer non potest quin munerem.*

Ubi alii *Piatricem* legendum contendunt: Consequens est, ut eam, quæ machinæ insidet, Matrem ipsam statuas, lecto nisi fallor, infidentem. Sed fortius pro Die Lustrico surgit argumentum ex tribus foeminis adstantibus, quarum una stylum & volumen, altera volumen, tertia sceptrum, & à tergo rotam habet. Sceptrum

una ex Fatis præfert in Numismate *Maximiani Herculei*, quod in Eruditissimis ad Juliani Cæsares notis PERILL. SPANHEMIUS exhibet: Imò præter sceptrum eodem modo Fata etiam Altheæ adstantia delineat noster PIGHIUS alibi, quod ideò etiam tangi meretur, quia inter *Admiranda* aliter, & quidem loco sceptri, voluminum & styli, stipites tenent, eos in ignem, ut videntur, conjecturæ, quod celeberrimo BELLORIO causâ dubitandi fuit, Fata agnosceret, an Furias? Sed habitus & insignia omnem dubitationem tollunt. Furiarum alius planè inter Antiquitatis reliquias prostat. Numismata apud Eundem PERILL. SPANHEMIUM in laudato Opere, facibus, serpentibus & stimulis armatas exhibent, qualiter & veteribus describuntur, uti ex CICERONE lib. de Legibus, & VIRGILIO patet. Multò aliter Fata; Hæc enim ut imperium in res humanas ostendant, sceptrum præferunt: Ut decreta sua certa significant, volumina gestant: Ut vigentem innuant divini consilii in humanis efficaciam, adjacentem habent rotam. Imperium exerunt in homines, non tantum mortis tempore, prout in Meleagro videmus; sed etiam tempore nativitatis, prout in Pythagora. Id die lustrico potissimum fieri, vel ideò credendum, quod tunc omnia captare mos erat, vel ex nomine, vel ex Horoscopo, aliisve, quæ ad eum diem contigerant; Ea enim omnia vocabant *Fata*, & in Tabulis describebant, id quod ex CHRYSOSTOMO liquet in Epist. ad Galatas. Imò & Fatis Deabus arbitrabantur notari, quo pertinent illa AUSONII de Æmilio Magno Arborio

*Me Tibi, me Patribus clarum decus esse, professus  
Dictasti FATIS verba notanda meis.*

Quæ appositè quadrant ad Fata hoc in monumento expressa, quibus, ut diximus, non Rota tantum & sceptrum datum est, ad indicandum imperium in totum vitæ humanæ decursum, sed etiam Tabulæ, & Volumina, & stylus, quæ solita apud Antiquos Scribentium fuerunt instrumenta. Sed hæc de primo segmento sufficiant! Ad secundum transimus.





In hoc plura veniunt accuratiore contemplatione dignissima. Puerum videmus, cum volumine, Magistro adstantem: videmus Mercurium, & duas Musas, puerum comitantes: videmus juvenem bigis cum Aquila vectum, cujus equos foemina humi suspicit, servus frenis apprehensos dirigit.

Omnia hæc indubitata sunt Argumenta, non aliùs hîc historiam adumbrari, quàm Pythagoræ. Νέος & Φιλομαθής, juvenis & discendi studiosus vocatur DIOGENI LAERTIO, quo teste & Magister ejus fuit Pherecydes Syrus, id quod etiam ex ÆLIANO discas, *Var. Hist. lib. 5. c. 2.* Indeque dubium non est, quin Pherecydis hîc simulacrum exhibeatur, quo doctore in Lesbo Pythagoras rudimenta posuit. Equidem præter hunc etiam Hermodamantem habuit, eodem DIOGENE teste; imò & in Ægypto Sapientes, docente LUCIANO in *Auctione Vitarum*, inter quos Sonchidem memorat CLEMENS ALEXANDRINUS; sed omnes hos post Pherecydis mortem, cum vel ex Lesbo in Samum regressus fuisset, vel inde in Ægyptum transiisset. De Pherecyde ejusque studiis, penitus videndum, cum ex hujus fontibus Pythagoras pleamque postea Italicæ Philosophiæ videatur hausisse dogmata.

Fuit Pherecydes ex Insula Syro, teste APULEJO in *Floridis*. Vixit Olymp. 29. sive sub Tullio Hostilio, dixitque primus, animos hominum esse sempiternos, uti docet CICERO *Tusc. Quest.* imò DIOGENE LAERTIO ex Theopompo asserente, primus itidem scripsit de Natura & Diis, constabatque ejus Theogonia Libris X. continebatque Deorum Ortum & successum, uti est apud SUIDAM. TZETZES eum Croesi temporibus vixisse statuit, primumque invenisse Ecclipses & Periodos Lunæ. Divinandi arte instructum



LAERTIUS pluribus exemplis firmat, proindeque haud mirum, si Pythagoras, cum ab hoc Magistro artium sempiternitatem didicisset, postea μετεμψύχωσιν excogitaverit: cum de Diis audisset, Deos sibi comites, imò seipsum Deum finxerit: cum ecclipses & periodos Lunæ accepisset, Astrologicas scientias deinceps coluerit, & Veneris Planetæ, in ortu Luciferi, in occasu Vesperii appellati, naturam, & primus deprehenderit, id quod & numisma, supra capite primo No. 3. allatum, testatur. Non autem solam Astronomiam exercuit, imò & Arithmeticam & Geometriam, & Musicam & prodigiorum scientiam, & præstigiorum artem professus est, de quibus omnibus Mercurius apud LUCIANUM in *Vitarum Auctione* Mercatori interroganti, quid potissimum sciat Pythagoras? Respondet: Ἀριθμητικήν, Αστρονομίαν, Περσεύειαν, γεωμετρίαν, μουσικήν, γρητέαν, μάντιν ἄλλων ἐλέγχεις.

Possẽm hic latius excurrere: Possẽm Μετεμψύχωσιν, nixamque ea animantium & fabarum in cibos prohibitionem deducere: Possẽm ordinem institutionis Pythagoricæ; Sed cum horũ in marmore nostro mentio non fiat, nec calamo addenda putamus: Idque eo minus, quo fecundiorẽ adhuc materiã ipsã Antiquitatis suppeditat.

Musæ se sistunt & Mercurius. Mercurius? An quod animarum quæstor esset? qualem, DIOGENE LAERTIO teste, ipse Pythagoras appellabat. Verba adjicimus, ut simul & appellationis ratio elucescat: Τὸν δὲ ἐρμῆν τιμίαν εἶναι τῶν ψυχῶν, dicebat, καὶ διὰ τὸ πομπέα λέγεσθαι, καὶ πυλαῖον, καὶ χθόνιον, ἐπειδὴ περ ἔτ' εἰσπέμπει ἀπὸ τῶν Σωμάτων πρὸς ψυχὰς ἀπὸ τῆ γῆς, καὶ ἐκ θαλάσσης. Sed alia adhuc ratio in ipsa Pythagoræ Μετεμψύχωσι latet; Mercurium enim Patrem fuisse Æthalidis, primi, in quo Pythagoræ anima habitaverat, filioque memoriã omnium, animæque transmigrationem concessisse, ipse de se Pythagoras prædicabat. DIOGENEM LAERTIUM & hic testem adducimus, ex quo & discas, Pythagoram Quintũ ab Æthalide fuisse, migrante anima ab Æthalide in Euphorbum, ab hoc in Hermotimum, ab Hermotinio in Pyrrhum, à Pyrrho in Pythagoram, quanquam A. GELLIIUS seriem aliter suggerat. De Transmigratione ex Pythagora in Aspasiã Milesiã meretricem, & ex hac in Craten Cynicum, inde in Regem, Pauperem, Satrapem, Equum, Graculum, Ranam, aliæque innumerabilia, & postremo in Gallum, videri potest LUCIANUS. Huc nihil facit. Ad Musas transimus.

Musas

Musas propositó in monumento prodit Larva Scénica, quæ in antiquis monumentis, quibusdam Musarum tribui solet. Ita in numismatibus Pomponiæ Gentis Euterpe & Thalia, quod URSINUS ideo factum arbitratúr, quod illa Tragoediam, hæc comœdiam invenerit, secundum Epigramma Græcum.

Κωμικὸν εὖρε θάλεια βίον τε ἢ ἡδρα κεδνά

Ἐτέρῃ τῷ ἀγχιότο χορῷ πολυχέα φώνην.

*Comica vita Thalia Tibi est morēsque reperti*

*Euterpeque Chori Tragici resonabile carmen.*

Suffragantur & aliæ Antiquariæ suppellectilis reliquiæ, quarum plures in schedis Pighii nostri cernimus.

Sed de Musis uitique constat, quid autem eæ ad Pythagoram? id paucis videtur exquirendum. Pythagoram Musis bovem immolasse, cum aliquid in Geometria invenisset, vulgaris opinio fuit, quod tamen non credit CICERO, *de Nat. Deorum lib. 3.* idque ideo potissimum, quod non verisimile sit, eum bovem immolasse, qui à sanguine animalium abstinendum sanxisset. In delubrum Musarum Eum confugisse, cum Milonis domus incensa esset, ibique, cum 40. dies perstitisset absque cibo, defecisse, teste LAERTIO, Dicæarchus Author est; Sed quid hoc ad Musas Juveni adstantes? Ex PHILOSTRATO rationem adducimus, qui non tantum Apollinem manifeste, sed etiam Palladem, & quod rei caput est, Musas, non manifeste secum loqui consuevisse, alios insuper Deos, quorum nec facies nec nomina adhuc hominibus nota essent, Pythagorâ tradit narrasse, adeo, ut mirum non sit, quod ex PHAVORINO LAERTIUS tradit, Domum Pythagoræ Metapontinis Cereris delubrum, Vicumq; *Musis* sacratum audisse. Ad Pythagoræ simulacrum revertimur. Barbatum proponit URSINUS, idq; ex Numismate Samion, ubi senis effigies est, ad OVIDII effatum, cui *Samius Senex* audit; At in nostro monumento nulla barba, nullum senis vestigium apparet. Ante Magistrum effigies puerilis visitur: In curru autem vel juvenilis, vel prima virilitate conspicua; utrinque qualiter DIOGENI LAERTIO dicitur *σεμνοπρεπὲς*, *venustissima forma*. Venustas sane apud LUCIANUM Mycillo scommatis ansa fuit. Ita enim ad Gallum: *Σὲ ἐν Φασί ἢ, πυθαγόρειν ὄντα τὴν ὥσιν λαμπρὸν πολλοῖς Ἀσπασίαν γινέσθαι τῷ πορίνῳ.* Ajunt Te etiam Tym. quum Pythagoras esses, *VENUSTA FORMA DECORUM sapiens Aspasiam fuisse Tyranno.*

Honestiore elogio, Mercatori, apud eundem LUCIANUM, in *dictione vitarum*, cum empturo, *forma non illiberali*, τὸ μὲν εἶδος ἐν ἀγενῆς dicitur, uti & Jupiter ipse κομήτην, *comatum* appellat.

Sed quid Aquila ad Pythagoram? Hæc firmissimum Testimonium perhibet, non alii marmor nostrum esse addicendum. ÆLIANUM audi! Τὸν αἰετὸν τὸν λευκὸν κατέψησεν ὑπομένειναι αὐτὸν, inquit lib. IV. c. 17. AQUILAM ALBAM, *quæ volatu se ei* (Pythagoræ) *submiserat, contrectavit*. Hæc quam appositè marmor fulciant, juxta & explicant, nemo non videt. De vestitu docet LAERTIUS: *Stola illi candida semper ac munda, stromataq; item, candida ex lana*. ÆLIANUS de veste alba suffragatur, sed addit coronam auream, & Anaxyridas. PHILOSTRATUS Vestitum ex morticina materia eum renuisse Author est. In lapide nostro stola ad oculum patet: Patet & velum divinitatis, circa caput volitans, quale in numismate Faustinae matris Æternitas ventilat. Quid hoc indigitari credas, si non divinitatem, quam sibi etiam vivus arrogabat: afferens, si PHILOSTRATUM audis, *Se interfuisse aliquando Concilio Deorum, atq; ab iis didicisse, quæ illis grata, quæ contra haberentur, imò accepisse* ἑς *ea, quæ de rerum natura proferre consueffet*. LUCIANI Gallus animam Pythagoræ initio ab Apolline profectam memipit; indeq; apud eundem Menippus eum allocutus: *Salve Euphorbe*, inquit, *sive APOLLO, sive deniq; quodcumq; voles*. Et Mercator alibi, *Femur est illi aureum*. DEUS, *non mortalis videtur esse*. Taceo ἱερὸν λόγον *Sacrum Sermonem*, quem ab Ægyptiis accepit; taceo πάντα θεῖα ἢ ἀπόρρητα, *Divina* ἑς *Arcana multa*, quæ secundum PHILOSTRATUM ab eo dicebantur. Taceo *tripodem Pythagoricum* teste Coel. Rhod. l. 19. c. 7. ideo dictum, quod nihilo fecius, quam Apollo effari consuevisset; Sed quod θεοπέσις *Divinus* LUCIANO non uno in loco cognominatur, & PLATO eum, ut *Divinum*, miretur & suspiciat; in id quod ex domo ejus Templum fecerint Metapontini, ipsumq; pro DEO coluerint, ut JUSTINUS l. 20. c. 4. memorat, id prætereundū non est; luculentum enim creditæ divinitatis, quam velum adumbrat, Pythagoræ inde surgit testimonium, simul cum ratione Bigarum figurarumq; reliquarum, quarum altera foemina sub bigis jacens visitur, altera virilis Equos frenis arreptos tenet. Foeminam Tellurem interpretamur, quam Divinitatis Vehiculo Pythagoras supergressus fingitur: figuram virilem Zanolxim Pythagoræ discipulum & servum, qui & ipse Divinitatis famam & cultum, si non apud Græcos, tamen apud Barbaros obtinuit.

CEPHA-



# CEPHALUS ET PROCRIS.



**C**ephalus & Procridis fabulam hic exhiberi, facile intelliget, cui rei series innotuit. Procris erat Pandionis, vel secundum alios Erechthei



Erechthei Atheniensium Regis filia, & Cephali Dejonis vel Dejonei, vel, ut alii volunt, Mercurii & Herfes filii uxor. Inter hos cum pactum intercederet, ne cum aliis quibuscunque rem haberent, Cephalus quidem ab Aurora adamatus, imò & raptus est; Sed ut pacto staret, amanti concubitum negavit. Aurora repulsæ impatiens, Cephalum quidem domum remisit, sed ut Procridem ei in suspicionem adduceret, multis cum muneribus, & mutatâ figurâ, ut uxor, hâc decepta, & illis seducta, fidem prior falleret, faciliorque deinceps Cephali voluntas esset. Respondit Eventus Consilio. Procris munerum cupidine amorem proditura coarguitur, & pudore suffusa, in Cretam abit, ubi vel à Minoë vel à Diana & jaculo donata est, & cane Lelape; His muneribus regressa Cephali pudicitiam ignota & ipsa expugnavit, & ita marito reconciliata est. Gliscebant tamen occultus Zelotypiæ fervor. Igitur cum Cephalus matutino tempore venatum exiret, verita Procris, ne cum Nympha aliqua ille concumberet, clam eum infecuta, inter virgulta delituit, donec Cephalus Venatibus lassus, ex consuetudine Auram invocaret, ut sibi vires reficeret: Tunc iniquiore Cordis æstu se movens Procris, à marito feram existimante, eodem jaculo, quod ei dederat, percussa est. Lethale erat vulnus, post extractum tamen telum infelicem maritum, moribundæque adstantem Procris oravit, ne Auram ducere vellet, ex eaque petitione error ex nomine *Aura* ortus apparuit. Hæc fabulæ series est, prout fere ab Authoribus traditur. Videri de ea possunt OVIDII lib. 9. Metamorph. circa finem, Hyginus fab. 189. & alii.

Si propositum monumentum conferas, primo Cephalum videbis in folio sedentem, cum adstante à tergo milite, à latere autem ipsam Procridem, cui fidem videtur jurare. Sequitur Cephalus peregrina forma Procridem in Thalamum recipiens. Forsitan illic non Cephalum, sed Minoë præfiguratum, & hîc non Cephalum Procridi, sed Procridem Cephalo insidiantem arbitraberis, eo quod ipsa velata, adeoque ignota Thalamum ascendat. Id per me licebit, quanquam & juxta considerandus sit imberbis Cephalus, adeoque forma mutatus, cum in sequentibus ubique barbatus sit. Velamenta Procridis, non tam Cephali ignorantiam arguunt, quam Procridis pudorem, cum antiquitus meretrices velamentis se se operuisse vel exemplo ex Sacris constet. Sed hæc utique liquet. In sequentibus  
Cephalus

Cephalus cum jaculo, & cane Lelape, & Equo, venatum proficiscitur. Cum Equo & cane? Atqui apud OVIDIUM ipse:

*Nec mecum famuli, nec equi, nec naribus acres*

*Ire canes, nec lina sequi nodosa solebant.*

*Tutus eram jaculo.*

Sed diversa sunt de Cephalo commenta. Artifex aut communem venantium morem, aut alium Mythologum secutus, utrumque expressit, in sequentibus NASONI propior.

Aura in nubibus sedet, quam anhela voce implorans Cephalus, credulam Procridis Zelotypiam impulit. Procris inter Virgulta sedens, & jam jam moritura, manum versus maritum attollit, tanquam illum imploraret, ne Auram, se mortua, conjugem duceret. Cephalus ipse, vultu in moestitiam composito, jaculum quidem ex conjugis pectore extractum, receptumque sinistra tenet, dextra autem & ipse elevata casum conjugis deplorat, erroremque detegit. En pulcherrimum totius fabulae nexum! Eoque modo artificis genio effectum, quo & ab Authoribus descriptum in superioribus diximus.

# CLEOBIS ET BITON.

Matrem ad Junonis Templum  
trahentes.



**H**istoria, quæ hoc & sequentibus duobus elegantissimi marmoris in segmentis exhibetur, apud HERODOTUM exstat, apud quem lib.1. cap.31. interprete VALLA, quum Solon à Croeso interrogaretur, quemnam secundum à Tello beatum vidisset? respondit: Cleobin & Bitonem; quippe genus Argivum fuisse, & victum suppeditasse Corporis, adhuc robur tantum, ut & in certaminibus ambo Victores exstiterint: Additque de his ista memorari: Quum dies festus apud Argivos esset, oporteretque omnino matrem eorum ad templum ferri bobus junctis, hique boves ex agro eis ad horam præsto non essent, tunc juvenes exclusi

exclusi tempore jugum subeuntes, plaustrum pertraxerunt, quo mater vehebatur, & quinque ac quadraginta per stadia trahentes, ad templum pervenerunt. Quibus cum hac fecissent, & ab omni cœtu conspecti fuissent, optimus obtigit vita exitus, & per hac Deus iudicavit, satius homini esse mori, quam vivere. Nam cum circumstantes Argivi laudibus tollerent, Viri quidem consilium filiorum, femina vero Matrem eorum, quod talibus filiis prædita esset: Mater gaudio perfusa, cum Liberorum factio, tum fama, ante simulacrum stans, precata est eam, ut Cleobi & Bitoni filiis suis daret id, quod optimum esset homini contingere; Post hanc precationem ubi sacrificarunt, epulati sunt, quiescentesque in ipso delubro, non sunt amplius excitati, sed hoc vita exitu perfuncti. Quorum effigies, tanquam Virorum, qui optimi existissent, Argivi factas apud Delphos collocarunt.

Hæc est historia, ut dictum, qualiter apud HERODOTUM eam Solon enarrat. Si marmor conferas, ipsam matrem in plaustro cernis, cernis eam capite velato, quod sacrificantibus moris fuit, & in sacerdote Junonis etiam Deæ memoriam renovat, quæ & ipsa interdum velata occurrit. Mater in Plaustro vehitur, idque bobus junctis, qualiter ad Templum Junonis solebat; Sed bobus adstant Filii, quod hi, bobus absentibus, eorum vices subiissent: Adstant nudi, idque secundum CICERONEM *Tuscul. quest. lib. 1. cap. 47.* Ubi veste posita Corpora Oleo eos perunxisse, & ita ad jugum accessisse, memorat. Illud fortasse incongruum putaveris, quod nimis juveniliter sculpti sint, cum tamen, HERODOTO teste, Corporis robur tantum fuerit, ut in certaminibus ambo Victores extiterint, & Argivi eorum effigies tanquam Virorum apud Delphos dedicaverint: Adde, quod & PLUTARCHUS eos VIROS appellavit; Sed notandum, appellationem virorum juventutem non tollere. Quos HERODOTUS & PLUTARCHUS Viros appellant, eos CICERO *juvenes & adolescentes*: & si robur in medium adducas, illud sanè luce clarius elucescit in succulenta illa, qua fulgent, musculorum crassitie, artuumque vegeta stabilitate.



**MATER**  
Junonem adorans  
Filiis mortem impetrat.



**P**ietatem Fratrum vidimus. Hic cernimus pietatem matris, pietatis-  
que præmium. Mater ante templum faces extollit, procul du-  
bio, quod pro vita & felicitate filiorum oraret, & quod oraret Deam  
vitæ potentem. Vita veteribus sub facis ardentis schemate præfigura-  
batur, uti mors sub face extincta, id quod marmora ad oculum testan-  
tur. Forsitan quod Ilithia, quæ eadem cum Junone fuit, in numisma-  
tibus facem præferat, vel etiam, quod inter sublunaria Diis nihil magis  
conveniat, quam ignis; Sed Ilithia facem præfert, quod vitam lar-  
giatur, & Deos precantes, quid adhibeant potius, quam Symbola  
Divinæ Naturæ affinia? Nihil hic de sacro Dianæ, in Nemore Aricinæ,  
de quo OVIDIUS in Fastis.

*Sape potens voti frontem redimita coronis  
Fosmina, lucentes portat ab Urbef aces.*

De quibus videri possunt & PROPERTIUS & STATIUS. Nihil de facibus, novæ Nuptæ præferri solitis, de quibus & FESTUS & PLUTARCHUS in *Questionibus Romanis*. Nihil de Festis Promethei, Minervæ & Vulcani apud Athenienses, in quibus faces ferri solebant; Sola pietas, vitæque felicioris votum propositas accendisse videtur, ideò duas, quod de duobus filiis precatio ad Junonem, vitæ felicitatisque præsidem, tenderet. Quo successu? Alio plane, quam speraverat Mater, id precata, quod Dii judicassent optimum; Sed an mortem? Ita Dii judicarunt, procul dubio contra matris intentionem, quod vivos beari maluisset. Sed aliter res cecidit: Epulati cum matre adolescentes, somno se dederunt, & in tantâ gloriâ vitam cum morte, citra ullum dolorem vel cruciatum, reperti sunt commutasse.

## FILII ÆTERNITATIS

Participes

à Junone excipiuntur.



Vitam beatam filiis suis precata erat mater, sed loco vitæ eorum mortem obtinuit: ut Authores arbitrantur, quod Dea


T 2

judice

judice mors vita præstaret, imò quod mors vitæ beatæ non finis, sed initium esset. Vita nostra quid est, si non ærumnarum concatenata series, & quid homini conducibilius, quam iis solvi? Hæc ita si nulla spes post mortem superesset. Sed superesse, & quidem felicitatis perfectissimæ, etiam Ethnicis indubium fuit. Adspice marmor nostrum! Juvenes, quos modo humi jacentes & mortuos vidimus, eos hic cernimus vel bigarum frena apprehendere, quibus Æternitas vehitur, vel coram Junone, an Matre? flexis genibus beatissimæ vitæ dulcedinem agnoscere. Æternitatem prodit velum circum Caput in circulum volitans, & quasi in se reductum, nullo apparente, nec Principio, nec fine. Eo enim Symbolo uti jam supra diximus, etiam in Romanis numismatibus Æternitas præfigurari solet, ex quibus etiam, bigis vectam, intelligimus, exemplo exstante apud OISELIUM Tab. 104. ex nummo Faustinae matris. Illud in proposito novum est, quod non Æternitatis curru vehantur juvenes, sed quod frena Equorum apprehendant, prout & supra Zamolxis, quasi non tam Æternitati traditi, quam Æternitatis cursum dirigentes. Felicitas creditur terrena, si rerum in decursu temporis nobis adversantium acerbitatem, prudentia vel evitare, vel emollire possumus. Quidni igitur felicitas æterna, quod Æternitatis decursus, quasi ab arbitrio beatorum dependeat?

VI.

ROMULI ET TATII  
FOEDUS,  
CONCORDIAM  
CONCILIANTE HERSILIA.



**H**ersiliam, Tatium, & Romulum tribus his figuris designari, STEPHANI WINANDI PIGHII conjectura est, nec immeritò; Licet enim Romulus in Numismatibus proluxa barba conspicuus, in proposito monumento autem imberbis sit, differentia tamen tanta non est, ut non diversitate temporum & ætatis excusari & possit & debeat. Reconciliatio cum Sabinis accidit Anno M. 2205. ab V. C. septimo, Triginta annis antequam Turbine abriperetur; At Effigies in nummis ad eam formam delineata est, qua post derelictam vitæ stationem Proculo apparuit, seque in cœlis Quirinum appellari, significavit

Adeò



Aded ut planum sit, in numismate senem, sub reconciliationem autem cum Tatio, adhuc Juvenem, adeoque imberbem fuisse, qualis in proposito monumento visitur. De Tatio diversa ratio: Barbatus is est, non minus ac in numismate; Sed barbatus fuisse etiam tempore reconciliationis cum Romulo, brevis imperii persuadet. Quinque annos cum Romulo cum imperasset, Laurenti trucidatus est.

Sed, inquis, Togatus is est, cum tamen bellica veste indutum oporteret, non minus ac Romulum? Hoc & historiae, & Romanae gloriae videtur datum. Cum post Romuli preces denuo concurrerent hostiles acies, *Res Romana*, inquit LIVIUS, *superior fuit*. Superior fuit Res Romana; quid igitur mirum, quod Sabinorum Ducem habitu pacifico, & proinde pacem petentis, cernamus? quid mirum, quod cernamus Romulum bellico, & pacis leges quasi dictantis? Facilius Victi ad pacem inclinant, quam Victores, & hinc est, quod Hersilia non ad Tatium, sed ad Romulum convertatur, manibusque elevatis eum demulceat.

Hersilia, Sabina quidem, sed ex raptu Romuli uxor fuit, adeoque hic omnium raptarum loco videtur concordiam suadere, prout LIVIO teste, Duces ad foedus faciendum prodire, adeoque exercituum loco fidem sanxere.





Uinum Viridarii nostri segmentum, & hoc in Opusculo Ultimum, STATUAS QUASDAM exponit, non ex earum numero, quæ sub *Romanarum* Titulo prostant; Sed vel hæcenus non vulgatas, vel vulgatas quidem, sufficienti autem Commentario non illustratas. Paucissimæ erunt, fateor, sed nobilitas multitudinem supplebit. Et Artificium in censum venit, & Raritas. Numismatum & Gemmarum Coelatores in parvo ludunt, & facile est, Artis nævos in exiguis linearum ductibus abscondere, quanquam negari non debeat, plerosque etiam in his exactam diligentiam posuisse. Toreumata mediæ ut plurimum magnitudinis sunt, mediæ certè dignitatis, cum figuras non integras exhibeant, sed dimidiatas tantum, dimidia earum parte rudi sub marmore, cui affixæ, vel ex quo elevatæ sunt, delitescente. Solis Statuis nobilior Gloria fulget, omni ex latere artificii excellentiam ostentant. Hodienum miramur Opera Lysippi & Praxitelis; Hodienum fama Menestrati & Myronis volitat, stupecente cum reverentiæ sensu vel idcò excipienda, quod non sibi, sed arti videantur laborasse. Phidias Diis, quàm hominibus efficiendis melior fertur; At Polycletus in hominum formis, ad veritatem exprimendis, excellebat. Quid dicendum? Nonne vel Naturæ lusum, vel Studii assiduitatem & Diis & Hominibus consuluisse? ut ad posteros, eorum notitia eo clariore radio penetraret, artisque simul incrementum, ad summum perfectionis culmen deduceretur. Sed de his alibi! Nunc ad propositum.

## HERCULES CUM CETO.


**H**erculis, non minus ac reliquorum Deorum, crebra inter Antiquitatis reliquias exstat mentio. Sed Eum cum Ceto, quis hactenus exhibuit? Statuam unum pomum manu gestantis, Romæ in foro Boario, haud procul ab altari, inventam, Celebrerrimus CHOULIUS memorat. An eadem fuerit cum nostra, dubitari potest, cum & ipsa hæc unum pomum dextra præferat. Quicquid sit, Herculem prodit Clava & Leonis pellis, indubitata Heroici pectoris insignia, quorum alterum Leoni Nemæo detractum, Cassidis & Clypei instar Hercules prætulisse, alterum ab oleastro recisum, armorum vice memoratur vibrasse. De Clava constat, constat de Leonis pelle loco Cassidis usurpata. De clypeo res rarior; Eam tamen videas & ipsam in numismate Phæstion apud GOLZIUM, in quo non minus, ac in aliis plerisque, ne dicam omnibus, Hercules nudus, clavaque & pelle armatus visitur, cujus rei rationem DIODORUS SICULUS suppeditat, id ideò factum asserens, quod Antiquitus arma & Vestes nondum cognita essent: quanquam alii hieroglyphicè rem explicant, sub Clava Leonisque pelle & nuditate robur & virtutem intelligentes, eo quod verisimile non sit, Herculem nudum orbem terrarum obiisse, Virtus autem firmisimum mortalibus monumentum sit, nullaque divitiarum peribolia in transversum agatur, sed nudo homine contenta vigeat.

Ad pomum, quod Hercules noster dextra præfert, non tantum in mentem veniunt poma Aurea Hesperidum, quæ interfecto Dracone Vigili ad Eurystheum retulisse memoratur, sed etiam sacra ipsius, apud Melitenfes & Bæotos, Pomis celebrata, unde & Μήλων cognomen ejus fuit. De Melitenfibus audi HESYCHIUM: Μήλων Ηερκλήης. ὀνομαζήναι Φασί τὸν θεὸν ἔπος, διὰ τὸ μὴ ἱερεῖα θύειν αὐτῷ τὰς Μελιτεῖς, ἀλλὰ τὸν κλέπον τὰ μήλα. De Bæotiis JULIUM POLLUCEM lib. I. c. I. Sect. XXVII. Μήλα θύκσι παρὶς Βοιωτίαν ἡρκαλίδι. λέγω δὲ ἔτι παρὶς Βαῖα, τῇ παιητικῇ Φωνῇ, ἀλλὰ τὰ ἀνεξέδρευα, ἐκ τοιαύτης δὲ αἰτίας. Ενεργεῖται μὲν γάρ η πανήγουσι τὸ θεῶν, ἢ κατήπειγε τὸ θύειν ὁ παιρός. Τὸ δὲ ἱερεῖον ἀρετῆς, καὶ ἦν. Καὶ οἱ μὲν ἀγαντες, ἀκοντες ἐξεδύον, ὁ γὰρ Ἀσωπὸς ποταμός ἐκ ἦν διαβατός, μέγας ἄφρων



HERCVLES.

pag 154







ἀφ' ὧν ῥίε. οἱ δ' ἀμφὶ τὸ ἱερεῖον παῖδες ὁμᾶ πλίσζοντες, οἵ τε πλήρην τῆς ἱερουργίας τὸν νόμον. λαβόντες γὰρ μῆλον ὠρεῶν, κάεφ' ἡ μὲν ὑπεθεστώ αὐτῇ πέπαιρα, δῆθεν τὰς πόδας, δύο δ' ἐπέθεσαν ἅμα. τὴ δ' ἦν τὴ νέροισι. ἔ. κῆ, τὰς ποιηταῖς ἀποθῆναι ἔφασκεν τὸ μῆλον, ὡς πρόσθεν: ἡ δὲ ἡναι τε λέγεται τῇ θυσίᾳ τὸν Ἡρακλέα, ἔ. μέλει τὰδε πρὸς μένειν τῆς ἱερουργίας τὸν νόμον. ἔ. καλεῖται, ὡς τοῖς θηβαίοις, ἢ τοῖς βοιωταῖς, μῆλων ὁ Ἡρακλῆς, ὄνομα δὲ τὸ τῶν τῆς θυσίας λαβόν. *Circa Bæotiam*, inquit interprete RUDOLPHO GUALTERO, *Mῆλα Herculi sacrificant; Non verò, ut Poëta per μῆλα oves, sed fructus dico arboreas, hac nimirum de causa. Stata quadam erat Publica Dei solennitas, & sacrificandi instabat tempus, victima autem aries erat, quem qui adducebant, inviti cunctabantur; Asopum enim fluvium, repentinis auctum inundationibus transire non poterant. Juvenes verò, qui festo sacrisque intererant, per lusu sacrificii ritum complevere; maturum enim MALUM arripientes, quatuor, qui pedum loco erant, bacilla subdiderunt, duo vero veluti cornua apposuerunt, & secundum Poëtas malum hoc, tanquam ovem obtulisse dicuntur, nec Herculi ingratam fuisse victimam, & propterea huc usque hunc sacrificii ritum permansisse. Et Thebanis porro Bæotisque MALORUM HERCULES, nomen hoc ex sacrificii ritu sortitus, appellatur.*

Hæc ex POLLUCE, quibus utique pomum, quod dextra Hercules noster præfert, abunde illustratur. De corona dicendum. Populea ea videtur, ad mentem Poëtæ in 8. Æneid. quo canente.

*Herculea POPULUS umbra*

*Velavitque comas, folisque innexa pependit.*

Et paulò post:

*Tum Salii ad cantus incensa Altaria circum*

*POPULEIS adsunt evincti tempora ramis.*

De quibus omninò videri meretur MACROBIUS lib. 3. Saturn. & quis nescit tritum illud:

*POPULUS Alcide gratissima?*

Causam ex PAUSANIA discas *El. priore*, ubi populum albam in Thesprotide ad Acherontem Hercules reperisse, & in Græciam intulisse, memoratur, unde postea & mos manserit, Eleis Patrius, ut ad usum

Olympicorum sacrorum ligna ex sola populo alba ; neque ex alia arbore caderentur, id quod & ipse Hercules egerat. Sed propius ad rem facit SERVIVS ad dicti Poëta verba: Populus Alcidae gratissima, inquit, quia *EA VELATUS* ab Inferis redit, quam HOMERUS *Ἀχέρωνδα* dicit ab Acheronte ad superos translata. Quia corona usus, duplici colore foliorum, geminos labores superorum inferorumque testatus est. De hac sanè arbore fabula talis est: LEUCE, Oceani filia, inter Nymphas pulcherrima fuit. Hanc Pluton adamavit, & ad inferos rapuit, qua postquam apud eum, completo vita sua tempore, mortua est, Pluton tam in amoris, quam in memoria solatium, in Elisiis piorum campis, Leucen nasci arborem iussit; ex qua, sicut dictum est, Hercules se, revertens ab Inferis coronavit.

Ad Cetum properamus, qui juxta Herculem lento conamine caput elevat. Hunc fortasse ob colli tenuitatem, non tam Cetum quam Draconem arbitraberis. Sed Cetum evincunt, non tam fluctibus immerfi pedes, quàm figura ejus, cujus in ventre Jonas per triduum delituit. Videri is potest in ROMA SUBTERRANEA. ARINGHI, ex antiquis Christianorum Sarcophagis delineatus, ubi eadem planè colli tenuitas, iidem pedes, idemque caput visuntur. Et quid si idem utrinque Cetus? SEXTUS EMPIRICUS adversus Mathematicos, Herculem calvum evasisse, memorat, cum à Ceto, qui in Hesionem irruerat, devoratus esset. Idem tangit & LYCOPHRON, initio CASSANDRÆ :

Τρεῖσπέρες λέοντι ὅν ποτε γνάθοις  
Τείπων ἡ μάλαψε καίεχαμνὸν κίων  
Ἐμπνέας δὲ Δαιτρός ἠποίτων, Φλοιδόμεν  
Τινθὴ λείητι ἀφλόγοις ἐπ' ἐχάραϊς  
Σμήμεγγας ἐστάλαξε κωδαίαις πέδιλοις

Trivestri (five Trinocetii) Leonis, quem aliquando maxillis  
Iritonis deglutivit asperè dentatus Canis ;  
Vivus autem dissector intestinorum, ambustus  
Carvo lebetis in focis ignibus expertibus  
Capillos destillavit capitis solo.

Quem-


Quem in locum ita ISACIUS TZETZES περιέπερον τὸν Ἡρακλέα λέγει  
καλεῖν τὸν λυκόφρονα, διὰ τὸ ἐν τῷ κήτει τρεῖς ἡμέρας ποιῆσαι αἰ-  
εσπέρας καλεῖ, διὰ τὸ αἰφύρινον, ἃ σκοτεινὴν εἶναι τὴν γαστέρα τῆς  
θηρίας. *Trinoctium* ajo *Herculem* vocari à *Lycophrone*, quia in  
*Ceto* tres transegerit dies, quas *vesperas* sive *noctes* appellat, quia  
*lucis* expers ἐστὶ *tenebrosus* foret *Ceti* venter. Ex quibus Doctiss.  
VOSSIUS *Herculis* fabulam de *Ceto* ex historia *Jonæ* ortum  
traxisse statuit. Occasionem affert ex B. CYRILLO sumit,  
qui in *Jonæ* cap. II. Ἡρακλέα φασὶ τὸν Ἀλκυμήνης καὶ Διὸς  
καταποθῆναι ὑπὸ κήτης. ἐκδοθῆναι δὲ πάλιν ἐν τῇ ἐμφύτῃ  
θερμότητι ἐπιλωμένης αὐτῷ τῆς κεφαλῆς, καὶ μόνῃς περιχρῆ-  
σται τὴν ἀπόφασιν. Μέννηται δὲ τῆς ἰσοείας λυκόφρον.  
*Herculem* ajunt, *Alcmena* ἐστὶ *Jovis* filium, deglutitum quidem à  
*Ceto*, redditum tamen, ab insito *Ceti* calore, capite solum depilato.  
Meminit vero historia *Lycophron*. Imò etiam ex THEOPHILACTO:  
*Devoratur* ergo à *Ceto* *Jonas*, tresque dies, ac totidem noctes in  
eo permanet *Vates*, quæ res omnem excedere fidem audientibus  
videtur, maxime iis, qui ex *Græcorum* Scholis, sapientique do-  
ctrina, ad hanc historiam accedunt. Quos equidem non satis  
demirari possum, qui fiat, quod hæc non intelligant, cum suis  
ipsorum alis capiantur. Apud ipsos enim nonnihil tale de *HERCULE*  
narratur, nempe quod ἐστὶ ipse à *BALÆNA* devoratus, incolumis  
remanferit, nisi quod tantummodo depilatus redierit, idque ob  
ingenitum ἐστὶ internum *Belluæ* calorem; aut igitur nostra suscipiant,  
aut sua rejiciant. Sed hæc in medio relicta sunt.

Nos *Hercules* vocat, de quo *Hesione* liberante, ex interpretatione  
Benedicti Ægii Spoletini, Hæc sunt APOLLODORI verba: *HER-  
CULES* (devictis *Amazonibus*) *renavigat*, ἐστὶ *Trojam* appellit. Tum  
forte accidit per *Apollinis* ἐστὶ *Neptuni* iram, ut *Civitas* infelicer  
ageret; Quoniam *Apollo* *Neptunus*q, *Laomedontis* injuriam ulcisci  
volentes, mortalibus assimilati, ac veluti mercenarii, *Pergamæ*  
adificaturos, paciscuntur, quibus cum opere absoluto constitutam  
mercedem *Laomedon* minime solveret, tum *Apollo* pestem, ac *Neptu-  
nus* cum inundatione *CETOS* immisit, quod quicquid mortalium in  
campis offendit, corripiebat; cum vero ex oraculis malorum finem  
tum fore diceretur, cum *Laomedon* *Hesione* filiam suam *Ceto* de-




vorandam apposuisse, tum ille in proximis Pelagi saxis alligatam proposuit. Hanc ita expositam ut vidit HERCULES, se servaturum pollicetur, si sibi, quas Equas pro rapti Ganymedis jactura ei Jupiter dederat, Laomedon tradat. Hoc illi se daturum pollicitus est Laomedon. HERCULES CETOS OCCIDIT, & Hesionem servavit. Hac Apollodorus. HYGINUS in paucis aliter fab. 89. Neptunus inquit, Cetum misit, qui Trojam vexaret, ob quam causam Rex ad Apollinem misit consultum. Apollo iratus ita respondit; si Trojanorum Virgines Ceto religata fuissent, finem pestilentia futurum. Cum complures consumpta essent, & Hesionem fors exisset, & petris religata esset, Hercules & Telamon, cum Colchos Argonauta irent, eodem venerunt, & Cetum interfecerunt, Hesionemq; Patri pactis legibus reddunt, ut cum inde redissent, secum in patriam eam abducerent, & Equos qui supra aquas & aristas ambulabant. Addatur & PALEPHATUS de incredibilibus lib. I. de CETO hac quidem memorantur, quod Trojanos è mari exiens invadebat, & siquidem ei puellas aliquas Trojani obtulissent, ab eis recedebat: Si minus eorum totam regionem devastabat; Quam verò id fatuum sit, credere Trojanos filias suas proprias Ceto exponere solitos fuisse, quis non videt? Virum namq; potius magnum quendam nomine Cetum hunc fuisse, dicendum est, qui cum Rex esset, multum roboris viriumque habens, ac in re navali valde potens, Paludem quendam in Asia, quam Trojani possidebant, circa mare subvertit; Tributumq; ab eis sibi ob id persolvebatur, quod quidam Dasmon id est Vectigal vocant. Argento autem ejus temporis homines minime utebantur, sed vasis solum & suppellectile omni alia. Imperavit ideò Rex ille, qui CETON nomine dicebatur, ut civitates quadam tributi nomine Equos sibi darent, alia vero puellas mitterent. Hunc vero Regem, cui nomen erat Ceton, barbari Cetum vocabant. Hic circumquaq; loca illa adibat, & debito necessarioq; tempore, tributum ab iis promissum, exigebat. Quod si quapiam civitates persolvere recusarent, eorum regiones & loca male tractabat. Pervenit & is quoque ad Trojam, eo potissimum tempore, quando HERCULES illic etiam exercitum Gracorum habens, venit. Unde Herculem tunc Laomedon Rex in Trojanorum praesidium conduxit. Ceton verò exercitum suum cum impetu in eos duxit. Cui cum obviam Hercules & Laomedon cum copiis suis facti essent, illum interfecerunt, quo ex facto sermo fabulosus confectus est.

APOLLO



APOLLO.

pag. 159.



## APOLLO.

**N**OBILISSIMUS JOACHIMUS à SANDRART, inter *Admiranda Sculptura Veteris*, statuam propositæ in paucissimis dissimilem, Poësin arbitratur, aitque eam exstare in Palatio Medicæo, quod Romæ est. Assertum juvare videntur & volumen, quod apud eum dextra præfert, & Cygnus, avis secundum fabulam vocalissima, & Laurea Apollinaris, solitum cum hedera Illustrum Poëtarum præmium.

In proposita, quam & ipsam ex MSC. Pighiano desumimus, idem plane habitus est, nisi quod, loco Voluminis, Lyræ præferat, & laurea absit. Idem est habitus Cygni, idemque dependentis pallæ fluor: ut non abs ratione dubites, an non eadem utrinque statua sit? An non fractis lyræ cornibus, relicta basis voluminis, & coma vetustate corrupta, laureæ speciem objecerit? Quicquid sit, Poësin tamen in neutra statueris. Genus obstat, quod non Poësin hoc sensu, sed *Poëtam* aliquem demonstrare videretur, in nostra *Lyricum*, in Sandrartiana *Epicum*, & quidni ipsum Mantuanum Cygnum? Sed hunc in nostra ut agnoscas Cythara prohibet, ut *Lyricum* agnoscas in Sandrartiana, prohibet Lyræ absentia, & præsentia Cygni. Tertiū igitur amplectendum. Non Poësin, nec Poëtarum aliquem nostra statua præfert, sed Apollinem, Poëtarum, secundum Ethnicos, & Præsidem & Deum. Hunc lauro redimitum vel millena numismata exhibent, redimitum tænia, memorat PAUSANIAS in *Atticis* *ὅτι τὸν ναὸν ἐξέτισιν ἡ ἑσθλὴ καὶ ἡ γυνὴ καὶ Ἀπόλλων ἀναδέμεν τινί τὴν κόμην*. Idem & de Cithara in *Arcadicis*, & iterum in *Laconicis*: in portu ad Zaracam Apollinis delubrum memorans, & simulacrum Citharam tenentis.

Sed hæc utique vulgaria sunt. Non item, quod Cygnus ei sacratu erat. Cygno per aëra vectum, in ΚΑΛΧΑΔΟΝΙΩΝ numismatibus contemplamur, ad quæ ILL. PATINUS sequentia MARTIANI CAPELLÆ citat: *Scandente Phæbo, Musarum pedisequus, adherensque comitatus, candenti canoraque alite vehebatur. Cygnos currum Apollinis, cui sacra erant aves, ve- here, sinxerunt Poëta, fortassis ob Harmoniam, quam paulo ante obitum edunt.* Sed magis ad statuam facit LUCIANUS, qui  
olores



olores Απόλλωνος παῖδες Apollinis Affesores vocat, & CAL-  
LIMACHUS, qui à natatu Cygnorum, numerum fidium Apollinem  
defumfisse narrat: Ita ille in hymno in Delum §. 155. seqq.

Κύννοι δὲ θεῶν μέλποντες αἰοῖδοι  
Μηόνιον περικτυλὸν ἐκυκλώσιντο λιπόντες  
ἐπεμοίαις παρὶ Δῆλον. ἐπήεσαν δὲ λοχίῃ  
Μεσσίαν ἔρριβες, αἰοῖδοι πεπενηνῶν  
ἐνθεν ὁ παῖς τοσάς δε λύρη ἐνεθήσει χόρδας  
ὑψερην, ὅσας κὶ κύννοι ἐπ' ὠδίνεοσιν ἀείσων.

Olores, Phæbi cantores modulantes,  
Meonio Pactolo relicto, cinxerunt  
SEPTIES circa Delum, & accinuerunt puerperio  
Musarum Volucres, vocalissimi inter aves.  
Atq; hinc Puer (Apollo) TOTIDEM lyra intendit FIDES  
Postmodum, quoties olores pariendi doloribus acci-  
nuerant.

De nuditate adhuc dicendum, & dependente à brachio palla.  
Nudum Apollinem cum dependente, quanquam aliter, palla,  
plurima numismata exhibent; Vestitum, vix unicum Augusti, in  
quo, ad mentem PROPERTII, Lib. II. El. 23.

*Pythius in longa Carmina veste sonat;*

Sed hic ad Citharoædorum habitum videtur effictus. In reliquis  
plerumque nudus est, procul dubio, quod sub eo sol intelligatur,  
apertum nostris oculis Luminare, & cujus splendore torum Hemi-  
sphærium illustratur, quanquam interdum pellucidæ nubes cando-  
rem involvunt, quas proinde sub Apollinis palla tibi rite imagine-  
ris, suffragante HORATIO lib. I. ad 2.

NUBE Candentes humeros AMICTUS  
Augur APOLLO.

BACCHUS



BACCHVS.

*pag. 161*



# BACCHUS

## Coronam Hederaceam sibi imponens.

**B**ACCHI simulacra pluribus in monumentis prostant. Non Statuæ tantum, sed & Numismata, & Gemmæ, & Marmora ejus habitum exprimunt; pauca tamen sunt, quæ non ab aliis differant. Ita etiam in iis, quæ vulgaria videntur, quædam tamen occurrunt nostra contemplatione non indigna, præsertim si & nobilitate artificii excellent, & antiquæ superstitionis vanitatem nativis ductibus exponant. Statua nostra ex horum numero est. Artificii excellentia, Genuinæque Antiquitatis genius prodeuntem adeo commendant, ut ex PIGHII delineatione eam vulgare non dubitem, licet inter *Regias Gallorum* jam vulgatam. Bacchum intueris τὸ σῶμα δὲκ ἀμορφον, *Corpore non deformem*, quod de eo Pentheus dicit apud EURIPIDEM in *Bacchis Act. 11. v. 20*. Forma Bacchum Boeoticum demonstrat; Hunc enim juvenem, Elegantem, delicatum & adolescentem fuisse, diversumque ab Indico barbato, DIODORUS Author est. HOMERO νεανίη ἀνδρὶ ὅμοιος *juveni vero similis* vocatur. Ἀγλαόμορφος *formosus* POETÆ INCERTO in *Florilegio Epigrammatum lib. 1. c. 38. n. 11*. Formam Virgineam memorat Aletes apud OVIDIUM *Met. l. 111*. quæ tamen in facie & comis præcipue elucet. De corpore reliquo ipsum de se apud EURIPIDEM audias:

ἔιδ' ὅς τ' ἐνητὸν ἀλλάξας ἔχω  
Μορφὴν ἐμὴν μετέβαλον εἰς ἀνδρὸς οὖσι.

*Mortali sumta imagine  
Me in ora ejus habitum transformavi VIRI.*

Artum sc. succulenta crassities, musculorumque nitidior exstantia virilitati suffragantur; at comarum nexus, at oculorum scintillæ, faciei que nitor cultum foemineum evincunt. Non alio Authore hic opus est, ac eodem EURIPIDE, apud quem idem Pentheus:



Πλόκαμός τε γὰρ σὲ ταναιός, ἔπαιλ' ὑπὸ  
γένυν ἡπὶ αὐτὴν κεχυμένῳ πόθῳ πλέως  
λευκὴν δὲ χειρὶν εἰς ὠδασκευὴν ἔχεις.

COMA tibi proluxa est, non ex lucta,  
Formosis diffusa genis, delicata, plena desiderio.  
Præterea cute adornatus nites candidula.

Præterea Præterea μὲν αἰβρὸν βόρρυχον τεμῶ σέθεν  
Primum quidem DELICATAM tuam abscindam  
COMAM.

Cui respondit Dionysus.

Ἰερὸς ὁ πλόκαμος. Τῷ Θεῷ δ' αὐτὸν τρέφω  
Sacer capillus est. Deo ipsum nutrio.

Cæsariem flavam & fragantem ei tribuit idem Pentheus, ubi simul  
& de oculis discas.

Λέγεις δ', ὥς τις εἰσελήλυθε ξένῳ  
Ξανθοῖσι βορρυχοῖσιν ἑνὸς νόμον  
ἰωνῶας ὁδοῖς χάρειταις Αἰθροδότης ἔχων.

Dicunt quod quidam hospes advenerit  
Fragans coma, & flava Cæsarie,  
Nigrasque habens in oculis Cithææ gratias.

Sed de his plena sunt Poëtarum Volumina. Pellem, quæ corpus  
ambit, Interpres Statuæ Regiæ non hinnuleam, sed Tigridis statuit  
esse, juvarique posset illo Claudiani

Parthica velat

Tigris & auratas in nodum colligit ungues.

Sed PIGHIUS, nisi fallor, pellem hinnuleam expressit, usus Statua  
procul dubio integriore. Plura Bacchus Vestium genera habuit.  
Sindonem & Mithras gestare, unguentis & floribus tingi, Bacchi-  
cum esse, STRABO ait. Bacchum in antro cubantem, tunicaque  
talari vestitum PAUSANIAS memorat: In proposita statua pellis  
hinnulea corpus ambit. Apud EURIPIDEM crebra ejus mentio est.  
Nεβριδὶ ἐξάψας χερσὶ Corpore indutus Nebride venit Bacchus  
Thebas, docente ipso in Prologo Baccharum. Nεβριδὶ ἔχων  
ἱερὸν ἐνδυτὸν, Sacro Nebridis indutus amictu cantatur Choro, cujus  
ad imitationem etiam Tiresias:

Θυρεσς

Θύρας ἀνάπλεον ἔχει, νεβρῶν δορὸς ἔχειν  
 σεφάνην τε κισίνους βλασθήμασιν,

*Thyrſos tollere, & pelles hinnuleas induere*  
*Tempora frondibus hederaceis redimire*

Se senem cum seniore constituisse jactat: & Juvenclas, Anus, In-  
 nuptas & Virgines, demissâ per humeros coma, *Nebridas subli-*  
*gasse*, Nuncius memorat. Et quid multa? Epitheton *νεβριδο-*  
*πέπλε* in Epigrammate, hinnulea pelle indutum abunde demon-  
 strat. *Νέβρε δέρεσσι σκιδόν*, *Hinnuli pellis maculis sparsa* alibi vo-  
 catur. Sub maculis Astra intelligi NONNIUS l. 14. *Dionys.* Author  
 est, quod si verum, utique sub pelle Coelum, & proinde sub  
 Bacchi simulacro ipsum Deum intellexeris, quem ideo nudum ut  
 plurimum effinxerit Gentilium superstitio, quod exfertis in genus  
 humanum divinæ bonitatis radiis se conspiciendum præbere soleat:  
 Talis Jupiter omnium Deorum Rex, talis Apollo Lux mundi, &  
 in proposita statua Bacchus, *Vini* secundum DIODORUM *inventor*,  
 & OVIDIO teste,

*Genialis Confitor Uva,*

Quam sinistra contrectat, & à qua apud Homerum *πολυτάφυλλος*  
*Ἰσῆς* abundans vocatur: honestiore elogio, quam in Epigrammate  
*νωμασῆς Ebrinus*, quo habitu currui insidentem ATHENÆUS  
 memorat, apud quem & faciem ejus ex ligno Vitis reperias, non adeò  
 absurdè ad vitem, arboris trunco, hoc in *κειμηλίῳ*, circumvolutam.  
 Arboris trunco: An quod Vites ulmis antiqui adjungerent, quod  
 ex Virgilio palàm est? An quod Bacchus etiam Arborum curam  
 gesserit, docente PLUTARCHO? Prius forsitan prætuleris, quod  
 posterius non truncum requirat, sed arborem & foliis & fructibus  
 divitem, ut Dei potestas simul elucescat. De vite succurrit etiam  
 Elogium *εὐαμπέλῃ vitibus abundantis*; Bacchus enim non vino  
 tantum se ingurgitare, adeoque potantibus favere, sed & vinum  
 producere, vineasque curare credebatur. Coronam, quam Capiti  
 videtur imponere, interpretis Regius *Pampineam* facit; Mihi hederacea  
 videtur. Equidem *πολυτέφανος* *Variè coronatus*, in Epigrammate  
 vocatur. Uvis coronatum ibidem Epitheton *βοτρυχαίτης* indicat.

Coronatum & hedera & lauro Homerus testatur. Et quod accedit, omnia prostant in superstitibus Antiquitatum thesauris. Sed inficias ire non possumus, communiorem Baccho fuisse coronam hederaceam, unde *κισσοειδὴν* elogium meruit. HOMERUS *κισσόνειον*, & PINDARUS *κισσοφόρον* appellat. Clarius adhuc NICE-RATUS Epig. l. i. c. 59. No. 7. Bacchum allocutus de Cratino

ἔιχε δὲ κισσῶν

Μέτωπον, ὥσπερ ἔ, σὺ, κενερωμένον.

*Habuit hedera*

*Frontem, ut es Tu, redimitam.*

Hedera Bacchum delectari, ut Capella delectatur Jupiter, incertus author est alibi. PLINIUS *Bacchicam* dictam sacrisque Bacchi apud Thraces adhibitam, imo & Thyrsos Galeas & scuta eâ ornata memorat: Rationes Consecrationis variæ sunt: vel quod Bacchus ea in arbore fuerit occultatus: vel quod racemos Uvarum hedera imitetur: vel quod semper sit viridis & juvenis, qualis Deus ipse fingebatur: Vel quod, cum frigida sit arbor, ob insitum frigus, adjumento sit contra Ebrietatem: vel quod Cissus Bacchi comes, cum inter saltandum periisset, Bacchi jussu in hederam fuerit mutatus. Sed hæc apud Mythographos exstantia, latius hic examinare haud arbitror operæ pretium. Unicum adjicimus ex PLINIO, sed quod propositæ Statuæ apprimè videtur quadrare. Ita ille Lib. XVI. c. 4. *Antiquitus corona nulla nisi Deo dabatur: ob id Homerus Cælo tantum eas es Prælio universo tribuit, viritum verò ne in certamine quidem ulli. Feruntque PRIMUM OMNIUM LIBERUM PATREM IMPOSUISSE CAPITI SUO EX EDERA.*





IVLIA.

pag. 163.



## JULIA AUGUSTA.

**D**Um Statuam contemplor, ex Regiis apud Gallos ædibus de-  
promptam, subit ecce & alia, nec ipsa, si mihi credas, satis  
dilucidata. Interpres generali vocabulo FOEMINAM  
inscripsit, atque quibusdam Deam Cererem esse visam, idque  
quod altera manu præferat papaver. Sed difficile esse judicium,  
cum temporis injuria nitor evanuerit; figuram tamen pulcherrimam  
esse, & antiquissimam, vereque Romani artificii, id quod ex Ve-  
stimento appareat, cum Græci statuas ut plurimum nudas ex-  
hibuerint.

Romanum artificium esse mihi facile persuadeo, Romanam  
enim, sed non de plebe, mihi videor intueri foeminam. Ornatus  
Capitis idem planè est, qui est in numismatibus Juliæ Augustæ,  
Uxoris L. Septimii Severi, Bellicosissimi Romanæ Gloriæ  
Imperiali in fastigio Restauratoris. Eadem sunt & insignia; sinistra  
enim non papaver, sed spicas præferre videtur, quas & Julia apud  
TRISTANUM in numismate ΔΑΔΔΙΑΝΩΝ, quas & Ceres  
in numismatibus Juliæ apud ILL. MEDIOS. ex quibus simul  
constat, Cereris habitu ipsam Juliam adulatoribus olim fuisse effi-  
ctam. Accedit formæ, quam statua exhibet, præstantia, cum  
Juliam pulcherrimam SPARTIANUS asserat in Caracalla, cum  
talem & hodiernum numismata præferant, in quibus, nisi me acies  
fallit, & facierum quædam convenientia deprehenditur, quo ar-  
gumento facile responderis, si quis aliam, eodem capitis ornatu  
insignem, puta Juliam Mæsam, aut Soæmiam adduxerit.

De Julia Severi constat, eam Syram fuisse: constat, horo-  
scopum Regium habuisse, quo impulsus Severus eam duxerit.  
De eo SPARTIANUS. *Cum amissa Uxore, aliam vellet ducere,*  
*genituras sponsarum requirebat, ipse quoque Matheos peritis-*  
*simus: Et cum audisset esse in Syria quandam, qua id genitura*  
*haberet,*

*haberet, ut regi jungeretur, eandem uxorem petiit, Juliam scilicet, & accepit interventu amicorum: ex qua statim Pater factus est. Pater est factus, genito scilicet Caracalla: tantum abest, ut Julia vel Caracallæ noverca fuerit, vel etiam post Severi mortem incestas cum filio nuptias inierit. Fabulam graphice refutat TRISTANUS, quanquam negari forsitan non debeat, Juliam haud ignavam Veneris satellitem fuisse: Adulterius famosam ÆL. SPARTIANUS testatur & in numismatibus nihil frequentius venditat ipsa, quam Venerem vel felicem vel victtricem, vel genetricem.*

Equidem non dixerò, turpitudini hæc accensenda, quanquam quis turpe reputasset adulterium exemplo Deæ commissum? potius formam & foecunditatem adduxeris, quâ Veneri vel par vel superior erat: Uti & Matrem Deorum adulatio finxit, quod Caracallam & Getam peperisset: Junonem, quod imperium in terris obtineret, ut Juno in Cœlis: Dianam, quod imperatorium jubar, post Severum, unica orbi Romano impertiret: Et denique in nostra Statua Cererem, quod ipsius donum videretur, qua Severus Rempublicam beaverat, nobilioris annonæ abundantia. Severi Numismata rem confirmant, ea præsertim, quibus vel Annona Augusti cum Cerere conjungitur, vel Ceres frugifera cum spicis & hasta exhibetur. Spicis & hasta? an hinc, quem dextrâ adhuc tenet Julia nostra, bacillum hastæ fragmentum arbitraberis? per me id licebit, quanquam & facis reliquiæ esse possint, quæ & ipsa Cereri affingi solet, eam potissimum ob causam, quod accensis in Ætnâ facibus, Proserpinam filiam, à Plutone raptam, quæsierit. Quicquid sit, Liberalitatem Severi & Juliæ, qua annonæ prospexerunt, felicitatique consulverunt, his Schematibus celebrari, non alia ratione eviceris arctius, quam eo numismate Severi, quo figura Stolata stans sinistraq; cornucopiæ tenens, dextra autem frumentum quinque puerulis distribuens, SÆCULI FELICITAS inscribitur. Adeò mirum non est, Juliam Cereris & habitu & insignibus adornatam occurrere, cujus, in reliquis, &  
luctui


luctui propior fuit. Sub Severo, Plautiani calumniis laceſſita: Severo mortuo, Caracallæ parricidio læſa, tanto acerbius doluit, quantò oc- cultius debuit. Philoſophia tamen, qua non minus ac Aſtrologia & Geometria excellebat, doloris aſylum erat, quouſque ambitio- ſiſſimæ foeminæ Imperialis ſaſtigii jubar relinqueretur. Eo Ma- crini indignatione negato, ſupremum Ethnicæ ſtoliditatis ſolacium à ſe impetravit, ut ſimul cum Imperii Decore, ipſam etiam vitam videatur amiſſiſſe.





*Errores Correcti.*

**I**N Dedic. p. 2. l. 19. lege *tenebrosus*. p. 14. l. 19. *venerabantur*. p. 16. l. 3. *Proceres*, p. 20. l. 10. *ὄδω*. p. 32. Lineæ tres ultimæ omittantur. p. 37. l. 34. lege *ἡγεμὲν*. p. 38. l. 4. *κατασκευάσαι*. p. 42. l. 7. *potius*. p. 44. l. 19. *illa*. p. 50. l. 7. *συμβασιλευς*. p. 52. l. 2. *Lapidibus*. p. 57. l. 10. *velocitate*. p. 63. l. 2. *παιδαγωγόν*. pag. 80. l. 13. *officium*. p. 85. l. 29. BOISSARDUM. p. 87. l. 16. *Oceano*. l. 28. *quas*. p. 82. l. 3. & p. 93. l. 19. ROBERTUS STEPH. p. 95. l. 11. *debeturque*. l. 27. *vñ*. p. 97. l. 9. *etiam*. p. 113. l. 2. pro *Ministrum*, lege: *eundem*. pag. 129. l. 5. *συμφορεῖ*. p. 140. l. 10. *prestigiarum*. p. 150. l. 1. *viz*.







866

Comptoir ac

in-folio 1692/9d. 2<sup>e</sup> 1694 in pro

104-2

33/4

SPECIAL 88 B  
Folio 23958



